



WANTOK

Niuspepa bilong yumi ol PNG stret!

Wan Wik,

Epril 21 - 27, 2005

NAMBA 1605

K1.00 long Mosbi tasol -Ausait Mosbi K1.30



**BOGENVIL
ELEKSEN NIUS-
PES 4**

**LUKIM
RIMEMBRENS
DE POTO
LONG PES 17**



OCEAN BLUE

**Tuna in oil
Rait teist
yah!**



- Ol nupela samting bilong wok agrikalsa -PES 3
- ...NARI bai soim long open de
- Ikonomi na bisnis i slek tru long Finsafen -PES 3

MTDS bai strongim kantri



...Nesenel Gavman i opim pinis Midium Tem Developmen Strateji (MTDS). Bikpela plen bilong stretim sindaun bilong olgeta manmeri insait long kantri.

Neville Choi i raitim

LONG Trinde long dispela wik, nesanel gavman i opim Midium Tem Developmen Strateji (MTDS) bilong yia 2005 i go inap 2010.

Wok bilong dispela progrem em bilong makim rot bilong karimaut ol bikpela wok developmen insait long kantri.

As tingting bilong dispela plen i sut stret long kirapim tingting bilong wan wan manmeri bilong statim liklik bisnis bilong ol yet bai ol i ken stretim sindaun bilong ol wan wan.

Taim dispela i kamap, bai ikonomi bilong kantri bai inap strong bek.

Minista bilong Nesanel Plening Arthur Somare i go pas long wok kamap bilong dispela MTDS plen aninit long dipatmen bilong em.

Em i tokim Wantok Niuspepa long Tunde olsem ol i bin go raun long olgeta hap long kantri i stat long 2003 yet long kisim tingting bilong ol manmeri insait long ol provins long dispela bikpela samting.

Mista Somare i bin tok klia olsem dispela plen bai tukluk long stretim ol samting we bai i ken karim kaikai bilong planti moa manmeri insait long kantri. Bikpela hap samting em long stretim ol rot insait long kantri.

"As tingting bilong dispela plen em bilong groim ikonomi bilong Papua Niugini. Taim mipela i groim ikonomi

bilong kantri, sindaun bilong ol manmeri bai i orait. Tasol long statim dispela wok, mipela i mas lukluk long stretim ol rot pastaim. Mipela i stretim rot pinis, ol manmeri i ken karim ol gaden kaikai bilong ol i go long maket. Taim ol i gat rot long mekim mani long ol kaikai bilong ol, ol i ken baim skul fi bilong ol pikinini, ol pikinini i ken kisim save na strongim kantri long bihain taim," em i tok. "Long narapela sait, mipela i tukluk long ol hevi we i wok long kamap olsem sik HIV/AIDS, groa bilong namba bilong ol manmeri insait long kantri, praimerit helt kea na givim gutpela skul long ol bikmanmeri."

Gavana Jenerel Sir Paulias Matane i bin lonsim dispela MTDS na em i tok, "MTDS bai helpim gavman na ol pipel long yusim olgeta liklik samting o risos ol i gat long gutpela na stret pela wok inap bai ol hat wok bilong ol na ol samting ol i yusim bai i no inap lus nating."

Em i tok dispela bai i no inap wok inap ol manmeri yet i holim na karim dispela plen na wokabaut bihainim.

I gat 10-pela bikpela as tingting we bai i makim rot bilong dispela MTDS.

1: Strongim praivet sekta long groim ikonomi - Gavman i laik kirapim ol manmeri long ples long groim ikonomi wantaim ol liklik bisnis.

I go moa long pes 2

Makim Taim Bido bilong taim bilong pait long Wol Woa 2, i bin i gat ol man Papua bilong na ol boidis husat i save ron na karim ol toksave i go kam. Mosbi i bin makim wantaim samting i kamap taim Long Rans Rikonsensas Yunif bilong Papua Bilong Dians Fos husat i save stap long Goldie Difens Fas Baraks i bin ron karim bilong olgeta bilong makim Rimembrens na ANZAC De long Manda. Ol i bin stap ron bilong ol long Soperi yet na i kam daua olgeta long Sir John Guise Stadium long Mosbi eit. Ol dispela solda i bin soim tru strong bilong ol. Ol manmeri husat i bin stap long luksava long dispela bikpela de i bin amamas tru long ol. Lukim moa piksa long Rimembrens De long Pes 17. Foto: NEVILLE CHOI

Mother's Day
Brian Bell
at *Shop with a friend*

**WINIM
HOME
APPLIANCE
PACKAGE
BILONG MAMA!**

**BAIM SAMTING LONG OLGETA BRIAN BELL STOA
NA KISIM SANS IGO LONG DRO BILONG
WINIM GUTPELA PRAIS BILONG MAMA!**

**TRAMONTINA
PACKAGE**

**NA
PLANTI
CONSOLATION
PRAIS!**

Polis Ripot

NCD: POLIS insait long Nesenel Kapitel Distrik (NCD) i holim pasim na sasim tripela saspek husat i bin wokim holap na stil pasin long Tony Wagambie em bos bilong ol polis long NCD na Sentral provins na Asisten Polis Komisina tupela wik i go pinis. Ol polis i bin holim tripela saspek ya long Gerehu Stes 4 long Tunde moning. Opis bilong Komanda i tok ol polis i bin kisim tu dispela gan ol bin yusim long wokim holap long Komanda. Ol bin kisim bek tu tupela woki toki radio. Polis i bin sasim tripela saspek long long holim gan na wokim stil pasin na brukim lo long yusim kar i no bilong ol aninit long Kriminal Kod.

NCD: POLIS long NCD i mekim wok painimaut yet long dai bilong wanpela wokman bilong yunivesiti long dispela wik. Ol polis ripot i tok tupela man i bin stap insait long kar we polis i wok long bihainim long wanem ol i bin bilip olsem ol i wok long ron long ka ol bin stilim. Ol polis i bin ronim dispela ka long Boroko yet i go olgeta long Waigani klostu long Institut ov Pablik Edministresen. Wanpela wokman bilong yunivesiti i tok man we polis i bin sutim em i dai i wok olsem wanpela elektrisen wantaim mente-nens seksen bilong yunivesiti. Dispela birua i bin kamap long las Sarere nait.

Tok Sori

Wantok Niuspepa i tok sori long asua bilong mipela las wik Fonde we mipela i bin putim stori bilong lonsing biong nupela odit komiti bilong Royal Papua Niugini Konstabulari (RPNGC) aninit long het tok bilong narapela stori, 'Fainens dipatmen lonsim intanet sait' long pes 2. Dispela i no bin rong bilong ripota. Sori gen.



Balus karim 30 Yia Amamas...Ol balus bilong Air Niugini nau i karim flek na piksa bilong namba 30 krismas bilong independens insait long kantri. 11-pela Air Niugini balus nau i karim dispela piksa bilong makim dispela yia olsem namba 30 yia bilong independens. Tupela F100, 5-pela F28 4000, tripela DHC Dash 8 202 na wanpela 767 balus i karim dispela flek raun nau. Air Niugini Edministresen Supaintenden Brian Foremat na Sinia Remp Opisa Bruse Nikints i sanap stailim long wanpela Dash 8 i sindaun long Jacksons Ples Balus long Mosbi. Poto na stori: NEVILLE CHOI

MTDS bai strongim kantri

- 1 kam long pes 1.
 - 2: Bungim ol risos wantaim developmen - Dispela em bungim ol risos olsem graun, wok manmeri na mani bilong sapatim ol developmen program na wok.
 - 3: Stretim sindaun bilong ol manmeri - dispela em bai tanim strong bilong ikonomi long stretim sindaun bilong olgeta PNG manmeri.
 - 4: Yusim ol netserel risos - dispela i sut long Agrikalsa, forestry, fiseris na turisim we bai ol i kisim helpim long wok maining, petrolium na ges.
 - 5: Opim maket bilong ol PNG risos na prodak - em bai opim ol maket ausait long kantri bilong ol samting mipela i mekim insait long kantri.
 - 6: Bungim olgeta level bilong gavman - em bai nesenel, provinsel na lokol level gavman bai i mas wok bung long karimaut MTDS.
 - 7: Patnasip aninit long ol wok bung - strongim wok bung namel long praivet sekta, ol dona ejensi, sios na ol komyniti grup long karimaut MTDS.
 - 8: Kamapim ol projek long ol ples we i nogat inap developmen
 - 9: Strongim ol manmeri na save bilong ol - Helpim ol manmeri long helpim ol long kisim gutpela helt na edukesen sevis na strongim infomel sekta.
 - 10: Strongim tingting bilong ol manmeri long mekim wok bilong strongim kantri.
- *LUKIM WANTOK NIUSPEPA NEKS WIK LONG GLASIM MOA LONG DISPELA MIDIMUM TEM DEVELOPMEN STRATEJI.

TRAIN FOR SUCCESS IN 2005!

Professional accredited
British Career Training

YOUR professional accredited Certificate or Diploma, or Degree.

Cambridge International is the key to a successful career. Invest in accredited qualifications and skills for a great future.

International Diplomas (£130 or US\$260)

- * Accounting, Hotels, Tourism, Computers
- * Business, Management, Stores, English
- * Personnel, Marketing, Advertising, Insurance
- * Economics, Secretary, Purchasing, Stores

Advanced & Honours Diplomas and MBAs

- * Business, Marketing, Finance, Personnel

For your FREE information book contact:
CAMBRIDGE INTERNATIONAL COLLEGE
P O Box 53, Southampton,
SO14 0YP, England, Britain.
Fax: + 44 2380 337200
Web: www.cambridgecollege.co.uk
Email: info@cambridgetraining.com
Accredited British Training & Education
registered with the National Training Council
& Ministry of Labour of Papua New Guinea

Namba wan bung bilong Otonomes Gavman bai kamap

Veronica Hatutasi i raitim

NUPELA Bogenvil Otonomes Gavman bai kirapim tru wok bilong em long Trinde Jun 15, Bogenvil Edministreta Peter Tsiamalili i tok.

Em i tok Palamen we ol bai kolim long "Haus ov Representetiv" bai holim namba wan bung bilong em long 2 kilok apinun long dispela de.

Namba wan bung bilong nupela Otonomes gavman em ol bai holim long Open Kempus Yunivesiti long Buka.

Mista Tsiamalili i tok ol bai wokim hetkota bilong Otonomes Gavman long

Yunivesiti Open kempus eria.

Wok long sanapim het opis bilding na ol opis i stat pinis na ol bai pinisim long las wik bilong neks mun.

Mista Tsiamalili i tok ol i askim Nesenel Gavman long larim ol i yusim Establimen Grent mani long karimaut ol dispela wok bikos i nogat narapela mani long yusim bilong karimaut dispela wok.

Em i tok Bogenvil Edministresen i hatwok tru long karimaut ol wok na pinisim bipo long Jun 15.

Em i tok tu olsem ol Bogenvil lida i wet long harim konfemesen o fainel toktok long ol intanesenel obseva husat bai go

lukluk long dispela namba wan Bogenvil Otonomes Gavman ileksen i go gut.

Ol kantri husat i bin helpim Bogenvil long ol pis kiping operesen olsem Australia, Nu Silan, Fiji na Vanuatu i bin kisim askim long salim ol lain bilong ol na ol i ken was long ileksen i go gut wantaim nogat trabel na paulwok.

Yunaitet Nesen na ol arapela moa grup bai stap tu olsem hap bilong ol intanesenel obseva lain long lukim dispela wok i kamap.

Planti manmeri i laik lukim ol dispela wok i kamap gut na nogat wanpela hevi o pait i bagarapim.

TORO

TRAPELA MONING LONG MANDE PABLIK HOLIDE TORO EM WASWAS NA REDI LONG GO LOTU...

EM TING TUDE EM SANDE NA PUTIM NEKTAI NA DRESAP GUT TRU...

MERI BILONG EM I ASKIM EM.. NA TORO I BEKIM OLSEM WANPELA TRU LOTU MAN STRET...

TORO, YU LAIK GO WE WANTAIM NEKTAI?

YU TING NAU EM SANDE AH? NAU EM PABLIK HOLIDE, MANDE TUDE! ASTE YU STAP WE? SPAK NA SILIP OLSEM EM I SARERE NA NAU PAUL OL TUDE EN SANDE!

MANDE?! AIYOOIMASKI MI GO BEK SILIPI!

NAU EM SANDE, TAIM LONG GO LOTU NA HARIM SAMPELA GUTNIUS!

Ol nupela samting bilong wok agrikalsa

...NARI bai soim long open de

OL fama insait long ol ples bilong Papua Niugini nau bai inap long yusim ol nupela samting insait long wok agrikalsa insait long kantri.

Ol dispela samting em ol kaikai bilong ol kain kain wok risets we Nesenel Agrikalsarel Risets Institut (NARI) bai putim aut long pablik long neks wik Fonde.

Namba 5 de bilong mun Me bai lukim NARI i kamapim Open De bilong en long makim namba 8 krismas bilong Sir Alkan Tololo Risets Senta long Bubia, ausait long Lae siti long Morobe.

Ol nupela samting we NARI bai kamautim em ol nupela kain prut, wanpela nupela kain pepa (pepper), ol banis agensim poteto leit blait sik, na rot bilong yusim kopra bilong mekim kaikai bilong ol broila kakaruk.

NARI yet i tokaut olsem ol i ting ol dispela nupela samting bilong wok agrikalsa bai helpim ol bus fama. Ol i traim ol pinis long ol risets wok na ol i gat bikpela strong.

Ol fama na pablik long Lae na ol arapela hap bilong Morobe na ol arapela provins i stap klostu bai brum i go long 10 mail long Buba long lukim ol dispela samting.

Wok redi i bin stat long wanpela mun i go pinis. Ol dispela samting we bai i kamap neks



• Saun Ignatius, wanpela wokman bilong NARI i soim ol man long wanpela liklik pato.

wik em ol nupela agrikalsa wok samting na trening.

Bai i gat ol piksa buk long ol kain kain wok trening na agrikalsa i stap we ol manmeri i ken kisim long kisim skul long en.

Ol saveman bilong NARI bai stap long givim bekim long ol kain kain askim tu.

Dairekta bilong Risets, Dokta Sergie Bang i tok as tingting bilong NARI em long strongim

agrikalsa wok insait long PNG aninit long wok saintifik risets, kamapim save na senisim tingting na toktok.

"Dispela bai sans bilong bung wantaim ol fama na ol arapela lain na toksave long ol long ol nupela samting bilong wok agrikalsa.

"Ol bai inap lainim ol arapela nupela samting-na strongim wok agrikalsa bilong ol yet gen."

Ol Madang mama no kisim mentenens mani

Michael Novingu i raitim

MOA long 30 mama long Madang provins i no kisim mentenens mani bilong ol pikinini bilong ol klostu 10-pela mun i go pinis.

Dispela mentenens mani em mani we ol papa i brukim marit wantaim ol mama we tok i givim oda long peim mentenens olgeta potnait long lukautim pikinini inap em i kamap long mak bilong 16 krismas.

Mani mak olsem K30,000 long peim mentenens bilong 30 mama long Madang, Fainens Dipatmen i no givim Madang Haus Kot long peim ol yet.

Bosmeri bilong ol kuskus bilong Madang Haus Kot, Christine Asa i tok i nogat mani i kam long Fainens Dipatmen i stat long mun Me long las yia i kam inap nau.

"Ol Fainens Dipatmen em wok bilong ol long rausim pe bilong ol papa long wan wan seksen bilong gavman dipatmen na redim sek mani i kam long mipela long peim ol mama.

"Tasol dispela i no kamap. Mani ol i rausim pinis long potnait pe bilong ol papa tasol long sampela as mipela i no save na mani i no kamap long Haus Kot," Mis Asa i tok.

Em i tok tu olsem em i traim hat tru long kisim mani long Fainens Dipatmen.

"Ol tok promis olsem ol bai givim mi mani, tasol promis bilong ol i no karim kaikai. Ol turangu mama i save kam long Haus Kot stat long las yia tasol i nogat mani i stap long peim ol na ol i save go bek wantaim hangere."

Long wankain taim, wanpela mama em yet i go long Dipatmen bilong Fainens long askim

long kisim sek mani bilong em bilong 17 potnait i go pinis.

Taim ol i sekim na painimaut olsem sek mani bilong em ol i kisim pinis long Mosbi.

Dispela mama i ripotim dispela pasin long kot haus long Madang na polis tu we ol i wok long karimaut wanpela wok painimaut long dispela hevi.

Bosman bilong Fainens Dipatmen we i save lukautim long rausim mani, Mista Boi i tok em i no save long ol dispela hevi i wok long kamap.

Em i tok i mas i gat hevi long wan wan seksen bilong gavman askim ol mama husat i gat dispela hevi long go lukim em o raitim pas i go long em bai em i sekim na putim tambu long ol olupela sekmani na peim ol wantaim nupela sekmani.

Ikonomi na bisnis i slek tru long Finsafen

James Kila i raitim

PLANTI manmeri long ol ples na hauslain komyuniti insait long Helsbeg na finsafen eria long Morobe provins i no save lukim mani i muv long sait bilong bisnis na ikononik wok kamap.

Dispela eria i save kamapim planti ol gutpela saveman bilong kantri. Tasol dispela ol lain i save stap tasol long taun na siti na i no tingting long karim wok developmen i go long ples bilong ol long lukim gutpela wok bisnis o ikononik wok i kamap. Olsem na nau yet sait bilong wok bisnis long dispela hap i daunbilo tru.

Wanpela yangpela meri Goroka bilong Faniufa, Shirley Hanamo i bin go stap sampela mun long Vengune na Tareko eria na i sore tru long lukim laip na tu nogat bikpela

wok bisnis i kamap long hap.

Em i tok strong bilong mani o mani i no save muv long dispela ol ples. Turangu ol manmeri i stap tasol long strong bilong ol yet long wokim gaden na kisim na kaikai. Prais bilong ol samting long ol liklik tred stua em i antap tru. Yu ken ske- tim olsem prais bilong wanpela paket nudels em i K1. Prais bilong ol arapela stua kaikai em i antap moa.

Wanpela samting em i lukim we i kirapim bel bilong em na em i tokaut em kopi i pulap tru long ol bus na gaden long dispela ol ples Vengune na Tareko. Dispela ol kopi em robasta na i save groa gut long nambis eria. Tasol wanpela bikpela hevi em olsem i nogat lain long go na baim kopi bilong ol lain manmeri bilong ples. Planti ol dispela kopi i karim na ol seri i pundaun long

graun na kuru i kamap.

Mis Hanamo i tok moabeta ol wokman bilong Kopi Indastri Korporensen (CIC) na didiman i mas go insait long Finsafen na mekim wok painimaut na traim kirapim wanpela kain maket we ol fama long hap i ken salim ol kopi bilong ol na kisim mani. Nau yet planti kopi we i ken go ovasis na kisim gutpela mani i kam insait long PNG na sapotim ikononik bilong kantri i go bagarap.

Mis Hanamo i tokaut tu olsem bisnis namel long Helsbeg na ol ples long dispela hap i slek tru. Ol pipel i katim kopra, tasol ol kampani husat i save go long Gagidu stesen na baim kopra i no save givim gutpela prais long ol fama. Em i tok sampela taim wanpela sak-bek kopra em ol fama i save kisim mani mak olsem K40 o K50 tasol.



NAMBA 5 de bilong mun Me em i bikpela de bilong ol nius ripota long wol. Dispela de em Midia Fridom De. De we olgeta nius manmeri long wol i save kisim luksave. Em i de bilong tingim bek wok ol nius manmeri i save mekim long strongim komyuniti, ol manmeri na kantri. Olsem na yupela wan wan i mas tingim tu bikpela wok mipela i save mekim long toksave long yupela long wanem samting i wok long kamap insait long kantri.

Praim Minista Sir Michael Somare i tokaut pinis olsem em i no laik bai ol pipel i strong olsem Australia i mas tok sori long em moa. Em i tok pasin bilong Australia em ol bai no inap long tok sori. Tasol mipela i laik save. Bai mipela i kisim dispela kain pasin long Australia i go inap wanem taim tru?

Dispela yia em i yia we mipela bai amamasim tripela ten yia olsem wanpela indipenden kantri. Na dispela yia em i taim bilong gavman long kirapim bel bilong ol manmeri long strongim kantri, strongim kalsa bilong mipela, strongim save bilong mipela na soim ol arapela kantri long wol olsem mipela liklik, tasol mipela i gat namba tu.

Planti samting we i kamap long ol wik i go pinis i soim klia olsem i nogat wanpela arapela kantri long wol i olsem Papua Niugini. Mipela i mas amamas long dispela gutpela nem.

Long dispela taim tu, mipela i laik sapotim singaut bilong Inta Gavman Rilesens Minista Sir Peter Barter i go aut long ol bikpela bisnis insait long kantri long opim han na givim helpim mani i go long strongim namba 30 krismas amamas bilong kantri long mun Septemba long dispela yia.

Bikpela hap toktok nau i wok long kamap long strongim lo bilong infomel sekta. Tasol wanpela wantok i tingting planti. Em i tok i gutpela dispela lo i kamap na bai i strongim ol liklik manmeri long mekim wok bisnis. Tasol husat tru bai wasman bilong dispela lo? Ol manmeri i save salim kaikai nabaut long rot na ol maket, em i gutpela o nogat? Long sait bilong salim kaikai bilong ol manmeri we i no dia tumas, em i gutpela. Tasol long sait bilong helt bilong ol manmeri, sore. Em bai nogat tru.

TO ALL DWU ALUMNI - YOU ARE INVITED



2005 OPEN DAY

DIVINE WORD UNIVERSITY

The Divine Word University (DWU) Community invites all former students of SVD Catholic High School, Divine Word Institute and Divine Word University to the 7th annual Open Day.

The celebration begins on Saturday 30 April, at 7:30pm and continues on to Sunday 1st of May, 2005

We look forward to seeing you and sharing with you this great day.

{2005 Theme}

"Community service through research and learning"

Ileksen paia holim Bogenvil

Veronica Hatutasi i raitim

PAIA bilong ileksen long Bogenvil i kamap strong nau bihain long ol nominesen bilong ol kendidet i taik resis i bin pas las wik Fonde Epril 21.

I gat 293 kendidet i sanap resis long 40 sia long namba wan Otonomes gavman bilong Bogenvil. Brukim ol sia em: Gavana (1), 10-pela Konstituensi long Not, Sentral na Saut Bogenvil (33), Meri i makim tripela rijen (3) na Ol eks paitman i makim tripela rijen (3)

Faipela kendidet i resis long Presiden sia em: John Momis, Joseph Kabui, James Tanis, Bartholomeo Kigina na Joel Banam.

Mak long 53 pipel bai resis long ol rijinel sia bilong Bogenvil taim 235 bai resis long ol Konstituensi sia. Long tripela rijen, ol man bai resis long tupela rijinel sia.

Twenti eit ekspaitman kendidet i sanap na 25 meri kendidet i sanap long dispela 6-pela rijinel sia.

Ileksen Menesa Mathias Pihei i tok Haku Konstituensi long Buka Distrik i



• Mista Pihei.

gat 14 kendidet i resis na dispela em i bikpela mak moa winim ol narapela i sanap resis long wanpela konstituensi taim Rano Konstituensi long Siwai i gat liklik namba i resis wantaim tupela kendidet i resis long dispela sia.

Long wankain taim tu, No Go Zon eria i gat 14 kendidet i resi long tripela konstituensi. Kongara-8, Saut Nagovis-6 na loro 7.

Mista Pihei i tok ol wok redi long ileksen i go gut tasol na ol vot pepa em ol bai pinis prinim ol long dispela wik long Mosbi.

Edministreta Tsiamalili tok klia

TAIM Bogenvil Edministreta Peter Tsiamalili i amamas long gutpela wok we Bogenvil Ileksen Menesa Mathias Pihei na lain bilong em long Ilektoel Komisin i mekim na ol wok redi long nambawan Bogenvil Otonomes Ileksen i go gut, tasol em i no amamas long ripot we Mista Pihei i mekim long sait bilong mani bilong ileksen.

Ol ripot i bin kamap long midia long dispela wik we Mista Pihei i no amamas long Bogenvil Edministresen i wok long holim pasim mani bilong karimaut ol wok bilong ileksen bikos dispela bai kamapim hevi long gutpela wok go het i wok long kamap.

Mista Pihei i bin autim warit bilong em long Edministresen i no givim mani long opis bilong em long peim balus long karim ol Komon Rol na ol Vot pepa long Pot Mosbi i go long Buka bihain long ol i redi. Na wankain tu long peim ol satalait telipon long tripela senta we ol bai kaunim ol vot long Buin, Arawa na Buka.

Mista Tsiamalili i no bin amamas tumas long Mista Pihei i tok long nius midia long dispela samting. Em i tok i gutpela moa sapos Ileksen Menesa i bin sin-



Mista Tsiamalili (lephan) i welkamim ol nupela polisman bilong Bogenvil. Ol bai helpim long wok bilong ileksen.

daun wantaim em na stretim ol wari na maski long go long midia pastaim.

Em i tok opis bilong ol i stap klostu tasol na em i laikim bai dispela kain samting i no kamap moa.

Em i tok Edministresen na Opis bilong Mista Pihei i wok bung gut tru i kam inap nau na ol i kamapim planti gutpela samting long dispela namba wan ileksen bilong Otonomes Gavman na kain gutpela wok bung wantaim i mas stap na go het.

Long sait bilong mani long sataim balus bilong karim ol Komon Rol na Vot pepa, Mista Tsiamalili i tok em i kostim

K40,000 long wanpela sata, olsem na ol i glasim na skelim ol samting pastaim long traim narapela rot we prais bilong em i no dia tumas. Tasol sapos nogat, ol bai givim tasol mani long sataim balus.

Long sait bilong putim ol satalait telipon long tripela senta long kaunim ol vot, Mista Tsiamalili i tok bikos em i kostim K50,000 long putim satalait telipon long yusim long tripela de tasol, Edministresen i no givim mani i go long opis bilong Mista Pihei. Em i tok ol i lukluk long ol arapela rot we ol i ken bihainim na sevim mani.

- Veronica Hatutasi

Momis na Hannet i sekan



• Momis (lephan) na Hannet i sekan.

BIKPELA samting i bin kamap long dispela wik long ples Malasang long Buka Ailan.


Bipo Gavana bilong Bogenvil, John Momis i bin sekan wantaim bipo primia bilong Bogenvil, Leo Hannet long ai bilong ol pipel na ol sief bilong Malasang.

Tupela i bin sekan long wok bung wantaim we bai kamapim gut nupela Otonomes gavman bilong Bogenvil

Mista Hannet i bin tokim bung olsem em wantaim ol narapela Bogenvil lida olsem Michael Ogio na Dokta Alexis i bin tok orait long sapatim gen Mista Momis long resis long dispela nupela Otonomes gavman ileksen.

Mista Hannet i tokim bung olsem ol i lukim olsem Momis i mas go pas long dispela nupela gavman long wanem i nogat taim nau bilong trening nupela man na nogut nupela man i no ronim gut gavman bai otonomes gavman i no kirap.

Mista Hannet i bin salensim Mista Momis long laspela Nesenel ileksen na i bin kamap nambatu long Mista Momis na dispela sekan bilong tupela em ol pipel bilong Bogenvil i bin amamas tru long lukim.



Resis...Distrik Menesa bilong Atols, Paul Tobasi i karim bokis we ol bin putim nem bilong ol kendidet long en. Opisa husat i ratim nem i stap em Francis Tommy.

Ol foto: ALOYSIUS LAUKAI

BIABIA

BIABIA GO LONG RIMEMBERENS DE LONG BOMANA.. WARI EM KILIM EM STRET...

OL SOLDIA I PAIRAPIM GAN NA BIABIA EM BEL HOT STRETLONG KRAI...

NAU WANPELA SOLDIA I PILAIM MUSIK BILONG OL SOLDIA I DAI...

MUSIK YAH I MEKIM BIABIA I WARI TRU...

LONG DISPELA TAIM BIABIA NO INAP HOLIM KRAI BILONG EM MOA... EM JEST BLOW AP TASOL...

SNIFF! BAANNGG!!

BOOHOO!! AIYOOO SOREEE LONG OL TUMBUNA OOO!!!

25 meri sanap long ileksen resis

MAK bilong bikpela namba bilong ol meri Bogenvil i sanap resis i soim olsem ol i laik go insait long wok bilong kirapim nupela Bogenvil. Antap long dispela, bikpela laik bilong ol em long sanap makim maus bilong ol mama na ol pikinini long ailan.

Mak long ol meri i putim nem long sanap long resis em 25 na ol i kam long tripela rijen long Not, Saut na Sentrel Bogenvil.

Lukim nem bilong ol meri i resis long ol sia long tripela rijen.

• Not Bogenvil: (6) Francesa Semoso, Elizabeth Buraing, Theresa Gani, Rhonda Elana Siro, Gledys Sam na Agnes Titus.

• Sentral Bogenvil: (8) Theresa Jaintong, Marcelline Tunim, Magdalen Toroansi, Jenny Pisi, Ruby Mirinka, Joanne Cherum, Eileen Bairesna na Magdalen Pookey

• Saut Bogenvil: (11) Monica Sioma, Agnes Nara, Margaret Himata, Dorcas Kanong, Apolonia Cletus, Benedine Kira, Kampo Lutua,

Elizabeth Ora lamu, Helen Mauga Waikame, Anne Rangai na Laura Ampa.

Long wankain taim 28 bipo paitman sanap long ileksen resis. Bihain long ol nominesen i pas las Fonde, Ilektoel Opis long Buka i kisim nem bilong 28 bipo paitman i sanap resis long dispela ileksen. Ol i kam long Not, Sentral na Saut Bogenvil.

• Not Bogenvil: (12) Marceline Getsi, David Kabilu, Clarence Cozxunie, Peter Rimas, Jimmy Elijah Mose, Jeffrey Magum, Andrew Tonang, David Athol Tovirika, Ignatius Sopolu, Francis Hoping, Eddie Mohin na Donald Hamao

• Saut Bogenvil (9) Joseph Korerua, Philip Pusua, Benedict Paul Takusi, Philip Kuhena, Timothy Sive, Paul Koneana, Kiata Andrew Nabuia, Jacob Naisy na Peter Naguo.

• Sentral Bogenvil (7) Glynne Tovirika, Jim Tausire, Hilary Loni, Ishmael Toroama, Boniface Otoasi Ariunare, Joseph Kokote na Lawrence Matau.



Welkam...Konstebol Kuypers (rait), wanpela long ol nupela Bogenvil polisman i pinisim trening wantaim 49 wanskul bilong em na i go bek long Bogenvil. Em i kisim tok welkam long bikman bilong ol Nu Silan Polis long Buka. Foto: ALOYSIUS LAUKAI

Kamapim gut sevis

MINISTA bilong Pablik Sevis na Memba bilong Gesel, Sinai Brown, i laikim bai Is Nu Briten Provinsel Gavman i mas lukluk long Keravat taun long sait bilong kamapim gut ol sevis.

Mista Brown i tok long planti yia nau, nogat wanpela gutpela developmen i kamap long Keravat.

Em i tok Keravat em i bikpela taun we ol pipel bilong Baining eria i save kisim sevis long en.

Mista Brown i tok Keravat i gat tupela bikpela teseri skul i stap long en na dispela em Vudal Yunivesiti na Keravat Nesenel Hai skul.

Antap long dispela, Nesenel Agriklasa Rises Stesen i stap tu long em.

Mista Brown i tok i moabeta long Provinsel Gavman i putim na kamapim gut ol sevis long Keravat, olsem wanpela bikpela soping senta, benking na pos opis sevis.

Togel tok Momis i gutpela na strongpela lida

PALAMEN memba bilong Not Bogenvil James Togel i bin tok olpela Bogenvil Rijonel memba na Gavana John Momis husat i bin risain long nesenel politiks long resis long Otonomas gavman i wanpela strongpela na gutpela lida.

Palamen long las wik i bin tok gutbai long Mista Momis husat i bin sevim kantri na Bogenvil long 33 krismas, stat yet long 1972 taim em bin go insait long Palamen long namba wan taim.

"Mista Momis i save sanap strong long gutpela pasin, rait, jastis, pasin we ol pipel i mas kisim ol gutpela samting long ol graun, bus na wara bilong ol na ol i mas noken stap olsem ol ausait lain long graun na ples bilong ol. Maski long sampela taim, em wan tasol i pait long rait bilong ol pipel, em save sanap strong yet," Mista Togel i tok.

Stail marit, bihainim pasin bilong Buka

LONG las wiken, Buka i bin lukim wanpela stail marit taim tupela yangpela pipel bilong Nu Silan i marit bihainim stail bilong Buka.

Dispela tupela yangpela em ol asples famili bilong Buka yet i bin lukautim ol na taim ol i marit, ol i wokim pasin kastom bilong ol Buka yet na baim meri tu.

Justine Rogers i gat 30 krismas i bin maritim Kylie Vangisbergen i gat 29 krismas insait long wanpela marit long Buka Ailan ias Sargere.

Kenneth famili bilong ples Lontis long Buka em famili bilong Justine i bin givim K1,500 na ol selmani i go long Semoso famili bilong Kylie bilong ples Malasang.

Jastine i bin bikpela long Arawa bipo long Bogenvil hevi i kamap bikos famili bilong em i bin stap long hap.

Papa i bin wok long Bogenvil Kopa. Ol bin go bek long Nu Silan long taim bilong hevi tasol long 1999, em bin go bek long ailan na wok olsem tisa long Nissan Hai skul.

Em bin go bek wokim Mastas Digri long Nu Silan na taim em i pinisim skul, em i go bek long Bogenvil long 2002 na bungim Kylie husat i wok wantaim Caritas Australia long Bogenvil.

Tupela yangpela i bin amamas long marit bihainim Buka tumbuna pasin.

Ol bai go na holide long Nu Silan tasol ol bai kam bek na wok wantaim nupela Otonomas gavman.

Kirapim bek ol sevis long Rabaul Taun

OL SEVIS insait long Rabaul taun nau bai i kamap gut gen. Dispela i stap insait long wanpela plen we i stap nau bilong stretim bek taun.

Bihain long maunten paia bilong 1994 i bin bagarapim klostu olgeta samting long Rabaul taun, ol atortu i no bin wokim tumas samting long stretim bek bikos wok bilong maun-

ten paia i no save pinis olgeta. Mekim na olgeta wok insait long tenpela yia i go pinis i bin go tasol long kamapim Kokopo taun.

Tasol isi isi sampela bisnis na sevis i wok long kirap bek long Rabaul taun.

Nupela Rabaul taun Meya Chango Manuai i tok Gesel Restoresen Program nau i gat

plen long kisim sampela sevis i go bek long Rabaul.

Program i laik sanapim nupela opis bilong ol meri, apgretim Rabaul Taun klinik na stretim tu PNG Pawa opis.

I gat plen tu long kamapim bek Sen Martin's Praimeri skul tu wantaim mani we Join Distrik Baset Praitoriti na Plening Komiti i tok oraitim pinis.

Hap Hap Nius

Redio ENB

Ol Is Nu Briten lida i gat wanpela redio program wantaim Redio Is Nu Briten we ol i ken autim ol tingting, plen na ol arapela samting we ol i laik toktok long em. Ol i kolim dispela program "The Harim na Tingim Program". Program i save kamap long olgeta Sande na Tunde nait.

First for Furniture

AT COURTS

FIRST FOR FURNITURE... FIRST FOR YOU!

SEVIM K634

LONG FURNITURE

K80

LONG FURNITURE

K2,259

DIPOSIT K1.00

K12

LONG FURNITURE

K229

DIPOSIT K1.00

ADDSPACE #MB0006

Namel BukSelf

Gutpela and bikpela speis bilong putim ol buk na kain samting bilong bilasim haus.

WASHINGTON #LH0066

3+1+1 Launs Swit

Bipo Kes K2,899

DIPOSIT K1.00

386 #SC0009

1 pela Kofi Tebol

2 pela Said Tebol

Strongpela diwai freim.

DIPOSIT K1.00

K19

ORCHID #DA0006

5 Pis Dainin Set

4 sia na 1 raunpela tebol

Strongpela diwai freim na mahogany vanis.

Bipo Kes K1,299

DIPOSIT K1.00

K50

LONG FURNITURE

K1,379

DIPOSIT K1.00

K1,199

SEVIM K54

K12

LONG FURNITURE

K289

DIPOSIT K1.00

AFRICA #FB0011

160x225 Floa Rak

Bipo Kes K299

COURTS

Adding value EVERY day!

COURTS - GORDONS

Spring Garden Road, Gordons, Port Moresby

Phone: 302 5808 • Fax: 325 4149 • E-mail: sales@courts.com.pg

COURTS - LAE

Milfordhaven Road, Lae, Morabe Province

Phone: 472 4800 • Fax: 472 4621 • E-mail: courts_lae@courts.com.pg

Hap Hap Nius

Ren Ren

Oi strongpela bikpela ren i bagarapim tru planti hap bilong Lae Siti, Morobe Provins, las wik Sande nait. Planti bilong ol manmeri husat i save stap long ol setelmen i no slip na i wok long putim was long ol haus bilong ol taim ren i bin pundaun long 11 kilok Sande nait i go inap 7 kilok moning Sarere.

Tripela haus kalabus bai go long arapela ples

WANPELA askim i go long ol provinsel gavman long Momase rijon long go pas long wok bilong surikim ol haus kalabus i go long ol nupela hap. Koreksenei Sevis Minista Posi Menai i bin mekim dispela singaut bihainim namba wan raun bilong em i go long Momase rijon long dispela mun. Oi bai surikim tripela haus kalabus long Momase rijon i go long ol nupela ples. Oi bai surikim Vanimo Haus kalabus i go long

Blekware we bipo i gat refuji kem i stap 25 minit ausait long Vanimo. Boram Haus kalabus bai i surikim i go klostu long Pasam Nesenel Hai Skul long larim ol i yusim olpela ples long mekim Boram Ples Balus i go bikpela. Na ol bai surikim Buimo Haus kalabus i go long nupela ples long Erap. Beon Haus kalabus tasol bai i stap pastaim long hap em i stap long en, tasol i gat plen long mekim ples i go bikpela.

Long raun bilong em long ol haus kalabus long 4-pela provins bilong Momase, Mista Menai i bin lukluk long haus bilong ol woklain na sindaun bilong ol, ol kalabus lain, ol banis, ol samting i stap gut o nogat bilong helpim em taim em i mekim ripot bilong em na tu, sapos em i laikim mani helpim long karimaut ol dispela wok. Long wankain taim, em i tokim ol kalabus lain long kisim gutpela skul taim ol i stap long kalabus.



GOVERNMENT HOUSE

Nu Yia Honas na Awods investisa seremoni

Dispela toksave i go long ol risipiens we nem bilong ol i stap long dispela lis aninit olsem, bai i gat Investisa Seremoni long Gavman Haus on Fonde namba 19 de bilong mun Mei long 2 kilok long apinun.

Oi risipiens bilong ol yia i go pinis wantaim dispela yia i mas ringim Mista Gavera Madaha, Misis Nelly Pouna o Mista Christopher Usuka long ol dispela namba 321 4466, 321 4874 o 320 2023 na toksave olsem bai yu stap long dispela seremoni.

Oi risipiens i ken bringim 3-pela ges tasol long kam wantaim long witnessim investisa. Bai i nogat las minit senis long nem na bai yu go insait wantaim invetesin kat tasol.

2005 RECIPIENTS

- 1 Lucas Joseph WAKA, Kt.,
- 2 Hon. William Jack SKATE, KCMG
- 3 Obed BOAS, CMG
- 4 Carol, The Hon. KIDU, DBE
- 5 John Francis KAUPA, CBE
- 6 Kioso ABIJA, OBE
- 7 Bernard FONG, OBE
- 8 Joseph GABUT, OBE
- 9 Allan John HOOPER, OBE
- 10 John Pomoh KAMBUOU, OBE
- 11 The Rev. Samson Kaveu LOWA, OBE
- 12 Mr John Wagalia MALISA
- 13 Sr. Celia Mary NAONI, OBE
- 14 Mr Togi Ted BAO, MBE
- 15 Mr Lohia BOGAGU, MBE
- 16 Captain Leonard M. CLEAVER, MBE
- 17 Mr Mathias DOGIA, MBE
- 18 Ms Jessie GRIFFITHS, MBE
- 19 Mr Airi GUNU, MBE
- 20 Ms Barbara MIMINO, MBE
- 21 Mr Francis MURIKI, MBE
- 22 Mr Richard Tamari NAGAI, MBE
- 23 Mr Wai ONUM, MBE
- 24 Councillor Morea Lahui SERE, MBE
- 25 Mr Java SIOA, MBE
- 26 Sr. Ludwina UMBIA, MBE
- 27 Mrs Emie WARI, MBE
- 28 Mr Andrew WAUWIA, MBE
- 29 Theo ILIHI, ISO
- 30 Lake AHOPA, BEM
- 31 Rev. Morehari AKO, BEM
- 32 Isu ALUVULA, BEM
- 33 Cnr Tanti Raka'ani DOURA, BEM
- 34 Robert Sippy Pou FAREHO, BEM
- 35 Vincent GOROGO, BEM
- 36 Apere GOSO, BEM
- 37 Ms Bonnie IARA, BEM
- 38 Kevin KASIMBIA, BEM
- 39 Snr. Sgt. David Diebu KEWERE, BEM
- 40 Chief Sgt. Timmeaus KORADA, BEM
- 41 Mirem MAGINBEREM, BEM
- 42 Joel MEWANDA, BEM
- 43 Ms Edith NOMBO, BEM
- 44 Lucas David POKA, BEM
- 45 Ms Siava REI, BEM
- 46 Cnr. Opao Fo'o UDIA, BEM
- 47 Awateng Vodok VEK, BEM
- 48 Noel Edward Thomas WILLIAMS, BEM
- 49 Cnr. Mano WIPAI, BEM
- 50 Lt. Col. Kerry Raga RAGAGALO, BEM
- 51 W.O. Jack PALME, BEM

OUTSTANDING RECIPIENTS

- 1 AMAIU, Liangao BEM
- 2 AMBE, Mako BEM
- 3 ATA, Taureka, Ms BEM
- 4 ATEP, Wamil BEM
- 5 AUR, Kinago BEM
- 6 BARNETT, Justice Thomas E. OBE
- 7 BOB, Frank BEM
- 8 BUBU, Mesak (Deceased) BEM
- 9 CONSTANTINO Kostas John OBE
- 10 CURTAIN, Michael KBE
- 11 DIMAND, Juniath BEM
- 12 DUGI, Kese BEM
- 13 ELISA, Pauline Mrs. MBE
- 14 ELLIOTT, Hon. Kaidama, MPA OBE
- 15 ENAU, Dauloi MBE
- 16 FOSTER, Linley Ralph MBE
- 17 GAR, Rt. Rev. Pearson BEM
- 18 GENE, Kiagro BEM
- 19 GENIA, Hon. Jack (Deceased) CMG
- 20 GIMIS, Chawari Taris MBE
- 21 GWERREM, Tov BEM
- 22 HAIYETA, Hon. Christopher S., MP CMG
- 23 HAMBOSI, Willie MBE
- 24 HAN, Xavier Justin OBE
- 25 IAWA, Vagi Thoe BEM
- 26 INGIRIN, Mrs Joyce MBE
- 27 ISARAM, Danny BEM
- 28 JOYCEY, Richard Charles MBE
- 29 KANAWI, Mark BEM
- 30 KAHONA, Mete (Deceased) OBE
- 31 KAMBORI, John BEM
- 32 KANONG, Tibang MBE
- 33 KANSUNGA, Peter BEM
- 34 KAPIGENO, Ibonigu, Mrs MBE
- 35 KATUSELE, Bunu QPM
- 36 KEI, Maip BEM
- 37 KE-WEII Kawi ISO
- 38 KIMI, Constable Noha BEM
- 39 KOIMBONGA, Rungwa MBE
- 40 KRAMER, Frank CBE
- 41 KUNACK, Enoch BEM
- 42 LAWRENCE, Mareta O. Mrs BEM
- 43 LEAHY, Sir Daniels Joseph (Jnr) Kt.,
- 44 LESLIE, Anton BEM
- 45 LOAPE, Lobuna BEM
- 46 LOI, Martin OBE
- 47 LOKOWAI, Arnold MBE
- 48 LOUIS, Sokalamus ISO
- 49 MADU, Moei Pame BEM
- 50 MARTIN, Laura Josephine, Mrs OBE
- 51 MARA, Nambuka OBE
- 52 MARUM, Regget MBE
- 53 MEAPURA, Ovahari, Mrs MBE
- 54 MIDI, Damien MBE
- 55 MOGIA, Kambua G MBE
- 56 MORGAN, Leo (Deceased) OBE
- 57 NALU, Mathias BEM
- 58 NANAWING, Kunai BEM
- 59 NARARA, CWO, Joel MBE (MIL)
- 60 NEMBA, 1st Constable Wipa BEM
- 61 NILA, Penley BEM
- 62 NOLIH, Charles Francis W. BEM
- 63 NOWES, John BEM
- 64 OLIPIS, Mrs Maria BEM
- 65 PAHAU, Bernard BEM
- 66 PALEWA, Mark Kabasse BEM
- 67 PANA, Francis BEM
- 68 PANGOU, Luke QPM
- 69 POPAU, Poselap BEM
- 70 RAGI, Eremar, K. CBE
- 71 RAUKA, Ovia ISO
- 72 RONNIE, Sgt. Charles (84768) BEM
- 73 RAMINGA, Henry OBE
- 74 SAMOL, Joseph BEM
- 75 SARAFENI, Stanis MBE
- 76 SAVAGE, Collin BEM
- 77 SINDRA, Joseph BEM
- 78 SOHEMBO, Ogoave BEM
- 79 TALI, Som BEM
- 80 TAMASI, Sari BEM
- 81 TAU, Mark MBE
- 82 TENDE, Snr. Inspect. David MBE
- 83 TENERGIA, Const. Joseph QGM
- 84 TIBBANGU, Mrs Bomiring BEM
- 85 TINDIWI, Poaipe BEM
- 86 TOADINGMAN, April, Mrs MBE
- 87 TOESCH, Rev. Fr. Henry, MSC MBE
- 88 TOM, Col. 86425 Alois Ur MBE (Military)
- 89 TOROVA, Lt. Col. Frank (87387) MBE (Military)
- 90 TULO, Sam OBE
- 91 UMAUMA, Aimungyu MBE
- 92 UVILIO, Mrs Marie M. MBE
- 93 VAKI, Asst. Comm. Geoffrey, MBE QPM
- 94 VELE, Morea (Deceased) OBE
- 95 VULUPINDI, John Dokoa OBE
- 96 WALD, Fr. John, SVD OBE (Hon)
- 97 WATANGIA, Kepas Ismael (Deceased) ISO
- 98 WAULEAU, George P. BEM
- 99 WAUWE, Anna Mrs OBE
- 100 WEL, Kalale BEM
- 101 WESLEY, Ms Rosmund Maria BEM
- 102 WITNE, Lwai OBE
- 103 WONG, Hilmar Hon. Chung MBE
- 104 WULO, Kina MBE



Moto Kanu...George balsen bilong Ambunti i ronim 11 HP kaboda disel enjin long wanpela dagaut kanu. Kaikai bilong driman bilong leit Katolik Bisop Leo Arkfeld husat ol i save kolim tu long "Flying Bishop" na biknem meri long Is Sepik Provins leit Laura Martin husat gat bikpela laik long traim disel enjin long ol dagaut kanu.

Poto na stori: BIG JOE

Yali kamap gen long kot

Michael Novingu i raitim

Fonde, Gavana bilong Madang Provins James Yali i bin kamap gen long kot long reip sas o rong long bagarapim meri.

Oi polis i bin sasim em long bagarapim yangpela sumatin tambu meri bilong em long las yia Oktoba taim em (tambu) i wokim Gret 10 long Tusbab Provinsel Hai Skul long Madang.

Nesenel Kot long Madang las wik i bin painim olsem dispela em i bikpela hevi we lida bilong provins i kamapim. Na kot i bin odaim em long peim manimak inap long K10, 000 beil mani. Em i peim pinis K5, 000 long mun Epril. Em bai peim narapela K5, 000 moa tasol.

Jastis Mark Sevua i painim tu olsem i gat planti wantok sistem na politiks i go insait long traim stopim dispela kot na em i nogat moa bilip long wok bilong ol polis insait long Madang. Em i surikim dispela kot na bai ol i harim long Nesenel Haus Kot long Waigani long Mei 5.

Nesenel Kot i odaim Mista Yali long em i noken dring bia na ol strongpela dring. Na pasin bilong em i mas gutpela olgeta taim. Em i tambu long lusim Madang na i go long

sampela hap. Em i mas ripot i go long polis long olgeta namba wan de bilong olgeta wan wan mun na las de bilong nupela mun.

Long narapela oda kot i putim long en, em i noken toktok wantaim ol witness bilong Stet, Elizabeth Yali na mama bilong em na ol arapela witness moa.

Long wankain taim tu, bosman bilong ol polis long Manus, Alex N'Drasa! wantaim 5-pela polis man na tupela polis meri bilong em i stap nau long Beon Haus kalabus bilong wanem ol i brukim kot oda long i no hariap kisim Misis Yali i kam long Madang long sanap long kot bilong em.

Long dispela taim, Jastis Sevua i kros na tokim Madang Provinsel Polis Stesen Komanda Jim Namora long tupela i no bihainim kot oda long kisim Manus Provinsel Polis Komanda wantaim ol polismaneri bilong em i kam long Beon haus kalabus.

Bosman bilong ol Polis Prosekyusen Thomas Eluh em kot i bin sasim em long brukim kot oda na helpim Misis Yali long lusim Madang na i go long Manus.

Em bin baim K500 kot beil na wetim kot bilong em i stap.

Pindogori koporetiv sosaiti kirap long Okapa

James Kila i raitim

WANPELA bikpela seremoni tru i bin kamap las wik Fraide long Okapa stesen long Isten Hailans Provins long makim lonsing bilong Pindogori Koporetiv Sosaiti.

Bosman na Sief Eksekutiv Opisa bilong Kopi Industri Koporesen (CIC) Ricky Mitio i bin stap long lonsim dispela nupela Pindogori Koporetiv Sosaiti.

Dispela lonsing i lukim Mista Mitio i katim wanpela liklik kopi bek long soim olsem nau kopi i kapsait na dispela wok bung wantaim long karimaut wok bai kirap long sapotim wok bilong Pindogori Koporetiv Sosaiti.

Moa long 2000 manmeri olgeta i bin bung long Okapa stesen na mekim tumbuna singsing long lukim dispela samting. Planti ol lida i givim toktok bilong ol long sapotim pasin bilong wok bung wantaim na mekim wok long helpim ikonmik developmen long Okapa eria.

Mista Mitio long toktok bilong en i sapotim ol lain fama long kamap wantaim dispela gutpela tingting long kamapim wanpela koporetiv sosaiti long wok bung wantaim na salim kopi. Em i tok CIC bai stap baksait long sapotim Pindogori koporetiv sosaiti long bringim kopi bilong ol long prosesim na tu helpim long painim gutpela maket bilong ol.

Mista Mitio yet em mama i karim em long ples Moke klostu tasol long Okapa stesen.

Papa bilong em i wanpela namba wan misinari bilong Luteran Sios husat i karim gutnius i go long Okapa distrik.

Dispela bung long Okapa tu i spesol long Mista Mitio bikos papa bilong em i karim sios i go insait long laip bilong ol pipel long sait bilong spirit na Mista Mitio yet i karim gutnius bilong kopi long sapotim gutpela sindaun long sosef na ikonmik developmen insait long Okapa.

Wanpela lida na memba bilong Pindogori koporetiv sosaiti, Lawrence Oentuna i tok bikpela hevi ol rurel fama long Okapa i save bungim planti taim em hevi bilong rot tasol. Long taim bilong bikpela ren, rot i save bagarap na turangu planti



• Ricky Mitio, bosman bilong Kopi Industri Koporesen i katim wanpela bek kopi long makim stat bilong nupela Pindogori Koporetiv Sosaiti. Foto: JAMES KILA

fama i save kisim hat taim tru long karim kopi bilong ol i go salim long maket long Goroka.

Em i tok ol dispela hevi na ol arapela i kirapim bel na tingting bilong ol rurel fama na ol i laik wok wantaim na serim ol hevi na hatwok na karim kopi bilong oli go aut long salim na kisim gutpela prais.

Okapa eria long Isten Hailans Provins i go pas long kamapim namba wan kwaliti kopi. Dispela kopi bilong Okapa tasol i save karim nem bilong Isten Hailans olsem gutpela kwaliti kopi em wol maket i save laikim. Dispela distrik tu i go pas olsem lida long kamapim moa kopi bilong ol smol holda groas insait long provins.

Pindogori long tok ples em "aninit long Pindo diwai". Dispela Pindo diwai em ol tumbuna bilong ol lain long dispela eria long Okapa i save mekim ol pasin tumbuna bilong ol.

Olsem na dispela as tingting aninit long diwai em ol Pindogori koporetiv i yusim olsem "aninit long diwai" em dispela sosaiti bai mekim ol wok bilong

en na lukautim bus, wara na graun long gutpela sindaun bilong komyuniti.

Ol memba bilong Pindogori koporetiv sosaiti i kam long ol dispela ples: Moke, Kasogi, Pusarasa, Emasa, Ibua-moke, Keanosa, Awande, Miarasa, Yagusa na Okasa. Dispela koporetiv sosaiti i bin holim namba wan bung bilong ol long mun Septemba 2004 na ol i makim 19 dairekta long lukautim wok bilong en.

Wok bilong Pindogori Koporetiv Sosaiti em Dipatmen ov Tred na Industri i luksave long en pinis na i givim setifiket long en long karimaut wok bilong en long karim ikonmik developmen long Okapa distrik.

Siaman bilong Pindogori Koporetiv Sosaiti, Forogo Wavata i tok olsem dispela tingting bilong ol lain fama long kirapim dispela koporetiv em long wok bung wantaim na salim kopi na ol arapela gaden kaikai long kisim gutpela prais long sapotim sindaun bilong ol insait long dispela bus komyuniti.

Hap Hap Nius

LLG Presiden

Yupele Kangupe husat i gat 54 krismas em nupela presiden bilong Tsak Rurel Lokel Level gavman long Wapenamada insait long Enga provins. 14 kaunsefa i bin givim vot long em taim narapela 4-pela i no bin vot. Ol bin rausim olpela presiden Johnny tipitsap long wanem em bin paulim mani.

Kalabus Skul

Ol kalabus lain long Baisu haus kalabus long Westen Hailans i lainim sampela gutpela samting long helpim ol taim ol i pinis long kalabus na go bek long ples. 24 kalabus lain na 6-pela woda i bin sindaun long wanpela wik skul bilong peint na dro. Tenpela long ol kalabus lain em ol meri. Planti bilong ol i amamas long dispela kos na ol i gat bikpela laik long lainim moa. Ekting bos bilong kalabus Inspekta Alphonse Andela i tok dispela woksop em i hap bilong program long helpim ol kalabus lain mekim samting we bai helpim ol painim liklik toea na ol i ken lukautim ol yet na famili bilong ol.

Okapa rot pulap long paul pasin long kisim mani


PLANTI ol papa bilong ol PMV i save ron long Okapa rot i mekim bikpela singaut i go long memba bilong Okapa Tom Amukele na Okapa na Henganofi polis long sekim wanpela kain pasin nogut we ol as ples manmeri i save stopim ol kar na askim long mani taim ol i stretim rot.

Sampela ol ples lain long Homu na Kuru i wok long sanap long rot na stopim ol kar na sasim ol PMV bikos ol i wok long stretim ol rot.

Papa bilong wanpela PMV Sese Loseve bilong Okapa i tok planti taim dispela ol lain i save sasim K10 na sampela taim K15 taim ol i lukim ol PMV i karim kopi. Dispela ol lain i save putim ol mak na stopim ol PMV na askim pastaim long ol PMV i mov.

Loseve i tok dispela ol lain long Homu we i stap insait long Henganofi distrik tasol eria bilong ol i stap long Okapa seksen i save sanap long grup na askim ol kar long mani.

"Mi save sem tru long lukim ol dispela lain



• Ol lain long Homu i stopim wanpela kar na askim long mani long wok ol i mekim long rot.

Foto: JAMES KILA

long Homu bikos sampela long ol em ol lapun man na sampela em ol yangpela na pikinini wantaim i save stap na mekim dispela kain pasin." Loseve i tok.

Em i tok ating dispela ol lain i nogat kopi gaden o ol arapela wok na ol i save westim taim bilong ol long sanap long rot na kisim mani long ol PMV i ron i go kam long dispela rot. Ol i mas sem bikos nau em kopi sisen na sapos ol i wok hat ol bai kisim mani long kopi bilong ol na sapotim sindaun bilong ol.

"Sapos ol dispela lain i mekim kain wok olsem orait moabeta ol i go long ples rot i bagarap tru long Kuru Maunten na mekim wok. Dispela seksen bilong rot long Homu i no bagarap tumas tasol ol dispela lain i save giaman tasol long kisim mani na ol i save sanap na putim notis pepa long rot na kisim mani long mipela ol PMV lain," em i tok.

Kuru maunten em wanpela seksen bilong Okapa rot we i save givim planti hevi tru long ol PMV na ol ka we i save go long Okapa na

ol viles long distrik. Long taim bilong bikpela ren dispela rot i save bagarap tru na planti taim ol kar i save pas na i no save mov. Ol wara long sait sait bilong maunten i save ron i go daun na bagarapim rot.

Loseve i tok dispela Distrik Rot Impruvmen Program (DRIP) gavman i tok tok long en i mas kamap hariap na wanpela seksen bilong rot ol i mas lukluk long en em long Kuru Maunten long Okapa.

Dispela pasin bilong stopim ol kar na askim long mani nau i wok long go bikpela long planti ol liklik han rot insait long Isten Hailans na tu ol arapela provins long Hailans rijon. Planti ol lain i tok gavman i no mekim wanpela samting long stretim rot olsem na sapos ol manmeri yet i hatwok na stretim rot orait ol i mas kisim pei long hatwok bilong ol.

Loseve i tok memba bilong Okapa, Tom Amukele i mas mekim sampela samting long stretim rot long Okapa.



NOKEN BAGARAPIM OL PIKININI!



Em i rait bilong ol pikinini long tokaut long tingting bilong ol na wanem kain samting ol piim insait long ol yet na ol laik tokaut, yumi mas stap wanbel na harim ol.



Na em i wok bilong ol long stap wanbel na bihainim tingting o toktok bilong ol narapela.



WANTOK

i go pas long dispela kempen!

Strongpela wokman bilong Sentral i dai

WANPELA olupela na strongpela memba bilong Sentral Provinsel Gavman Asembli, Vovovi Selu, i bin dai long Tunde moning long Pacific International Haus Sik long Mosbi. Em i bin gat sik long lewa bilong em.

Gavana bilong Sentral Provins, Alphonse Moroi, i tok long Nesenel Palamen long Tunde moning, olsem Mista Selu, husat i bin Presiden bilong Koiari Lokel Level Gavman long taim bilong dai bilong em, i bin wanpela strongpela sapota bilong gavman bilong em na ol gavman i go

pas long em, na i bin wok gut long karim ol sevis i go long ol manmeri bilong Koiari long moa long 20 yia.

Mi makim maus bilong famili bilong mi, provinsel asembli na ol manmeri, long tok tenkyu na amamas long em long ol wok bilong em long pait long ol wari bilong ol manmeri bilong Koiari.

Mipela i sore olsem em i dai na mipela i salim bikpela tok sori bilong mipela i go long famili bilong em na ol manmeri bilong Koiari, Mista Moroi i tok.



Wok Helpim...Ol yut bilong kompaun long Pot Mosbi Jenerel Haus Sik long Nesenel Kapitel Distrik, i bin wok hat i stap long katim gras, planim ol plawa, na mekim haus sik i luk nais taim Wantok Niuspepa i bin bungim ol las Fonde.
Foto: WILLIAM NATERA

Mipela laikim narapela ilektoret

OL MANMERI bilong MOTU Koitabu, ol asples bilong Mosbi, i laikim Nesenel Baundris Komisen long kamapim wanpela nupela ilektoret bilong ol.

Ol i givim wanpela sabmisen o askim long pepa pinis i go long komisen.

Sabmisen i givim tingting olsem ol nupela baundri bilong nupela open ilektoret i mas bihain ol dispela llektoret Komisen i bin yusim long taim bilong ol ileksen bilong Motu Koitabu Kaunsel long 1990 i kam inap nau.

Dispela ol baundri i karamapim olgeta ol ples bilong Motu Koitabu, moayet klostu long nambis long Nesenel Kapitel Distrik (NCD) na ol hap ol Motu Koitabu i papa long en na i stap long en.

Siaman bilong Motu Koitabu Kaunsel, Adira Gumasa, i tok olsem long Independens bilong Papua Niugini i kam inap nau, ol mausman bilong ol Motu Koitabu long Nesenel Palamen i no bilong Motu Koitabu stret. Nogat. Em ol narapela lain.

Em bai moabeta sapos wanpela Motu Koitabu stret i go pas long mipela, em i tok.

Mista Gumasa i tok olsem wanpela we tasol long ol manmeri bilong Motu Koitabu long makim wanpela lida long makim maus bilong ol long Palamen, em long kamapim wanpela



¥ Bihain taim bilong ol dispela pikinini Porebada na ol narapela Motu Koitabu pikinini i stap long han bilong ol lida.
Foto: PNGBD.COM/PACIFICBOY

nupela open ilektoret long NCD we i karamapim olgeta ples bilong Motu Koitabu.

Em i tok tu olsem pasin bilong ol kandidate i no bilong Motu Koitabu long baim ol vot i save mekim hat long ol kandidate bilong Motu Koitabu stret.

I no longtaim i go pinis Madang Provins tu i bin askim long kisim wanpela moa ilektoret na i bin kisim tok oraik long kamapim.

Ekting Distrik Edministreta, Lawrence Pitor, i bin tok olsem i gat laikim long kamapim nupela ilektoret bikos namba bilong ol manmeri long Madang Open llektoret i go antap moa long 86,000 manmeri.

Hap Hap Nius

Galp Tieta
Provinsel AIDS Kaunsel bilong Galp Provins i wok long yusim ol tieta pilai o drama long skulim ol manmeri long HIV na sik AIDS. Kaunsel i yusim top man bilong kamapim ol pilai, Phillip Takaku, long lainim 22 manmeri long kamapim ol dispela pilai long ol hap bilong provins.

PMV Hevi
Planti ol PMV (Pablik Moto Vihikel) bas long Nesenel Kapitel Distrik (NCD) i bagarap nabaut tasol i wok long ron yet. Ol sia i bagarap, ol dua i save op tasol na ol narapela hevi. Dipatmen bilong Trensport nau i wok long lukluk long dispela hevi. Rot Sefti Opisa, Jack Waruo, i tok olsem dipatmen i no wanbel wantaim dispela pasin na i tok ol i mas rausim ol bas olsem long rot.

Mama i stap long Galp plening bod Wok stretim bai kamap long haus sik

PROVINSEL Edministresen bilong Galp Provins i makim wanpela mama bilong 4-pela pikinini long stap insait long namba wan Provinsel Fisikel Plening Bod bilong Galp.

Ruth Sireh, wanpela olupela skul tisa long Ilakaraeta Praimeri Skul, i wanpela meri namel long 9-pela man husat i bin mekim tok promis bilong ol long stap long dispela bod long wanpela bung long Kerema long stat bilong dispela mun.

Ekting Edministreta bilong Galp Provins, Miai Larelake, i tok olsem provinsel gavman i wok long strongim tingting bilong Jenda Ikwality (Tok Inglis Gender Equality), as tingting olsem ol man na meri i mas i gat ol wankain sans.



Mista Larelake i tok olsem bikos long dispela tingting ol i bin makim Elizabeth Haiveta olsem Siameri bilong Provinsel AIDS Kaunsel long 2004, na nau Misis Sireh i kamap wanpela bilong ol meri we ol i wok long makim i go long ol opis o bod we i kam aninit long provinsel gavman.

Mista Larelake i tok welkam long wan wan memba na tok olsem makim bilong ol i go long dispela bod em i bikpela samting na ol i mas wok hat.

Nesenel Lens Dipatmen na Galp Provinsel Edministresen bai sainim wanpela wanbel sampela taim dispela mun long givim sampela wok, mani na wokman i go long bod.

Wok bilong ol bod memba i bin stat long Epril 5.



¥ Mista Haiveta.

KEREMA Jenerel Haus Sik bai lukim wok stretim i kamap long wanpela wod bilong em.

Opereting tieta o wod we ol dokta i save katim na stretim ol sik manmeri bai lukim wok stretim i kamap long en long mani mak bilong

K150,000.

Dispela helpim i kam long Galp Provinsel Gavman.

Gavana bilong Galp Provins, Chris Haiveta, long wanpela bung we ol nupela memba bilong bod bilong haus sik i bin mekim tok promis bilong ol long kisim ol dispela posisen, i bin givim dispela mani i go long Pariva Builders, lokel kampani we i bai mekim ol dispela wok stretim.

Siaman bilong Provinsel Helt, Paul Dodobai, i tok ol i bin kisim tripela yia long makim ol memba bilong

bod.

Dispela em bikos Dipatmen bilong Helt i no bin mekim wok kari-maut bilong disisen provinsel eksekutiv i bin mekim long sait bilong dispela bod tupela yia i go pinis, Dispela bod i gat 8-pela memba, meri bilong Mista Haiveta, Elizabeth Haiveta i wanpela bilong ol.

Misis Haiveta i givim tok luksave na amamas long wok provinsel gavman i bin mekim na tokim ol olsem bod i bai wok strong long kisim ol medikel sevis i go long ol manmeri bilong provins.

Our promise

Coming Soon

From only those who truly know the roads and the people of Papua New Guinea, Ela Motors has met the challenge.




NATIONWIDE

www.elamotors.com.pg

Get ready PNG, our promise of more power, more style, more space & more safety is on it's way... are you ready?

Raun lukim ol meri na pikinini long PNG

Ol foto bilong Nesenel Dres Resis lons long Holide Inn. Ol foto: VERONICA HATUTASI



Lo bilong lukautim ol pikinini



Pat 6-Namba wan hap-Atikel 2

DISPELA ol samting we ol kantri i sainim CEDAW Konvensen o Lo i tok orait long lukautim na lukim i mas kamap long rausim pasin bilong rabisim ol meri.

- a) Putim lo bilong givim wankain luksave long ol man na meri insait long Mama Lo na ol arapela sapos i no stap pinis.
- b) Long kisim na yusim i kam insait ol to we i tambuim pasin bilong rabisim ol meri
- c) Kamapim lo bilong lukautim rait bilong ol meri.
- d) Noken sapotim ol samting we bai i bagarapim ol rait bilong ol meri.
- e) Mekim olgeta samting long rausim pasin bilong rabisim ol meri long sait bilong wok na husat man o kampani i wokim dispela pasin.
- f) Mekim olgeta samting, kamapim lo, senisim o rausim ol pasin kastom we i no givim wankain luksave long ol meri.
- g) Long rausim ol lo we i wokim pasin bilong rabisim ol meri.

Moa long neks wik.

Ol toktok i kam long liklik buk ol i kolim CEDAW we Pasifik Rijonel Human Raits Edukesen risos Tim i redim.

Sotpela Tok Lukaut

HIV tes long ol marit lain

EM i ken kamap olsem wanpela patna i gat binatang bilong AIDS taim narapela i nogat. Dispela i min olsem i gat taim yet long protektim o lukautim dispela patna i nogat binatang bilong AIDS. Sapos yu painimaut olsem yu gat binatang bilong HIV, patna bilong yu i ken

Ken kisim tes tu. Em bai hat long tokim patna bilong yu olsem yu gat binatang bilong AIDS, tasol em i bikpela samting olsem na yu mas bikos:

ÆBai em i isi long toktok wantaim patna bilong yu long ol samting olsem wanem seif rot long bihainim long slip wantaim.

ÆTutpela i ken mekim ol samting long helpim yupela long stap laip longpela taim.

ÆPatna bilong yu bai save gut long helpim yu.

ÆBai yutupela i ken wokim plen wantaim long bihainim taim.

Sapos yu wari long tokim patna bilong yu olsem yu gat binatang bilong HIV, askim helt woka o kaunsefa long helpim yu. Patna bilong yu bai amargas olsem yu tokim em.

Ol toktok i kam long liklik buk ol i kolim long "Living with HIV/AIDS, A Guide for self care and positive Living" National AIDS Council i redim.

Komiti bai glasim wok bilong klos resis

WANPELA komiti i sanap pinis bilong go pas long ol wok bilong resis long kamapim nesenel klos.

Siaman em Michael Epoko husat i Ekting Dairekta bilong Polisi, Plening na Rises wantaim Nesenel Kalsere! Komisen (NCC).

5-pela narapela komiti memba em long Eksekutiv Dairekta bilong NCC em Dokta Jacob Simet, Vincent Vagi Onevagi husat i Maketing Dairekta bilong Festivals wantaim NCC, Kila Amini em bosmeri bilong YWCA, Barleyde Katir i wok wantaim Ats na Disain Dipatmen wantaim Yunivesiti ov PNG na Joy Korua bilong Nesenel Kapitell Distrik Komisen.

Ol manmeri bilong PNG stret na krismas bilong ol i abrusim 18 yia bai go insait long dispela nesenel klos resis.

Resis i stat bilong painim nesenel klos bilong PNG

...YWCA givim bikpela sapot

Veronica Hatutasi i raitim

KANTRI bai i gat nesenel dres o klos bilong em yet we bai ol manmeri i ken amamas long soim olsem ol i bilong Papua Niugini stret sapos wanpela man o meri i winim resis ol i opim las wik Trinde.

Nesenel Kalsere! Komisen (NCC) na Nesenel Ivens Kaunsel (NEC) i putim kamap dispela "Nesenel Dres Kompetisen" o klos resis olsem hap long makim namba 30 krismas bilong PNG i kisim independens. Dispela bikpela selebresen bai kamap long mun Septemba.

Minista bilong Kalsa na Turisim, David Basua, na ol lain long NCC i bin strongim tingting bilong kamapim dispela resis bilong

wanem bihain long 30 krismas bilong independens, PNG i nogat opisel nesenel klos yet we ol manmeri i ken pilim amamas long werim insait long kantri na ausait.

"Ol narakain kalsa long wol o graun tude i gat mak-long luksave long ol. PNG i mas gat nesenel klos we ol arapela manmeri i ken luksave long em long ol arapela kantri na kalsa. "Planti toktok i kamap we i sut long luksave we PNG i mas gat long nesenel level, olsem na dispela nesenel klos resis em i bikpela samting. Ol manmeri bilong PNG yet i mas kamapim dispela nesenel klos ol i ting bai gutpela long kantri na pipel bilong em," Mista Basua i tok.

Em i bin givim piksa bilong bilum olsem wanpela rot we PNG i kisim

luksave long en long-ovasis.

Em i tok kain klos we dispela resis i wok long painim i mas gat narakain stail tasol long wankair taim, em i mas karim kain stail klos i gutpela long ol manmeri bilong PNG na tu, long ol pikinini na bubu i kamap long bihain taim.

Yang Wimen's Kristen Asosiesen (YWCA) i bin holim wanpela wankain resis long 1975 taim kantri i kisim independens tasol ol jas i no bin makim wanpela i kamap olsem nesenel klos na 30 yia bihain, kantri i nogat nesenel klos bilong em yet. Dispela ogenaisesen i wanpela long ol we i strong tru olsem PNG i mas gat nesenel klos bilong em yet.

Long taim bilong lonsim resis, ol YWCA meri i bin putim na soim ol lain i bin kam long dispela naif, ol meri klos i makim ol wan wan provins we ol bin kamapim 30 yia i go pinis i kam inap long nau, ol nupela stail bilong tude. Ol man tu i bin soim ol kain stail klos we ol PNG man i ken kisim olsem nesenel klos bilong ol.

Resis bai go het inap long mun Septemba. 6-pela manmeri bai i gat sans long winim ol prais. Bai i gat resis long kamapim nesenel klos bilong ol meri na wankain bilong ol man. Husat i winim namba wan prais long tupela seksen (man na meri) bai winim K4, 000 olsem namba wan prais, K3, 000 olsem namba tu na K2, 000 olsem namba tri prais.

Mista Basua i askim pablik long go insait long resis sapos ol i ting ol i ken mekim samting long givim luksave bilong PNG yet long kantri



¥Lonsing bilong Nesenel Klos Resis las wik i bin pulim planti meri tru. Dispela tripela meri i stailim gut tru na lukim ol meri YWCA i soim ol stail klos olsem piksa bilong klos we resis i laikim long en. Foto: VERONICA HATUTASI

Kuk Kona
wantaim
MERI WANTOK

Fish Cakes (Pis Keik)

(Yusim Tinpis)

Yu mas i Gat:

- 1-pela bikpela tin-pis
- 4-pela kaukau i no bikpela o liklik tumas tasol ol i namel sais
- 1-pela tispun bata
- 1-pela tispun milk
- 1-pela kiau
- Sol na pepa
- 1-pela tispun lemon o laim juis
- Flaua o bretkrans

We long Kukim:

- 1-Boilim kaukau na mekim i go malumalum.
- 2- Putim ol pis we

yu rausim ol bun na brukim i go liklik i go.

Hitim bata na milk.
3-Taim i no hotpela tumas, putim na tanim i go yelopela hap bilong kiau o yok na putim sol, pepa na lemon juis.
4-Wokim 10-12 keik skon na rabim wantaim plaua.

5-Dipim wan wan i go insait long wait-pela hap bilong kiau we yu miksim na tanim tanim pinis na

6-Praim pis keik long hotpela oil o gris inap ol i tanim i go braun.

TOKTOK NATING Wantaim Fr. Paul Liwun SVD



LONG taim bipo, i gat wanpela lapun meri i stap. Man bilong em i dai pinis. Em yet i stap na mekim wok bilong painim kaikai na olgeta samting. Em i no save stap long gutpela taim tasol. I gat kain kain hevi na wari i save kamap long laip bilong em.

Wanpela de, lapun meri i no gat wanpela liklik kaikai. Em i hangere nogut tru. Tasol, em i gat strongpela bilip long God. Em i bilip olsem em bai kisim kai kai sapos em i askim God long prea bilong em, bai God mas i salim kai kai i kam. Olsem na em i brukim skru long rum bilong em na mekim wanpela strongpela prea wantaim bikpela nek bilong em: "God papa bilong mi. Mi laik yu givim mit na sampela skon long mi nau". Lapun meri ya i wokim dispela prea planti taim wantaim bikpela nek bilong em.

Long wanpela apinun, wanpela raskol i laik kam na stil long haus bilong dispela lapun meri. Em i wanpela man nogut tru long taun bilong ol. Taim raskol man i kamap klostu long haus dua bilong meri, em i bin harim meri i prea na singaut strong i stap.

Taim em i harim nek na askim bilong dispela meri, raskol man i sanap na i gat wanpela aidia i kamap long tingting bilong em. Raskol i tok: "Mi mas trikim dispela meri nau". Olsem na em i hariap i go long stua na balim mit na wanpela bret. Na taim em i kam bek long haus bilong meri, em i harim meri i prea yet: "God Papa bilong mi. Mi laik yu mas givim mi wanpela mit na sampela skon long mi nau".

Nau raskol man i kalapim rup bilong haus na yusim simni bilong haus na salim bret na mit i kam daun long pes bilong lapun meri i stap long en. Wantaim bikpela amamas, lapun meri ya i kirap na kalap kalap na singaut strong: "God Papa, yu gutpela papa tru. Yu bin harim singaut bilong mi. Yu bin bekim prea bilong mi. Yu bin bekim wanem samting mi nidim nau".

Lapun meri i no inap holim amamas bilong em yet. Nogut. Em i bin go aut na toksave long ol arapela hauslain na olgeta wantok bilong em olsem, God i bin harim na bekim prea bilong em.

Olgeta manmeri insait long komyuniti bilong em i harim dispela stori bilong meri ya.

Tasol, taim dispela raskol man i harim na lukim meri i ran nabaut nabaut long mekim stori long ol lain na wantok bilong em, raskol man ya i no pilim amamas tru. Em i pilim olsem stori bilong meri i no gutpela moa. Olsem na em i laik mekim sampela tok bilas long mekim dispela lapun meri i pilim sem long ai bilong planti manmeri. Em i bin mekim tok bilas long lapun meri olsem; "I no tru, God i bin salim dispela bret na mit i kam long yu. Mi tasol i bin baim na salim i kam insait long haus bilong yu long hul bilong simni".

Tasol, wantaim strongpela bilip bilong em long God, Lapun meri i tokim ol manmeri olsem: "Nogut em i tru olsem Setan (man nogut) i bin bringim Bret na Mit i kam long haus bilong mi. Tasol mi bilip olsem God i bin makim na salim dispela man nogut i kam na bringim bret na mit long mi".

- God i save harim na bekim prea bilong yumi
• God i yusim manmeri long bekim wanem samting yumi askim long em.
• God i no yusim ol gutpela manmeri tasol i mekim gutpela wok. Em i save yusim manmeri nogut tu long bekim ol prea bilong yumi.



"Jisas i singautim Livai"

Jisas i wokabout i go long nambis bilong raunwara Galili. Na bikpela lain manmeri i kam long em, na em i givim tok bilong God long ol. Na em i wokabout i go, na em i lukim Livai, pikinini bilong Alfius, i sindaun i stap long haus takis. Na Jisas i tokim em: "Yu kam bihainim mi." Livai i kirap i go bihainim em. Jisas i sindaun kaikai long haus bilong Livai. Planti man bilong kisim takis na planti man bilong mekim sin, ol i sindaun kaikai wantaim Jisas na ol disaipel bilong en. Sampela saveman bilong lo, ol lain Farisi, i askim ol disaipel bilong Jisas, "Watpo em i save kaikai wantaim ol man bilong kisim takis na ol man bilong mekim sin? Jisas i harim dispela tok, na em i tokim ol dispela saveman olsem, "Ol man i nogat sik ol i no save go long dokta. Nogat. Ol sikman tasol i save go long dokta. Olsem tasol, mi no kam long singautim ol stretpela man. Nogat. Mi kam bilong singautim ol man i save mekim sin."

MAK 2:13-17

Rausim ol gan long sosaiti - Ol bisop


OL KATOLIK Bisop bilong Papua Niugini na Solomon Ailans i sapatim strong Gan Kontrol Komiti bilong Nesenel Gavman we Meja Jenerel Jerry Singirok i go pas long em long daunim ol hevi we gan i kamapim insait long kantri.

Insait long Anuel Jenerel bung bilong ol long Mosbi, ol bisop i tok gavman i mas harim krai bilong ol manmeri na rausim olgeta gan wantaim tu dispela we i stap long han bilong wan wan man i stap. Ol i tok Gan Komiti i bin harim ol dispela krai bilong manmeri taim ol i go raun long ol provins na kisim toktok na tingting bilong ol.

Long wankain taim tu, ol bisop i tok ol i redi long wok wantaim gavman, komyuniti na ol arapela sios long karimaut gan aweanes inap olgeta gan we ol wan wan man i holim i stap em ol i sarendarim o givim i go long han bilong ol atoriti.

Bihainim ol wari bilong ol long hevi we gan i kamapim insait long komyuniti, kantri na pipel, ol bisop i wokim rekomendesen o ripot i go long Nesenel Palamen na em i mas wokim samting. Em long:

- Senisim ol lo na tambuim olgeta gan olsem ol man i noken holim gan;
• Makim tripela mun olsem taim bilong karimaut bikpela aweanes wok aweanes long toksave long ol manmeri i mas rausim ol gan long komyuniti na olgeta man i mas lusim ol gan;
• Rausim bek olgeta laisens o tiket bilong holim ol gan bai i nogat wanpela man o meri i ken holim ol praivet gan. Ol mas givim bek ol gan insait long tripela mun.
• Taim tripela mun bilong rausim gan i pinis, orait, ol manmeri husat i holim yet gan bai brukim lo na kot i mas givim bikpela mekimsave long ol;
• Strongim ol lo bai husat i yusim gan bilong brukim lo em bai kot i givim bikpela mekimsave long ol;
• Wokim lo i strongpela moa bilong mekim save long ol manmeri husat i wokim ol homed gan;



Planti gan tumas long kantri.

- Wokim lo i strongpela moa bilong mekim save long ol manmeri husat i karim gan na katres i kam bilong salim long komyuniti o husat i brukim lo na kisim gan i kam insait long kantri;
• Strongim ol lo bilong givim moa pawa long polis na ol kot bilong rausim gan long komyuniti;
• Strongim ol lo bilong givim moa pawa long ol polis na ol kot bilong rausim gan long komyuniti;
• Wokim ol lo bai ol memba bilong Palamen, ol arapela politisen ol pablik sevan na ol bisnis manmeri i noken givim wok long praivet sekyuriti bilong ol taim taim ol i raun nabaut.
Dispela kain pasin i save soim piksa nogut long ol yangpela na i tokaut olsem

ol bikman i gat gan long em i gat nem na pawa bilong bosim ol arapela.

Ol bisop i bilip olsem ol difens fos, polis na Koreksenel Sevis lain tasol i mas holim gan long helpim ol i karimaut wok bilong ol.

Tasol ol i laikim long sampela taim i kam, ol dispela lain bai i no inap holim gan long helpim ol i karimaut wok bilong ol.

Ol bisop i wokim strongpela toktok i go long ol memba bilong Palamen long noken harim toktok bilong sampela liklik grup husat i no laik rausim ol praivet gan long kantri.

Ol i tok gavman i mas tingim wanem samting i gutpela moa long helpim PNG na em bai sanap strong long rausim ol gan long sosaiti bilong yumi.

Ol yunivesiti laikim saplen long givim gutpela stia GG askim ol Kristen long strongim prea

Veronica Hatutasi i raitim

OL BIKPELA edukesen institusen olsem yunivesiti i mas gat saplen long stiaim gut ol yangpela manmeri na tu, long kamapim balens insait long skul.

Vais Presiden bilong ol Yunivesiti ov Papua Niugini Katolik sumatin long Waigani, John Watmelik i wokim dispela toktok las wik Sande long tok gutbai pati na bung bilong saplen bilong ol, Pater Vendelin Naila MSC.

Planti memba bilong yunivesiti komyuniti olsem ol wan wan sumatin sios grup, ol leksera na ol arapela bikman, ol poroman na wantok na ol arapela Katolik peris insait long Mosbi Asdaiosis i bin bung, kaikai, singsing kwaia na givim ol tok gutbai presen i go long Pater Vendelin taim em i lusim yunivesiti bihain long 7-pela yia long kisim nupela wok long Katolik Tiolojikel Institut long Bomana olsem Rekta o bos bilong ol Misinari bilong Sekred Hat Kongrikesen (MSC) seminari. "Mipela i sori long iukim

Pater Vendelin i go bikos em i wanpela gutpela stia bilong mipela.

Em i bikpela samting long yunivesiti i mas gat saplen bikos sapos nogat, bai nogat balens na mipela ol sumatin bai pilim olsem mipela ol lus sipsip wantaim nogat stia long gaidim mipela long spirituel, skul wok na staid na ol arapela eria tu.

"Pater Vendelin i save bungim mipela wantaim long pre rosari wokim felosip, strongim mipela long go lotu long ol peris ausait tu long kempus," Mista Watmelik i tok.

Em i tok Intadinominesenel grup long yunivesiti i wok strong na em i gat aninit

long em Katolik, Yunaitet, Luteran, Seven De Etventis, Angliken na Pentekostel long en.

Em i tok aninit long ol nupela samting na senis i kamap long yunivesiti, Enrismen Stadis we ol samting i sut long sios i hap bilong dispela skul i wok long gaidim ol sumatin long kamap olsem ol gutpela manmeri.

Long ol Katolik sumatin i

lusim saplen bilong ol, Mista Watmelik i tok ol i putim apil i go long ol MSC pater long salim gen narapela pater i go long ol.

Taim ol i wetim nupela saplen, peris pater bilong Gerehu bai save go lukim ol yunivesiti Katolik sumatin.

Taim Pater Vendelin i bin kisim wok long yunivesiti long 1997, em bin lukim dispela olsem bikpela salens na em bin tingting planti.

Tasol nau em i lainim planti nupela samting we i mekim em i strong long karimaut nupela wok bilong em long Bomana olsem rekta bilong ol MSC.

Pater Vendelin i bin greduet long UPNG tripela wik i go pinis wantaim Ats- Saikoloji Digri.

Pater em i bilong Watom Allan long Is Nu Briten Provins.

Rejistra bilong Yunivesiti Vincent Mataibe i bin tok Pater Vendelin i bin mekim bikpela wok long kamapim balens, yuniti na stap isi pasin long taim bilong trabel long yunitivesiti long 2001.

GG askim ol Kristen long strongim prea

GAVANA Jenerel (GG) bilong Papua Niugini, Sir Paulias Matane i laikim bai olgeta Kristen manmeri i mas prea wantaim long senisim kantri.

"Plantil ol arapela kantri long wol na Pasifik i save lukim PNG olsem wanpela Kristen kantri tasol i gat planti bikhhet pasin na korapsen i stap," Sir Paulias i tok taim em na Lady Kaludia i go kamap long Marimari Luteran sios long Gordons long Mosbi.

Em i tok kain ol pasin bilong reip o bagarapim meri, stil, pait na bagarapim ol arapela manmeri i wok long kamap planti na dispela i no soim tru pasin bilong ol Kristen manmeri bilong dispela kantri.


Sir Paulias bai raun long olgeta sios olsem Yunaitet we em i save lotu long en, Angliken, Katolik na ol arapela Kristen lotu long givim ol wankain toktok.

"Mi raun long planti hap long wol olsem long Yurop na mi lukim wankain samting i kamap long hap olsem long PNG we ol lapun i save go lotu tasol i nogat planti yangpela i save go na dispela em i no gutpela.

- Paulus Tali

Nius Bilong HIV AIDS

Tok Lukaut



wantaim
David
Ephraim

bilong dispela mani long kamapim gutpela risos ples we ol pipel i ken luk-save long HIV/AIDS na ol arapela hevi olsem raskol pasin.

Yumi ken kontrolim na daunim groa bilong HIV/AIDS sapos dispela kain pasin i pinis.

Wanpela samting tu em ol pipel bilong yumi tu em ol les lain stret long wok na lainim na helpim ol yet.

Dispela em i no asua bilong gavman, NGO o dona long i nogat gut sevis, nogat em les pasin bilong manmeri i save wokim i hat moa.

Dispela em olsem yupela ol rita bilong *Wantok Niuspepa* husat i save rit rit tasol na i no save senisim pasin bilong yu. Moabeta yu mas senisim pasin bilong yu tude. Nogut tomora bai yu gat HIV/AIDS. Harim tok lukaut na senisim pasin.

Tok Lukaut

Glasim Laip bai yu painim olsem planti manmeri husat i gat gutpela na bikpela save tasol planti i no save wokim o yusim save ol i gat long kamapim gutpela sindaun long kantri. Long ol wok i go pinis bikpela tok pait long pasin Australia sekyuriti i wokim long Praim Minista.

I kam inap long las wik Gavana bilong Morobe Luther Wenge i rausim ol Australia na Trukai Rais long Lae. Na moa yet long tok sapos em i kamap praime minista bai em i

pasim Hai Komisn bilong Australia long PNG na Hai Komisn bilong PNG long Australia. Taim gavana na ol lida i save long ol yet na toktok i stap, namba bilong HIV/AIDS i go bikpela moa.

Nau gavman yet i nogat inap risos long helpim long daunim na kontrolim dispela birua. Nau yet Australian gavman i go pas long sapotim wok bilong daunim na rausim ol bikpela hevi olsem HIV/AIDS, raskol na moa yet. Mi bin traime askim tingting bilong ol strit yut bilong Mosbi. Planti i bin singaut long ol lida long inap long tingting long ol yet na traime stretim gut ol besik human sevis olsem etpos, skul na moa yet.

Planti bilong ol yut i bin tok nau EPC kam stap na planti ol pasin, nogut bilong ol lida i wok long kamap ples klia olsem na planti i sapot long ol wok Australia i wok long wokim.

Long ol intaviu o wok askim mi wokim, planti bilong ol i no amamas long wok gavman i wok long en tude long kamap bikpela bilong HIV/AIDS.

Mi yet mi no sapotim Australia na sampela pasin we ol lida bilong yumi i wok long wokim. Olsem bipo mi tok pinis mi wanpela soselis man we i save bilip olsem olgeta pipel i gat wankain rait long wokim wanem samting em i laik wokim.

Mi bilip long ikwal sevis. Mi laik askim ol lida bilong yumi sapos yu kamapim na sanapim gutpela sevis pinis long pipel orait yu ken traime mekim ol bikpela tok olsem gavana bilong Morobe i wokim.

K9 milien helpim

GAVMAN na manmeri bilong Japan i wok long helpim Papua Niugini long ol Helt, Edukesen, divelopmen na ol arapela sevis eria.

Las wik, Yunivesiti bilong Goroka insait long Isten Hailans Provins i kisim K9 milien mani helpim long Japan long karimaut divelopmen program bilong Sekenderi skul edukesen. Long dispela manim-mak, PNG i givim K2.4 milien o 22 pe sen mak.

Hai Komisina bilong Japan long PNG, Katsuo Yamashita, taim em i komisnim dispela K9 milien Divelopmen bilong Sekenderi Tisa edukesen sapot projek bilong Goroka Yunivesiti las Fraide i bin tok taim gavman bilong em i helpim Goroka Yunivesiti, em i helpim long promotim edukesen insait long PNG.

Aninit long dispela projek, ol bai baim ol ikwipmen samting bilong we bai helpim ol tisa na sumatin long kisim gut skul na mekim wok bilong ol.

Vais Sansela bilong Goroka Yunivesiti, David Rawlence, taim em i tok tenkyu i go long

Gavman bilong Japan na PNG long putim mani wantaim long helpim dispela Goroka Yunivesiti i kamapim gut wok bikos dispela projek bai helpim tru long ol yangpela man husat bai kamap olsem ol lida bilong yumi tumora.

Dispela projek i helpim long sanapim haus slip bilong ol meri sumatin, kompyuta rum long putim 60 kompyuta na ol wan wan rum bilong lainim tok ples, musik, saiens, agrikalsa, haitek na printing.

Japan i save helpim PNG long kain kain we, olsem agrikalsa, edukesen, infra-straksa olsem ol rot, bris na haus, na planti ol narapela we tu.

Planti taim opis we i save karimaut wok, em hap han opis bilong Gavman bilong Japan, JICA (tok jaika), o Japanese International Cooperation Agency, we i kam aninit long Embesi bilong Japan long PNG.

Sindaun bilong ol manmeri long planti hap bilong kantri i save kamap gut moa bihain long ol Japan i helpim.

PABLIK NOTIS

HELPIM I GO LONG OL KASTOMA I NOGAT INAP MANI

EDA RANU i givim wanpela 'amnesty' o taim bilong malolo i go inap long namba 1 de bilong mun Ogas tasol bilong ol kastoma insait long Nesenel Kapitel Distrik long stretim olgeta akaun bilong ol bihainim stretpela rot bilong peim wara bil.

EDA RANU bai helpim ol kastoma insait long kantri husat i nogat inap mani long stretim wara na suris o wara bilong toilet bilong ol na rausim ol bil bilong ol i kam inap long namba 31 de bilong mun Desemba 2003. Tasol sapos ol kastoma i laik bihainim dispela program, ol i mas stretim olgeta bil bilong ol bilong 2004 na ol bil i kam inap long tude.

TOKSAVE I GO LONG OL KASTOMA HUSAT I WOK LONG HAIT NA PULIM WARA

EDA RANU i save olsem sampela domestik kastoma i wok long hait na pulim wara long wara saplai sistem bilong EDA RANU bilong wanem ol i nogat inap mani bilong baim. Singaut i go long ol dispela kastoma long kam aninit long dispela program bilong malolo long peim bil. EDA RANU i wok long kamapim ol rot bilong helpim ol dispela kain kastoma bai ol i ken wok bung wantaim long stretim ol hevi bilong ol. Ol bai givim ol stia tok sevis long tok klia long stretpela rot bilong bihainim bilong daunim mak bilong wara bil we sampela taim

dispela hevi i save kamap taim ol paip wara i lik. As tingting em long helpim ol dispela kastoma na givim ol gutpela prais bilong stretpela wara koneksen.

EDA RANU bai i redi long karimaut na strongim ol mekimsave long ol kastoma husat i no save peim wara bil bilong ol na husat i save hait na pulim wara bai ol i noken givim moa hevi long ol kastoma husat i save peim gut bil bilong ol.


Ol kastoma i ken kisim moa toksave long:

EDA RANU Enquiries Office
Ground Floor, AAPI CENTRE
Waigani, NCD
Telephone: 3122104
Fax: 3122190
Email: infor@edaranu.com.pg

Tok orait i kam long:

Timothy Bonga, MBE
Siaman bilong EDA RANU

EDA RANU
OUR WATER



Salim ol pas i kam long WANTOK
NIUSPEPA: P.O.
Box 1982, Boroko
N.C.D 111
Fax: 325 2579
Email:
word@global.net.pg

Lida wokim disisen long tupela rot

Dia Edita,

Mi raitim dispela pas i go long Wantok Niuspepa long Somare Gavman i mas stopim sik nogut HIV/AIDS hariap.

Sapos gavman i painim hat taim long rot bilong stopim sik nogut AIDS em bai planti manmeri bai dai na yumi dispela liklik ailan kantri bihain taim bai nogat manmeri bai i stap. Olsem na mi laik soim yu lida bilong gavman long stopim sik AIDS. I gat tupela rot.

Namba wan rot em gavman i mas pasim olgeta liklik haus bia bikos yumi olgeta i lukim dispela sik nogut i save kam aut long ol

dispela liklik haus bia. Na ol manmeri tu i save dai wantu long ol liklik haus bia olsem na gavman i mas pasim ol dispela haus bia olgeta.

Namba tu rot bilong stopim sik AIDS em i olsem ol dokta i mas sekim blut bilong olgeta manmeri na sapos ol i lukim olsem sik nogut AIDS i stap long ol em bai gavman i mas putim ol dispela sik lain long wanpela ailan namel long solwara. Em kem bilong ol sik lain na ol ami na polis bai lukautim ol long noken go aut. Ol i mas stap tasol.

**MARK LUPI
MT HAGEN WESTEN
HAILANS PROVINS**

Tenkyu God

Dia Edita,

Mi LAIK tok "Tenk yu God long salim Pop Jon Pol 2 long kam givim laik na blesing bilong yu long mipela hia long kantri bilong mipela na olgeta hap bilong granun.

Helpim mipela long spirit bilong yu bai mipela i noken lus tingting long em. Ol gutpela skul tok, gutpela pasin,

bilip na pasin bilong trupela laik em i bin kisim long yu na givim long mipela.

Long indai bilong em mekim graun i kamap nupela gen na i kamap ples bilong i stap isi. Mi pre na bilip olsem tude em i stap wantaim yu long Paradais - Amen.

**LUCAS SAKAM
MADANG**

Anutu i gat tok long yu

Dia Edita,

INAP yu givim wanpela spes na mi ken autim tingting bilong mi bai pablik i ken skelim.

Yes mi sapotim tingting dispela brata o susa Saltin O, Popondetta, Oro Provins i kamap long Wantok Niuspepa long Mas 24, 2005.

Yes pablik, mi sapotim pas bilong Saltin O, na agensim gen dispela lo bilong katim ol meri long kilim o rausim nupela bebi i stat long groa insait long bel bilong ol mama. Lukim long Revelesen 20:11-15.

Yes ol kristen mi agensim dispela lo bikos dispela pikinini o bebi em i piksa bilong Anutu em yet i bos long olgeta samting.

Anutu i gat tok long gavman long dispela lo yu bin kamapim.

Moabeta yu mas lusim dispela lo. Yes, bikpela Anutu i gat tok long yu.

Mi laik tokim yu olsem, dispela lo em yu gavman i bin pasim Palamen Haus em long dispela graun.

Tasol palamen haus bilong Anutu i stap long Heven wantaim lo bilong em i wetim yu i stap. Yu tu em yu pikinini bilong Anutu.

Em tasol na yu husat i laik sapotim o agensim dispela tok, mi wantaim Saltin O. bai amamas tasol long lukim.

**ANIS ARING LEVIS
MARKHAM VELI
MORobe PROVINS**

Maus pas na ai pas noken kam long Palamen

Dia Edita,

Mi WANPELA manki Nabak Mogom Ples long Boana Distrik long Morobe Provins. Long namba 14 de bilong mun Februari, mi wokabaut long ples i kam kamap long Boana Stesen na mi ting em i stap long Baindoang tasol nogat em Boana. Bik bus karamapim Boana gavman stesin rot i bagarap i nogat gutpela sevis bilong gavman. Olsem wanem, memba bilong Nawae i stap we? Tupela yia baset mani yu developim Erap tasol mi stap long Mosbi. Taim Palamen bung kamap sampela taim mi save i go long Palamen. Haus tasol mi save lukim em em i no save toktok liklik long makim maus bilong ol manmeri bilong Nawae. Em save sindaun olsem hap diwai i nogat meknais bilong em.

Ol manmeri bilong ples husat lain makim em i kam ol save ting wanem long em o ai pas makim maus pas i kam

longlong long pablik ples em samting bilong sem tu. Plis opim ai na skelim man gut na salim em i kam. Noken longlong nambaut. Sampela hap long provins na distrik ol save makim ol gutpela man bilong bringim sevis bilong gavman i go long ples o viles. Nawae nogat 1975 i kam inap nau 2005 olgeta memba bilong Nawae 1975 i kam inap nau 2005 olgeta ol save tok olsem long ol manmeri sevis bilong gavman tasol mani bilong gavman tasol bai i no inap bringim sevis i kam em bai nogat manmeri long ples bai putim hap na gavman putim hap na bringim sevis i kam. Em tru olgeta hap long kantri ol save mekim tok olsem ol memba bilong Nawae tasol save mekim dispela pasin.

**ROBERT NAIQ
GOLDIE RIVER
NCD**



Toksave: Sampela ol pas mipela i kisim i longpela tumas na i no givim spes long ol arapela pas, plis raitim pas liklik. Na tu putim nem na edres bilong yu long olgeta pas yu salim i kam, tenkyu. - Edita

Ol etpos i mas i gat subsidi

Dia Edita,

BIHAINIM het tok antap mi wanpela helt wokman long bus etpos long Madang Provins na nau mi autim wari na tingting bilong mi long Wantok Niuspepa.

Tingting mi i gat em olsem. Ol etpos em namba wan lain lukim na givim marasin long ol kain kain sik manmeri i stap wantaim hevi olsem mama karim, sik TB, sik sotwin, nironia, malaria na wok bilong klinik.

Ol bikpela bagarap long bodi na wanwan laip sindaun bilong komyuniti etpos i save bungim ol bikpela sikman pastaim long ol i salim i go long helt senta, helt sab senta na haus sik.

Ol praimer skul, na komyuniti skul na Edukesen Dipatmen ol save kisim kwatali skul subsidi mani bilong ronim

wan wan skul bilong ol. Olsem wanem long Helt Dipatmen? Helt tu em wanpela bikpela dipatmen long kantri bilong yumi.

Helt em masin bilong olgeta wok insait long kantri na stretim na lukautim haus lotu bilong Papa God.

Mi save lukim ol bikpela hevi tru long ol etpos insait long bus ples na tu nambis, ailan na taun ol bungim hevi na tu long ol bikpela helt senta na sab senta, haus sik ol save kisim liklik helpim tasol etpos em nogat tru.

Nau mi askim dispela ol bikman bilong divisen long lukluk long dispela hevi bilong mipela ol etpos lain.

Wan wan nesanel memba bilong ilektoret, provinsel gavana bilong wan wan provins, wan wan kaunsel presiden,

wan wan wot kaunsel memba ol dispela politikel disisen bodi mas lukluk long dispela hevi bilong subsidi bilong ol etpos.

Ol wokman bilong gavman o pablik opisa olsem provinsel administreta bilong wan wan provins na distrik administreta bilong wan wan provins na helt progrem menesa bilong wanwan distrik, helt opisa insait long wan wan helt senta, sab senta, haus sik lukiuk long mipela etpos lain bungim long etministresen bilong wanwan etpos, misin na gavman.

Olgeta rejista etpos bilong misin na gavman olgeta mas kisim kwatali (4-pela taim) etpos subsidi mani i kam long gavman.

**JOHN K
BUS MADANG
MADANG PROVINS**

Tok bilong God yet i mekim wok awenes

Dia Edita,

SAMPELA tingting tasol mi laik serim insait long Wantok Niuspepa, sapos i kraik gut long ia bilong yupela rita bilong Wantok Niuspepa o nogat. Mi laik toktok liklik long dispela ol stori oltaim mi save ritim long niuspepa em long - AIDS na mariwana.

Dispela tupela samting em oltaim olgeta niuspepa i save pulap tru long ol stori bilong ol.

Tasol yet i nogat bekim o stret bilong em we ol ken painim rot long daunim. Lo na oda, na gavman na husat i save traim hat long painim ansa bilong em.

Tingting bilong mi i olsem - nogut planti mani i lus nating long ol husat lain i tok ol laik tru long helpim ol dispela lain yut long ol ken stop long insait long dispela tupela samting.

I gutpela tru sapos ol laik helpim ol dispela yut long ranim wanpela woksop o trening o awenes na laik toktok long ol na laik skulim ol long sampela stia tok long ol yut ken abrusim na lusim smok mariwana na insait long pamuk pasin na kisim o spredim AIDS.

I gutpela long noken toktok nating long ol liklik samting long mani sait tasol na yusim strong bilong ol long traim skulim ol yut. Tasol ol i mas yusim Buk Baibel na skulim ol long God i gat wanem kain tok long ol kain man na meri husat i bihainim dispela kain pasin.

Skulim ol long tok bilong God na yusim ol planti sapta na ves we i sut stret long kain laip ol yut i wok long bihainim tude na God i gat wanem kain tok stia we i ken helpim ol dispela yut.

Tok bilong God i gat stia tok we i ken mekim ol yut iuksave long marimari bilong em long ol na tu ol yut ken save tu olsem i gat hevi bai i bungim ol sapos ol i harim gutnius na ol i no laik tru long bihainim.

Em ol yet putim ol long rot na ples nogut.

Romans 3:23 i tok - pe bilong pekato em dai, tasol presen bilong God i kam long yumi em laip i stap gut oltaim.

Yumi i no mekim hatpela wok tru na yumi kisim - nogat, em long trupela marimari bilong God yet na em givim long yumi.


Olsem na sapos ol dispela grup o NGO o husat lain i save laik long traim long helpim ol dispela yut - ol noken yusim save na strong bilong ol long traim winim ol yut, nogat.

Ol mas tokim ol yut long gutnius na marimari bilong God na gutpela na nogut bai i painim ol na ol noken haitim tok long ol yut.

Sapos ol i no inap long yusim baibel we em strong bilong God long kisim bek ol yut, orait noken go na mekim.

Em bai ol i tromoi nating taim na mani bilong ol pipel. I gutpela long ol i mas kisim ol pasto o wokman bilong God long go wantaim ol na mekim awenes na toktok wantaim ol yut na skulim ol na givim stia tok long ol yut long ol ken save wanem em God i laikim ol yut long mekim na wanem kain laip na gutpela sindaun ol ken painim na kisim taim ol i givim laip bilong ol long Jisas Kraik na gutpela samting ol bai kisim bihain.

**P.I.
LORENGAU
MANUS PROVINS**



WANTOK
KOMENTRI
Pipel i mas kirap

BILIP long strong bilong yumi wanwan em i wanpela tingting we gavman nau i laik kirapim namel long ol pipel bilong Papua Niugini.

Na rot we mipela i mas wokabaut bihainim long strongim kantri long bihain taim nau i kamap long Midium Tem Dvelopmen Strateji o plen bilong nesanel gavman we i sut long wok developmen bilong kamap insait long kantri long bihain taim.

MTDS bai soim klia ol samting gavman bai i mekim long strongim kantri long nau i go inap long 2010.

Gavman i lonsim dispela MTDS plen aste na bikpela as tingting bilong en em long kamapim gutpela sindaun bilong olgeta manmeri insait long kantri.

Long kamapim dispela gutpela sindaun, gavman i tingting long kirapim ol liklik manmeri bai ol i kamapim ol liklik bisnis bilong ol yet na stretim sindaun bilong ol.

Kantri i bin lukim wanpela long ol dispela MTDS pinis. As tingting bilong MTDS long 1997 i kam inap 2002 i bin gutpela tru. Tasol wok bilong karimaut tasol i bin bagarap.

I kamap ples klia nau olsem maski gavman i bin kamapim gutpela plen, ol manmeri bilong kantri yet i no bin karim wantaim ol na wokabaut.

Nau Minista bilong Nesanel Piening, Arthur Somare i tokaut pinis olsem dispela MTDS nau i kisim tingting bilong ol manmeri long olgeta hap bilong kantri.

Olsem na em bai sut stret long wanwan liklik manmeri long ol i mas wok bung wantaim gavman na strongim ikonomi bilong kantri.

Mista Somare i tok namba wan bikpela wok insait long dispela MTDS em long stretim ol rot bai ol liklik manmeri i ken karim ol gaden kaikai bilong ol i go long maket.

Em i tok tu olsem MTDS bai skelim strong na kaikai bilong ol arapela sekta na putim mani i go long ol progrem we em bai i ken strongim kantri na karim gutpela kaikai.

Gavman i mekim samting stret long makim dispela rot bilong developmen, tasol olsem wanem long ol sekta olsem helt na edukesen. Em i tru olsem MTDS bai lukluk long besik edukesen o skul long mak bilong statim ol yangpela na bikmanmeri wantaim, tasol bai i gat inap mani bai i go long strongim helt sekta o nogat?

Luksave long ol hevi i stap long kantri olsem sik HIV/AIDS, pasin bilong lusim ples na go long taun nating, groa bilong namba bilong ol manmeri na kros bilong graun i stap insait long MTDS pinis.

Tasol hat wok nau i mas stap long gavman long stretim rot bai ol pipel i ken kirap na mekim samting bihainim dispela MTDS.

Nau yet balus pe i stap antap tumas, prais bilong ol stua kaikai i no stap long laik bilong planti manmeri. Na i gat ol arapela samting we i wok long kilim ol famili na ol yangpela insait long kantri olsem pokis na hom bru.

Olgeta dispela samting i stap yet, na sapos mipela i no stretim nau, bihain taim bai bagarap.

Pipel bilong yumi i ken kirap, tasol rot i mas stret pastaim.

Bilip long ol yangpela man na meri

LAS WIKEN, yangpela AFL tim bilong mipela, PNG Binatangs i winim Anda 16 Queensland Kantri, Australia Futbol Lig (AFL) Sempionsip long Cairns, Australia.

Ol manki PNG i mekim histori bikos em nambawan taim wanpela PNG tim i winim dispela yut spot kanival.

Dispela win bilong Binatangs i apim nem bilong PNG. Sapos ol dispela yangpela manki i kisim wankain sapot, bai ol i inap long winim-ol sinia gem long bihain taim. Ol manki PNG i mekim pinis ol wan skwat bilong ol long Austria. Na bihain ol dispela sem lain manki bilong Australia bai makim kantri bilong ol long ol sinia gem.

Sapos PNG laik apim nem bilong em long wol, yumi mas givim taim, mani na ol risos bilong yumi long sapotim ol dispela kain yangpela man na meri.

PNG Ragbi Futbol Lig tu i kirapim ol yangpela manki long pilai ragbi lig. Ol i statim pinis Skul Bois Ragbi Lig.

Siaman bilong PNG Ragbi Futbol Lig, Sir Bob Sinclair, i tok PNG Kumul bai redi



TOK PISIN
wantaim
PETER MAIME

long winim Australia long 2015. Sir Bob i mekim dispela toktok bikos em i putim bilip bilong em long Skul Bois Ragbi Lig.

Dispela wok bilong sapotim ol yangpela man na meri i no long spot tasol, em i sut tu long ol kainkain wok bilong laip.

Pop John Paul 2, husat i bin dai i no long taim i go pinis, i save tok, bihain taim bilong Katolik Sios i stap wantaim ol yangpela man na meri bilong wol. Ol hap bilong wol em i save raun, em i save laikim ol yangpela manmeri na save givim gutpela ol stia toktok long ol.

Nau man i kisim ples bilong em, Pop Benedit XV1, i mekim wankain toktok long ol yangpela manmeri.

Liklik taim i go pinis, Dirima Vokesenel Skul long Gumine long Simbu, i kisim moa long K109,000 long wanpela Dvelopmen Ejensi bilong kantri Kanada. Dispela mani bai skul i yusim long helpim ol meri i tren long dispela skul.

Taim ol dispela meri i pinism trening, bai ol i go bek na helpim famili, hauslain na komyuniti bilong ol. Na taim ol i kamap mama, trening bilong ol tu bai helpim ol long lukautim liklik famili bilong ol yet.

Ol sapot yumi givim i go long ol yangpela man na meri em gutpela invesmen o bilip mipela i givim long ol bilong bihain taim.

Yumi olgeta manmeri, em yumi bilong tripela kain taim. Yumi bin gat aste, yumi gat nau na bai yumi gat tumoro.

Aste i go pinis. Nau yumi stap. Nau yumi stap na lukluk i go long tumoro.

Sapos yumi i laikim tumoro bilong yumi i kamap naispela na yumi kisim biknem, ating yumi mas bilip long pawa bilong ol pikinini na ol yangpela man na meri bilong yumi.

God i marimari long mi olsem na mi stap Lida bilong manmeri

"Sapos wanpela man i mekim wok bilong mi, em i mas bihainim mi, na long ples mi stap long em, wokman bilong mi tu bai i stap wantaim mi..."

"Sapos man i mekim wok bilong mi, orait papa bai i givim biknem long em". Jon 12:26

Taim yumi tingim wok bilong gutpela lida na ol kain hevi lida i mas karim bilong helpim manmeri. Orait ating bai yumi tok olsem Pol "Husat inap tru long mekim dispela kain wok?" 2 Korin 2:16 Tasol yumi no ken belhevi. Pol tu i bin tok olsem, "Tru, mipela yet i no inap long

mekim dispela wok, olsem na mipela i no ken tok mipela yet i bin mekim wanpela samting. Nogat. God wanpela tasol i save mekim mipela inap long dispela wok bilong Lida (2 Korin 3:5). Baibel i skulim yumi long 4-pela samting i olsem rot bilong yumi ken kamap gutpela Lida manmeri.

Lida i mas bihainim Krai oltaim

Jisas i tok olsem, "Sapos wanpela man i mekim wok bilong mi, em i mas bihainim mi". Jon 12:26 Na Pol i tok, "Yupela i mas bihainim pasin bilong mi na wok-abaut, olsem mi tu mi save bihainim pasin bilong Krai na wok-abaut". 1 Korin 11:1

Sapos yumi laik i stap Lida long manmeri, orait yumi mas bihainim Krai na i stap aninit long em long olgeta samting. Em yet i mas bosim olgeta wokabaut bilong yumi Lida manmeri.

Lida i mas stadi long tok bilong God bilong kisim strong

Taim Pol i bungim ol Lida bilong Sios bilong Efesas, em i tok olsem, "Nau mi putim yupela i stap long han bilong God, na mi laik bai yupela i tingim tok bilong



Ol prinsipol bilong gutpela lida
wantaim
Evangelist
OHARE JABERE

marimari bilong God Papa. Dispela marimari em inap strongim yupela...." Ap 20:32. Sapos yumi no stadi long tok bilong God, orait bai yumi no inap mekim gutpela wok olsem Lida. Lida i mas stadi gut long tok bilong God (Buk Baibel) olsem ma i kaikai strongpela mit. Tok bilong God i ken stap strong long tingting na laik bilong en na em i mas bihainim dispela tok long olgeta de.

Lida i save olsem, marimari bilong God tasol i mekim em inap long wok strong

I gat wanpela pasin ol Lida i mas mekim oltam. Em i olsem, long olgeta wok bilong yumi Lida, yumi mas litimapim nem bilong God i no bilong givim biknem long yumi yet. Long Aisaia 42:8 God tok strong long dispela samting. Em i tok, "Mi tasol mi Bikpela. Bikpela, em nem bilong mi, na yupela i mas givim biknem long mi wanpela tasol. Yupela i no ken

litimapim nem bilong ol giaman god, em ol man yet i wokim." God i tokim yumi klia olsem God yet i givim olgeta samting long yumi na i mekim yumi inap long wok bilong Lida. I no samting bilong save na laik na tingting na strong bilong yumi. Nogat tru. Yumi Lida mas tingting long tok bilong God long Efesas 3:7 olgeta de. Pol i tok olsem, "God i mekim mi i kamap wokman bilong autim dipela gutnius. Em i marimari long mi, na em i givim strong bilong em long mi, bilong strongim mi long mekim dispela wok." Tu, 1 Korin 15:10 i tok God i marimari long mi na em i mekim mi i kamap man olsem nau mi stap. Na marimari bilong en long mi, em i no lus nating. Nogat tru. Mi save wok strong tumas na mi winim ol arapela aposel. Tasol i no mi yet i mekim ol dispela wok. Nogat tru. God i marimari long mi na givim strong long mi bilong mekim ol dispela wok."

WANTOK
Published Weekly, Wednesday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: 325 2500
Fax: 325 2579
Email: word@global.net.pg

Pe bilong wanpela yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Neville Choi

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea- Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

PASIFIK NIUS

Guam: Pasin tumbuna o tredisen bilong Maikronesia em long ol manmeri long stretim ol kros pait o bel hevi bilong ol na kamapim wanbel na bel isi ausait long kot.

Dokta Don Rubenstein, wanpela save-man long Maikronesian afeas, bai toktok long Inafa, Maolek Peacemaking Conference long Guam tumoro, long paitim tok long dispela we bilong ol manmeri bilong Maikronesia long stretim ol hevi bilong ol.

Dokta Rubenstein, husat i stap wantaim Yunivesiti bilong Guam, bai givim ol piksa long ol hevi we i bin kamap long ol Ailan bilong Maikronesia na we ol i bin yusim ol tredisenel kalas bilong ol stretim ol dispela hevi insait long komyuniti bilong ol yet.

Fiji: Gavman bilong Fiji i tok olsem em bai givim FJD\$240,000 long helpim salim tim bilong kantri i go long Mini Saut Pasifik Gems long Palau.

Kabinet i bin mekim dispela disisen bihain long Minista bilong Spots, Isireli Leweniqila, i bin givim wanpela sabmisen o askim long pepa i go long ol long helpim.

Dispela mani bai sapotim 50 pesen bilong baset we tim i nidim.

Ol narapela hap mani bai kam long Fiji Amateur Sports na Nesenel Olimpik Komiti (FASANOC), nesenel bodi we i save bosim olgeta ol narapela spoting bod long kantri.

2005 Mini Saut Pasifik Gems long Palau bai kamap long Julai 25 i go inap Ogas 4 na Fiji i wok long lukluk long salim 113 spot manmeri.

Mista Leweniqila i tok olsem sapos gavman i no givim dispela helpim, tim bai painim hat tru long i go long gems.

Cook Ailan: Wanpela sitisen bilong Iran husat i bin go long Cook Ailans olsem wanpela refuji 13-pela yia i go pinis, i dai bihain long ol man nogut i bin sutim em wantaim gan long Melbon, Australia las wik.

Jaffar Heshmaty, husat i bin go long Rarotonga long 1992, i bin painim dispela birua ausait long haus bilong em las wik.

Polis i bilip dispela i bin kamap bikos Heshmaty i bin gat sampela poro husat em ol man nogut o raskol.

Wanpela niuspepa long Australia i ripot olsem em i wok long kros pait wantaim sampela lain ausait long haus bilong em bipo long gan i bin pairap.


Heshmaty i bin stap tripela yia long ol kalabus long Melbon na i wok long traim long kisim status olsem refuji bihain long em i bin ranawe long Iran we woa i bin stap long dispela taim.

Ol ripot we i kam long Cook Ailans i tok olsem Cook Ailans i bin wanbel long larim em i stap long hap taim em i bin kamap long hap long 1992.

Taim em i bin stap long Cook Ailans, ol manmeri long hap i save long em olsem Jeffery Hanson, wanpela man husat i save go long lotu olgeta taim.

Long Mas 2000 em i bin resis long kisim wanpela ples long Olimpik Fristail Resling Tim bilong Australia tasol em i bin kisim namba 4 ples.

WOL NIUS WOL NIUS WOL NIUS



WOL NIUS WOL NIUS WOL NIUS

Bom

Ol soldia bilong Yunaitet Stets bilong Amerika (U.S.A) long Irak i putim wanpela kanon sel o bom i go insait long wanpela hul long bagarapim bihain long ol i bin painim wantaim ol narapela bom na gan long wanpela fam ausait long siti bilong Mosul.

Poto: AFP/CRIS BOURONCLE



Paitim Paia

Ol soldia bilong Meksiko i pait long daunim paia long siti bilong Guadalajara long Epril 26, 2005. Ol dispela paia i bagarapim pinis planti bus long hap.

Poto: REUTERS/HECTOR GUERRERO



Bikpela Birua

Ol reskyu wok manmeri o ol manmeri husat wok bilong ol em long helpim long taim bilong birua i sekim wanpela tren we i bin painim birua long Amagasaki, westen Japan, long Epril 25, 2005.

Poto: REUTERS/SANKEI SHIMBUN-AKIHICO OTSUKA



Gutpela Kaikai

Wanpela meri Vietnam i holim wanpela kakaruk long wanpela kakaruk maket long Hanoi long Epril 1, 2005.

Poto: REUTERS/KHAM KHAM

PNG tingim ol paitman bilong bipo

"Taim mipela i tingim dispela de, mipela i givim luksave long ol bikpela wok ol man na meri busat i bin dai long mekim long banisim, lukaufim na bungim dispela kantri. Dispela de em i de bilong mipela olgeta long tok tenkyu long ol lida busat i bin sanapim ol pos bilong dispela kantri."

Nesenel Palawan Spika Hon. Jeffrey Nape - April 24, 2005.



... bilong mipela i tingim dispela de, mipela i givim luksave long ol bikpela wok ol man na meri busat i bin dai long mekim long banisim, lukaufim na bungim dispela kantri.

Dispela de em i de bilong mipela olgeta long tok tenkyu long ol lida busat i bin sanapim ol pos bilong dispela kantri.

Miela Nape i sanapim long ol manna long unim ol dispela kantri na bilong unim ol lida busat i bin dai long mekim long banisim, lukaufim na bungim dispela kantri.

... bilong mipela i tingim dispela de, mipela i givim luksave long ol bikpela wok ol man na meri busat i bin dai long mekim long banisim, lukaufim na bungim dispela kantri.

Dispela de em i de bilong mipela olgeta long tok tenkyu long ol lida busat i bin sanapim ol pos bilong dispela kantri.



Kingsway Gospel Ministries laik helpim Bogenvil

EM I long taim tru we mi no raitim stori bilong wanpela gospel musik ben na as bilong dispela em bikos ol gospel ben i save lukluk long autim tok bilong God na i no bilong mekim nem.

Tasol planti long ol dispela musik man husat i save long pawa bilong God i mas rekotim musik bilong ol bai ol i ken salim i go aut long olgeta manmeri. Tasol ol yet bai i no inap long go aut na painim rot bilong mekim nem.

Long ol wik i go pinis, mi bin toktok long tupela nupela ben husat i wok long pulim yau long Bogenvil. Wanpela grup em Exile Natives, wantaim singsing bilong ol Gerehu i wok long pulim laik bilong planti long Yumi FM. Narapela grup em Kingsway Gospel Ministry, wanpela 6-man grup bilong ples Siwai long Saut Bogenvil. Dispela em tupela namba wan albam we i kamaut long Buka long Xerox Studios las yia bihain long ol i bin lusim Mosbi.

Kingsway Gospel Ministri i kam anit long Four Skwe Sios bilong Bogenvil na em i wanpela ben we i kamap long

ol yut bihain long sampela sevis bilong gavman i bin go bek long ples Siwai long 1992 bihain long 6-pela yia pait i bin bruk anit long Bogenvil Kraisis.



Ol yut long dispela eria i luksave olsem wok bilong stretim bek sindaun bilong ol pipel bilong ol na karim bek ol sevis i go bek long Siwai i no stap long han bilong gavman tasol. Ol memba bilong grup i bilip strong olsem ol yut husat i no inap rit o rait insait long komyuniti i no bin inap long go bek long gutpela laik bilong ol.

Laik bilong givim han na helpim i kamapim Kingsway Gospel Ministri husat i stat mekim wok ivenjelisim, tokaut long gospel bilong Jisas Kraisis nabaut long Siwai na ol ara-

pela hap bilong Bogenvil.

Mista To'osih, husat i kamap Ben Menesa na Pasto bilong Four Square Sios, Aaron T i bin bungim wanpela grup long ol yangpela musik man husat i gat wankain bilip olsem insait long laik bilong ol, ol i ken wok bung wantaim God, na bikpela hevi Kraisis i bin karim antap long kruse long sevim laik bilong ol man i soim klia olsem samting nogut i ken senisim laik bilong ol pipel i go kamap gutpela.

Em nau Peter Kepino, Jerry Aisa, Joe Pauru na Steven Sania i bin bung na wok insait long ministri bilong ol pikinini. Ol i bin sindaun long ol bikpela bung bilong lotu na karim tok bilong God i go long ol pipel bilong Siwai na Bogenvil.

"Mipela i bilip olsem musik em i bikpela hap bilong onaim na mekim wok ministri olsem na mipela i laik strongim," Kingsway Gospel Ministry i tokaut long wanpela infomesen pepa. "As tingting bilong mipela em i ivenjelisim long musik we em i wanpela strongpela rot bilong salim tok bilong God i go long ol pipel."

Ben i bilip olsem i gat wanpela pasin bilong ol yangpela Bogenvil manmeri long bihainim laik bilong ol musik bilong wol na ol nait klab na ol arapela rot we i save kamapim pasin bilong spak, pasin pamuk, pait, brukim marit na ol arapela hevi.

"Mipela i bilip taim olgeta samting i stret long Bogenvil, ol dispela kain hevi bai kamap. Ol bai kamap long laik bilong mipela na mipela i laik sanapim ol plen bilong pait agensim ol dispela hevi."

Kingsway i laik yusim ol musik ministri long karim tok bilong God.

"Long dispela taim we planti yangpela i wok long bihainim samting ol i lukim long TV, harim long radio na ol piksa nabaut em mipela i ken givim sku bilong tok bilong God i go long ol insait long Kristen musik na ol lotu TV program na musik klip.

"Man em i gat tripela hap. Bodi, sol na spirit na olgeta dispela tripela samting i mas kisim moa strong na Jisas tasol i ken soim mipela long gutpela laik."

Ol yangpela pipel i mas

pillim olsem ol i stap insait long komyuniti na ol i mas kisim sans ol i laikim. Nau yet ol i nogat wok, na ol i belhat na stap. Taim mipela i lus tingting long ol, ol bai bikhet moa.

Kingsway i save salensim strong bilong komyuniti long stretim lo na oda, edukesen, spots na ol arapela komyuniti samting.

Ministri i kamap long lukautim ol yangpela bai ol i no inap sindaun nating. Dispela belhat bilong ol i save kamapim ol kain kain hevi insait long komyuniti.

Long dispela as na Kingsway i rekotim wanpela albam wantaim ol gutpela gospel musik we ol i bilip bai i ken helpim ol long autim tok bilong God i go long olgeta kona bilong Bogenvil we ol pipel i wok long painim gutpela sindaun.

Dispela albam bilong ol bai i kamaut klostu nau. Em i gat 10-pela singsing. Sampela long tok Inglis, tok pisin na sampela long tok ples Siwai. Ol singsing em I Gave You My Heart, Jesus i dai long Diwai Kros, Jesu Huitong, na wanpela singsing ol i kolim

Yu ken ritim ol stori blong PNG musikman/meri long What's On with Raitman insait long Post Courier tasol, Trinde, olgeta wik.

Bougainville.

Eksekutiv Produsa Cornelius Poowa i tok, "Kingsway Gospel Ministri i no sot long ol lain i laikim musik bilong ol.

Poowa i tok dispela em i namba wan taim bilong ben long rekotim wanpela albam na Xerox Studios i wok long sapatim ol long maketim musik bilong ol.

"Mi no tingting tumas long mekim mani long dispela albam; bikpela samting em Xerox Studios bai helpim long autim tok bilong God i go aut long ol manmeri husat i no save go long ol reli o kruseid."

Cornelius i tok tu olsem ol i givim wanpela kopi bilong Kingsway Gospel Ministri long Yumi FM pinis bilong pilaim long Sande program bilong em. Em i tok i no long taim nau na ol manmeri long Bogenvil bai i ken baim dispela nupela albam.

David Saun pairapim wan-man musik long bus-ples Okapa

James Kila i raitim

LAS WIKEN mi bin wok raun i go long Okapa em wanpela bik bus distrik bilong Isten Hailans Provins long lukim lonsing bilong wanpela kopi groas koporetiv sosaiti long Okapa stesen.

Dispela ples Okapa em sampela i save stailim tok na kolim olsem "OK5". Dispela ples em i longwe tru na rot i no gutpela, tasol amamas na gutpela sindaun i stap long en stret.

Taim ka i go lusim mi na mi wok-abaut i go mi harim wanpela kain musik i pairap antap long stes. Dispela stes i stap stret long Okapa stesen ragbi lig graun.

Taim mi harim dispela musik mi tingting planti liklik. Mi wok long tingting ating mi bin harim dispela musik long we tru. Yes dispela isi musik em tingim nau olsem mi bin harim dispela kain musik bipo taim mi wok olsem niusman long Mosbi. Mi bin harim dispela kain isi musik long Airways Motel na tu long Gateway Hotel.

Hmmm...yes nau mi tingim dispela musik em wanpela stail man, nem bilong em David Saun i save pilaim long amamasim ol lain i go sindaun na dring na amamas long hotel. Tasol nau yet mi guria stret.

Taim mi wokabaut wantaim bos bilong mi na Sief Eksekutiv bilong Kopi Industri Koporesen (CIC), Ricky Mitio i go antap long dispela stes, David Saun i lukim mi go antap na stat long smail tasol. Bihain taim em i pilaim wanpela musik pinis em i hariap tasol i kam na sekan long mi na askim long wanpela lus smok wantu tru i tok, "Hau na yu kam long hia" Mi tu mi askim em gen, "Bara, mi guria long lukim yu long dispela kain ples ya. Yu tu hau na yu kam?"

Okapa Stesen em i longwe tru long Goroka. Yu ken kisim samting olsem 4-aua long draiv long wanpela strongpela kar i go long dispela hap. Long taim bilong ren rot i save bagarap tru na planti ka i save bungim hat taim tru.

David em wanpela top lokel musikman bilong Papua Niugini em planti ating bai save long stail bilong em long pilaim seksafon.



• David Saun i pilai long stes long Okapa Stesen.

Dispela instramen i save pairap gut tru taim dispela resa man bilong Wara Sepik i save pilaim.

David em wanpela greduet bilong bipo Nesene Ats Skul long Mosbi. Nau dispela skul em Fekalti ov Krietiv Arts na em hap bilong Yunvesiti bilong Papua Niugini (UPNG). David em brata bilong Apa Saun, wanpela musikman bilong bipo husat i save pilai wantaim Sanguma ben.

David na brata bilong Apa i bikpela long Bulolo insait long Morobe Provins. Taim David i stap long skul yet bagaros i bin pilai wantaim wanpela ben long Bulolo em Grasrutz ben. Dispela ben i go rekot wantaim Tumbuna Traks studio long Madang.

Dispela save bilong David olsem man bilong pairapim seksafon i mekim em i pilai wantaim planti lain grup husat i rekot wantaim CHM long Mosbi. Em i bin gat sans tu long kamap olsem wanpela enjinia bilong CHM.

Wanpela bikpela samting em David i kamapim long laik bilong em long musik em taim em i kisim askim long go pilai raun wantaim dispela top musikman bilong Fiji em Daniel Rae Costello. David i bin raun pilai long ben bilong Rae Costello long raun bilong grup long

ol Pasifik Ailan Kantri.

Tru tumas taim mi lukim dispela bagaros long Okapa, mi bin guria stret.

David i stori olsem em i kisim wanpela daina-Mazda trak na tekov long moning yet i go long Okapa wantaim ol DJ instramen bilong em. Dispela ol instramen i bikpela tru na ol i karamapim long kandis na bagaros yet i sindaun long fran wantaim draiva na ol i kukim long dispela Okapa rot.

Planti ol yangpela na ol manmeri husat i bin kam long harim ol bikpela toktok long dispela taim i amamas tu long harim ol musik em David i pairapim long ol.

Taim bikpela amamas na selebren tru i bin kamap long nait taim stret long Okapa Stesen. Mi bin raun i stap long dispela taim mi lukim ol yangpela i pasim tok i go kam na wantu tru ol i kisim ol kandis long wan wan haus na stat long taitim na banisim wanpela hap.

Taim ol manki i wok long wokim dispela turangu bagaros David i pilim tait tru na em i go kaikai na slip pinis. Ol boi Okapa i brukim ol mambu na taitim sel pinis na bihain ol i stat long painim ol bensin bilong jenereta long pilai musik. Ol dispela boi i skin kirap tru long harim musik na wantu

tasol ol i askim ol yet i go kam na ol bungim mani na baim bensin na wantu tasol pawa i stat long jenereta. Tasol long dispela taim David i no kamap yet. Baga ya i wok long pulim nus i stap long haus bilong wanpela poroman.

David i wokabaut i kamdaun long ples bilong danis long samting olsem 9-kilok na stat long hamarim ol musik stret. Nambawan musik em i wokim em "Walk of Life" bilong grup Dire Straits. Taim em i kirapim skin bilong ol man pinis nau bagaros i kirapim ol lokal namba. Ol yangpela i no kandim tudak, ol i kilim skin stret long danis na amamas. Em i pairapim tu ol singsing olsem "Wara Sepik" bilong Felix Yausi, Ulamagi bilong Demas Saul na Kikimo Sorone bilong Mandawali. Em givim tu sampela lokel Simbu singsing bilong Tom Lari. Ol manmeri i amamas tru na givim sam-sam stret long dispela nait.

Tru tumas, ples long Okapa i kol tru na ol sampela lain i laitim paia na mekimsave long danis arere long paia. Ples i tudak na husat bai lukim pes bilong ol. Yes ya, em stail bilong OK5 stret.



• Ol manmeri i pulap kapsait long harim dispela resa man Sepik. Ol foto: JAMES KILA

EMTV GAID

Fonde 28/04/05

- 5.30 JOYCE MEYER MINISTRY
6.00 NINE EARLY MORNING NEWS
9.00 CREFFLO DOLLAR
9.30 DR PHIL
10.20 EMTV PRIME TIME LINE UP
4.57 EMTV TOKSAVE
5.00 THE PRICE IS RIGHT \$100,000 SUPER SHOWCASE
6.00 NATIONAL EMTV NEWS
6.30 A CURRENT AFFAIR
6.59 LOTTO DRAW
7.00 CHM SUPER SOUND
7.57 EMTV TOKSAVE
8.00 SPORT SCENE
9.30 NRL FOOTY SHOW
11.00 AFL FOOTY SHOW
12.00 NIGHTLINE
0.30 STATION CLOSE

Mande 2/05/05

- 4.29 STATION OPEN
5.29 JOYCE MEYERMINISTRY
6.00 NATIONAL NINE NEWS
7.30 TODAY SHOW
9.00 CREFFLO DOLLAR
9.30 DR PHIL
10.30 NOBLE PEACE PRIZE
11.00 WAR IN THE PACIFIC
11.30 GAME FISHING NATIONAL TITLES
12.30 PNG OPEN GOLF
2.30 ANZ DAY AFL
4.57 EMTV TOKSAVE
5.30 SNOBS
6.00 NATIONAL EMTV NEWS
6.30 A CURRENT AFFAIR
7.01 PRAISE
8.00 TOK PIKSA MONDAY EDITION
8.27 EMTV TOKSAVE
8.30 WHO WANTS TO BE A MILLIONAIRE
9.30
11.00 EMTV NEWS REPLAY
11.30 CHM SUPERSOUND
00.00 NIGHTLINE
1.00AM CLOSE

Fraide 29/04/05

- 4.59 STATION OPEN
5.30 JOYCE MEYER MINISTRY
6.00 NATIONAL NINE NEWS
9.00 MALOLO CLUB
11.00 CREFFLO DOLLAR KIDS KONA
2.30 EMTV PRIME TIME LINE UP
4.57 EMTV TOKSAVE
5.00 THE PRICE IS RIGHT \$100,000 SUPER SHOWCASE
6.00 NATIONAL EMTV NEWS
6.30 A CURRENT AFFAIR
6.58 NEWS UPDATE TOK PISIN
6.59 LOTTO DRAW
7.00 TOK PIKSA
7.30 SURVIVOR PALAU
8.27 EMTV TOKSAVE
8.30 FRIDAY NIGHT FOOTBALL
10.30 AFL
00.30AM STATION CLOSE

Tunde 3/05/05

- 5.29 STATION OPEN
5.30 JOYCE MEYER MINISTRY
6.00 NATIONAL NINE NEWS
7.00 TODAY SHOW
9.00 MALOLO CLUB
11.00 CREFFLO DOLLAR
11.30 CLOSE
2.30 KIDS KONA
4.57 EMTV TOKSAVE
5.00 THE PRICE IS RIGHT
5.30 CRICKET CONTINUES
6.00 NATIONAL EMTV NEWS
6.30 A CURRENT AFFAIR
6.58 TOK PISIN NEWS UPDATE
6.59 LOTTO DRAW
7.00 HAUS & HOME
8.00 CHANGING ROOMS
8.27 EMTV TOKSAVE
8.30 THE APPRENTICE
9.30 THIRD WATCH
10.30 EMTV NEWS REPLAY
11.00 ER
00.00 NIGHTLINE
00.30 STATION CLOSE

Sarere 30/04/05

- 8.00 PLANET FANTA
9.30 DOWNLOAD
10.00 SO FRESH
11.30 WORLD OF WILDLIFE
12.00 SPECIAL: THE PACIFIC WAY
1.00 EMTV WIDE WORLD OF SPORTS
3.00 THE CAR SHOW
3.30 THE BOAT SHOW
4.00 ESCAPE WITH ET
5.00 MOROBE GOLF OPEN HIGH LIGHTS
4.30 FISHING AUSTRALIA
6.00 NATIONAL EMTV NEWS
6.30 AUSTRALIA'S FUNNIEST HOME VIDEO
7.00 AIRLINE
8.30 SOUTH PACIFIC MUSIC
8.57 EMTV TOKSAVE
9.00 PREMIER SPECIAL EVENT: COLOUR OF WAR
10.30 HEUCLES
11.00 EMTV NEWS REPLAY
11.30 LEGEND OF THE HIDDEN CITY
00.00 CLOSE

Trinde 4/05/05

- 6.29 STATION OPEN
5.30 JOYCE MEYER MINISTRY
6.00 NATIONAL NINE EARLY NEWS
9.00 CREFFLO DOLLAR
9.30 CLASSROOM BROADCAST
2.30 KIDS KONA
4.57 EMTV TOKSAVE
5.00 THE PRICE IS RIGHT
6.00 NATIONAL EMTV NEWS
6.30 A CURRENT AFFAIR
6.57 TOK PISIN NEWS UPDATE
6.59 LOTTO DRAW
7.00 ICC CRICKET
7.30 MCLEOD'S DAUGHTERS
8.27 EMTV TOKSAVE
8.30 WEDNESDAY NIGHT MOVIE: CONTACT
11.00 SOUTH PACIFIC MUSIC
11.30 EMTV NEWS REPLAY
12.00 NIGHTLINE
12.30 STATION CLOSE

Sande 01/05/05

- 7.29 STATION OPEN
7.27 EMTV TOKSAVE
7.30 BUSINESS SUCCESS
8.00 BUSINESS SUNDAY
9.00 SUNDAY
11.00 SUNDAY ROAST
11.30 SUNDAY FOOTY SHOW
12.30 BOOTS 'N' ALL
1.00 SPORTS SPECIAL: WILD ABOUT GOLF
1.00 AFL GAME
2.00 SUNDAY AFTERNOON MOVIE: MAJOR LEAGUE: BACK TO THE MINORS
4.00 SUNDAY AFTERNOON FOOTBALL
6.00 NATIONAL EMTV NEWS
6.30 SPECIAL PRESENTATION THE HAPPY GARDENER: KOKOPO E.N.B
7.30 SPECIAL EVENT: 47TH ANNUAL TV WEEK LOGIE AWARDS
10.30 EMTV NEWS REPLAY
11.00 PRAISE-GOSPEL SONGS
00.30 STATION CLOSE

MCLEOD'S DAUGHTERS

OLGETA TRINDE - 7.30PM




Rimembrens De



San i kukim ol...Tasol ol i sanap yet long tingim bek ol man PNG husat i bin dai long woa.



Taim bilong mas...Em i samting we planti manmeri insait long kantri i save laikim tru long lukim.




Givim luksave... Ol soldia i mas na tanim het long givim luksave long memoriel o piksa i makim bikpela hat wok ol manmeri i pait long on long Wol Woa 2.

YUMI FM NATIONAL WEEKLY HITPARADE Sarere Epril 30, 2005

Table with 6 columns: Singing, Musik Atis, Dispela Wik, Emsi, DadiiGil, and a numerical rank. It lists various songs and artists such as 'Mi Nao' by Sharzy, 'Lalatora' by Sebeats of Sepoe, etc.

CATHOLIC RADIO 103.5 FM

- 6.00 - ANGELLUS
6.05 - MEDITATION/INSPIRATIONAL MUSIC
7.00 - VATICAN RADIO WORLD NEWS
7.15 - VATICAN ENGLISH PROGRAM
7.35 - NON-STOP GOSPEL MUSIC
8.00 - JOURNEY HOME (EWTN)
9.00 - VATICAN RADIO WORLD NEWS
9.15 - VATICAN ENGLISH PROGRAM
9.40 - KIDS SING-ALONG
10.00 - CATHOLIC JUKEBOX
10.30 - GOSPEL MUSIC
11.00 - NON-STOP GOSPEL MUSIC
12.00 - ANGELLUS
12.05 - VATICAN WORLD NEWS
12.20 - VATICAN ENGLISH PROGRAM
12.40 - REFLECTION MUSIC
1.00 - LAMB'S SUPPER WITH DR. SCHOTT HAHN
2.00 - MUSIC
3.00 - CHAPLET OF DIVINE MERCY
3.20 - NON-STOP GOSPEL MUSIC
4.00 - CATHOLIC JUKEBOX (ENCORE)
4.30 - NON-STOP GOSPEL MUSIC
5.00 - JOURNEY HOME
6.00 - ANGELLUS
6.05 - MADANG LOCAL NEWS
6.10 - VATICAN ENGLISH PROGRAM
6.30 - LAMB'S SUPPER WITH DR. SCHOTT HAHN
7.00 - HOLY ROSARY
7.30 - CATHOLIC INSIGHT
8.00 - VATICAN WORLD NEWS
8.15 - MADANG LOCAL NEWS
8.30 - VATICAN ENGLISH PROGRAM
9.00 - TOK STREET LONG HVAIDS
10.30 - VATICAN ENGLISH PROGRAM



Lotto Limited i amamas long kamapim

4 moa isi wei long winim dispela jackpot we i go ova pinis long K170, 000.



INTERNET: lottopng@datec.com.pg	TELEPHONE: 325 1808 / 1801801
FACSIMILE: 325 7007	MAIL P.O. Box 1544, POM

Sapos i nogat Lotto Terminal insait long eria bilong yu...

Noken wari. Nau wantaim Dispela isi Lotto long kisim, yu ken gat sans long winim dispela Jackpot!

1. Sekim na makim namba long wanwan gem yu laik pilai na pulapim dispela gem kad. Bihain tikim wanpela bilong ol boks long ol wanem kain gem yu laik pilai.
2. Filim apim gem kad na salim stret hamas mani orda yu peim i kam long Lotto LTD o putim long BSP Akaut # 1000585894
3. Taim ol Lotto LTD i kisim namba bilong yu bai ol i putim i go long dro. Bai ol i salim bet risit bilong yu i kam bek long

fax, leta boks o wanem kain wei yu laikim. Bai Lotto i no inap kisim potokopi ansa.

"KWIK POT"

- Larim kompiuta makim namba bilong yu

"SISTEMS"

- Makim moa namba long gat planti moa sans long win!
- Long sistem 5, ol i makim pinis wanpela bilong ol droa namba bilong yu

"EDVENS DROA"

- Makim sem namba long 2, 5, 10 o 20 konseketiuv droa. Kos bilong em bai i kamap long hamas pei bilong single droa yu peim taim dispela namba bilong konseketiuv droa long wanem gem kad yu makim.

Winim Traipela!	GAME 1	GAME 2	GAME 3	GAME 4	GAME 5	GAME 6	GAME 7	GAME 8
(1) (2) (3) (4) (5) (6) (7) (8) (9) (10) (11) (12) (13) (14) (15) (16) (17) (18) (19) (20) (21) (22) (23) (24) (25) (26) (27) (28) (29) (30) (31) (32) (33) (34) (35) (36) (37) (38) (39) (40) (41) (42) (43) (44) (45) (46) (47) (48) (49) (50)								

TYPE OF GAME YOU WISH TO PLAY	STANDARD GAME (MARK 6 NUMBERS)	SYSTEM FIVE (MARK 5 NUMBERS)	SYSTEM SEVEN (MARK 7 NUMBERS)	SYSTEM EIGHT (MARK 8 NUMBERS)	SYSTEM NINE (MARK 9 NUMBERS)	SYSTEM TEN (MARK 10 NUMBERS)	SYSTEM ELEVEN (MARK 11 NUMBERS)	SYSTEM TWELVE (MARK 12 NUMBERS)
ONE GAME	<input type="checkbox"/> \$20.00	<input type="checkbox"/> \$20.00	<input type="checkbox"/> \$3.50	<input type="checkbox"/> \$14.00	<input type="checkbox"/> \$42.00	<input type="checkbox"/> 105.00	<input type="checkbox"/> \$231.00	<input type="checkbox"/> \$462.00
TWO GAMES	<input type="checkbox"/> \$40.00	<input type="checkbox"/> \$40.00	<input type="checkbox"/> \$7.00	<input type="checkbox"/> \$28.00	<input type="checkbox"/> \$84.00	<input type="checkbox"/> \$210.00	<input type="checkbox"/> \$462.00	<input type="checkbox"/> \$924.00
THREE GAMES	<input type="checkbox"/> \$60.00	<input type="checkbox"/> \$60.00	<input type="checkbox"/> \$10.50	<input type="checkbox"/> \$42.00	<input type="checkbox"/> \$126.00	<input type="checkbox"/> \$315.00	<input type="checkbox"/> \$693.00	<input type="checkbox"/> \$1386.00
FOUR GAMES	<input type="checkbox"/> \$2.00	<input type="checkbox"/> \$80.00	<input type="checkbox"/> \$14.00	<input type="checkbox"/> \$56.00	<input type="checkbox"/> \$168.00	<input type="checkbox"/> \$420.00	<input type="checkbox"/> \$924.00	<input type="checkbox"/> \$1848.00
FIVE GAMES	<input type="checkbox"/> \$3.00	<input type="checkbox"/> \$100.00	<input type="checkbox"/> \$17.50	<input type="checkbox"/> \$70.00	<input type="checkbox"/> \$210.00	<input type="checkbox"/> \$525.00	<input type="checkbox"/> \$1155.00	<input type="checkbox"/> \$2310.00
SIX GAMES	<input type="checkbox"/> \$3.00	<input type="checkbox"/> \$120.00	<input type="checkbox"/> \$21.00	<input type="checkbox"/> \$84.00	<input type="checkbox"/> \$252.00	<input type="checkbox"/> \$630.00	<input type="checkbox"/> \$1386.00	<input type="checkbox"/> \$2772.00
SEVEN GAMES	<input type="checkbox"/> \$4.00	<input type="checkbox"/> \$140.00	<input type="checkbox"/> \$24.50	<input type="checkbox"/> \$98.00	<input type="checkbox"/> \$294.00	<input type="checkbox"/> \$735.00	<input type="checkbox"/> \$1617.00	<input type="checkbox"/> \$3234.00
EIGHT GAMES	<input type="checkbox"/> \$4.00	<input type="checkbox"/> \$160.00	<input type="checkbox"/> \$28.00	<input type="checkbox"/> \$112.00	<input type="checkbox"/> \$336.00	<input type="checkbox"/> \$840.00	<input type="checkbox"/> \$1848.00	<input type="checkbox"/> \$3696.00

Mi putim moni/ Nau mi putim moni oda K _____ BSP

Benk long _____ (det) pei i go long The Lotto Limited

Nem: _____ Signature: _____

Etres: _____ Del: _____

Tel No.: _____

Fax No.: _____

Lukaut long bihain talm

Wok sanguma kamap we



STORI TUMBUNA

BIPO, bipo tru planti man tru i stap na i nogat man i save long rop bilong kilim man indai. Of man save indai long taim bilong ol yet. Olsem na ples i pulap long ol manmeri. Tasol klostu long ples, wanpela rabisman i stap em palai tasol. Palai i save stap long bikpela diwai, klostu long wara ol meri i save putumapim wara long en. Na tu i gat wanpela ples hait bilong em yet antap long diwai. Dispela diwai i gat rop, i go antap long en na dispela rop i bin mekim bikpela hip na i gat pikinini. Pikinini bilong rop i olsem raupela sospen na long dispela palai i save slip olgeta taim. Taim ol meri i laik pulapim wara long dispela ples we palai i stap long en, palai i isi tasol i kamdaun na kilim ol wan wan. Taim ol dis-

pela meri i go long ples ol i save indai. Long dispela ples ol i save putim ol long matmat antap long graun tasol. Tasol of man bilong ples i no klia long dispela indai bilong ol meri i kamap olsem wanem? Na tu ol i no save palai i stap klostu long wara na i save kilim ol meri. Nogat tru. Olgeta man i longlong long dispela samting i stap. Wanpela taim, wanpela yangpela boi i ske- lim tingting bilong em, na i tok, "Olgeta taim mi save lukim ol meri save go pulapim wara long dispela hap." Orait, long wanpela de wanpela meri i go daun long wara na dispela yangpela boi i hait tasol na bihainim dispela meri. Taim meri ya i laik pulapim wara i stap, wantu palai i rai, i kam daun long diwai na sangumaim dispela meri. Yangpela boi i lukim

palai pinis na wantu i ran i go long ples na tokim ol man: "Mi lukim pinis wanpela samting i save kilim yumi em palai. Man, palai i no manki em i bikpela na i gat tupela het na tang." Ol man bilong ples i harim tok pinis, orait ol i redim spia, banara, na ol kain kain samting bilong kilim indai dispela palai. Wanpela de ol i tokim wanpela lapun meri. "Yu go daun long wara na bai mipela i bihainim yu." Dispela lapun meri i kisim ol mambu bilong em na i go daun long pulapim wara. Ol man bilong kilim indai palai ol i redi pinis. Taim palai i lukim meri i ran tasol i kam na holimpas em na i laik kilim lapun meri. Tasol ol man i banisim dispela man bilong sanguma na ol i sutim em wantaim spia. Taim ol i laik kilim dispela palai olgeta, em i tokim ol: "Ah! Yupela

wet i no ken kilim mi kwik. Mi gat naispela na gutpela samting bilong tokim yupela."

Orait ol i wet nau palai i autim kain kain samting bilong sanguma, posin malira long ol bikman bilong ples. Em nupela samting tru na ol i amamas tru long kisim dispela samting o tok hait bilong palai. Bihain long palai i autim olgeta stori bilong sanguma, ol i kilim em indai olgeta. Olsem as bilong ol sanguma, posin na kain kain malira nogut, em palai yet i kamapim.

Olsem long olgeta hap bilong graun i gat kain kain samting nogut bilong bagarapim man. Na tu long Papua Niugini as tru bilong sanguma, posin na ol arapela samting nogut bilong bagarapim pipel.

Mi painim hat long toktok long papamama long wari bilong mi

Dia Laipain,

BOIPREN bilong mi em bilong narapela provins tasol mitupela i pren na mipela i gat bikpela laik long wanpela narapela. Em i save mekim gut long mi.

Mi no tokim yet ol papamama bilong mi olsem mi wok long prenim dispela man tasol ol papamama bilong ol arapela man i tokim ol lain bilong mi olsem ol i laikim mi long maritim pikinini bilong ol. Dispela yangpela man i wantok bilong mi na mipela i kam long wanpela ples.

Taim ol papamama bilong mi i tokim mi dispela samting, mi tok nogat long ol bikos mi no laik maritim man we mi nogat laik long en. Tasol papamama bilong mi i no amamas na ol i kros long mi.

Mi tingting long tokim papamama bilong mi long boipren na mipela i gat plen long marit, tasol mi nogat strong long toktok long ol long dispela samting. Mi laik raitim pas long toksave long ol, tasol mi pret na mi sem.

Bai mi wokim wanem long sanap strong na toktok long ol?

FRIGHTENED DAUGHTER

Dia Pren,

Mipela i luksave watpo yu painim hat long tokim papamama bilong yu long boipren yu gat long en long wanem yu no laikim dispela man ol i tok orait pinis long em.

Planti yangpela pipel long Papua Niugini i wok long bungim wankain hevi taim ol i wok long lusim ol liklik

ples na provins bilong ol na ol i bungim ol lain long narapela hap. Na dispela i nupela samting i abrusim ol tumbuna pasin bilong bipo yet taim ol i go aut na painim ol patna yet bilong ol.

Yu mas save olsem bai yu mas tokim ol papamama bilong yu yet long dispela samting. Tru em bai hat long ol long luksave long dispela samting yu wokim tasol ol bai em i nogut olgeta sapos yu haitim dispela samting na ol i harim stori long narapela hap.

Olsem papamama ol i laikim yu na ol i wari long yu na ol bai laik givim yu ol stiatok bikos ol i laikim yu long gat gutpela bihain taim. Em bai gutpela tu sapos yu save long trupela tingting bilong boipren bilong yu long laik bilong em long yu. Em bai maritim yu o em i laik bai yutupela i pren tasol? Em bai laik kam long ples na bungim ol papamama na famili bilong yu o em i les.

Tingim tu ol papamama na famili bilong em - ol bai amamas long kisim yu olsem tambu bilong ol? Em bai gutpela moa sapos yutupela i kisim i kam insait ol famili bilong yupela bikos sapot long marit bilong yupela em bikpela samting. Sapos long kastom bilong yu, man i save baim meri, ol lain bilong man bai wanbel long wokim dispela?

Las toktok em i moabeta yu serim ol hevi wantaim anti o hauslain we i bikpela long yu na ol i ken kisim ol toktok i go long papamama bilong yu.

MAKE A WISH




K40,000 LONG PRAIS BILONG WINIM

Long enta yu mas salim 3 pela peket.
Wanwan long ol dispela prodak.
**Mamamia Noodles, Gold Nugget Twists
na Hi-Way Biskets**

Mamamia Noodles

Gold Nugget Twists

Hi-Way Biskets



3 pela peket, wanwan long ol

+1

+1

+1

= 3

OL PRAIS BILONG WINIM

- | | |
|--|------------------------------------|
| 1. YAMAHA GENERATOR - ELA MOTORS | 6. BBQ SET - BRIAN BELL |
| 2. HOME APPLIANCES - BRIAN BELL | 7. WEEKEND PACKAGE TO ALOTAU |
| 3. MUSICAL PACKAGE - KEYNOTE MUSIC HOUSE | 8. GARDEN KIT - BRIAN BELL |
| 4. DIGITAL PACKAGE - DATA NETS | 9. HOME ENTERTAINMENT SYSTEM - CHM |
| 5. K2,000.00 WORTH OF SHARES - KINA SECURITIES | 10. SOLAR POWER EQUIPMENT - ESCO |



Laikim Penpren

Nem: Gabriel Yameko
Krismas: 17 (man)
Adres: Asaroka Lutheran High School, PO Box 570, Goroka, Eastern Highlands Province
Save laikim: Pilai soka, ragbi, go huk long wara, tok pilai wantaim ol pren na raitim pas.

Nem: Wanpis Sondowe
Krismas: 29 (man)
Adres: Deti Wara Apostolic Church, PO Box 1383, Mt Hagen, Western Highlands Province
Save laikim: Go lotu, wok gaden, helpim papamama na autim tok bilong God.

Nem: Christa Kaus
Krismas: 17 (meri)
Adres: C/- Fidelia Waram, PO Box 839, Wewak, East Sepik Province
Save laikim: Go lotu, mekim pren, tok pilai, danis, harim musik, lainim tok ples, raun lukim narapela ples na pilai soka.

Nem: Kura Kambue
Krismas: 19 (man)
Adres: Lae Technical College, PO Box 4366, Lae, Morobe Province
Save laikim: Mekim penpren, go lotu, harim lotu musik, ritim Baibel na senisim poto i go i kam.

Nem: Diana Kutz
Krismas: 19 (meri)
Adres: Tinuputz District Office, PO Box 343, Bougainville, North Solomons Province
Save laikim: Pilai volibol, harim kainkain musik, go long lotu, mekim penpren na save long narapela provins.

Nem: Alfred Jade Jakom
Krismas: 18 (man)
Adres: Paup Congregation, PO Box 173, Aitape, Sandaun Province
Save laikim: Mekim penpren, harim musik, pilai spot olsem soka, volibol na ragbi tas.

Nem: Wesley Ekopa
Krismas: 29 (man)
Adres: C/- Lakis David, PO Box 1471, Goroka, Eastern Highlands Province
Save laikim: Mi gat bikpela laik long rait long meri bilong Manam o Karkar long Madang. Plis rait i kam.

Nem: Jeremy Napmuku
Krismas: 17 (man)
Adres: Dum Primary School, PO Box 58, Ambunti, East Sepik Province
Save laikim: Harim PNG musik, pilai volibol, mekim pren, waswas long Wara Sepik na kaikai pis.

Nem: Eunice K Asare
Krismas: 20 (meri)
Adres: C/- Robert Asare, Asuasi School of Technology, Postal Box 162, Cape Coast, Ghana, West Africa

Nem: Mex Hole
Krismas: 17 (man)
Adres: Margarima Provincial High School, PO Box 33, Mendi, Southern Highlands Province
Save laikim: Pilai spot, go long skul, raitim pas na tok pilai.



Bisnis bilong Groim Diwai insait long PNG - Planim diwai long ol renfores eria

Wok bilong yusim graun i gat diwai long en

(Wantok Niuspepa i ronim gen dispela Diwai Bisnis bikos ol man i askim long en.)

Narapela rot bilong yusim - Ol arapela wei bilong yusim graun

Ol tok stori i go pinis em mipela i lukluk long wok bilong yusim ol graun i gat diwai long en na lukautim diwai i mas stap yet. Tasol long planti kantri we i gat ol renfores, ol i wok long rausim ol renfores long yusim graun bilong wok agrikalsa na maining.

Dispela kain wok nau i kamap bikpela samting tru insait long ol tropikel kantri long wol.

Namba bilong ol arapela rot bilong yusim graun we i gat renfores long en i bikpela tru na i narakain long wan wan ples. Ol i save mekim dispela bilong sanapim haus, pulim rot, ol pawa lain, ol ples bilong mekim wok maining na ol wankain samting. Tasol bikpela resis tru bilong graun we i gat renfores long en i kam long agrikalsa.

Ol wok agrikalsa we i save kamap long graun we i gat renfores long en i no wankain olgeta taim. Bipo tru ol i save yusim sifting kaltivesen o pasin bilong senisim graun bilong gaden i go kam we ol manmeri i save sanapim ol haus bilong stap sotpela taim tasol. Ol i save katim diwai, kukim na planim gaden kaikai long wanpela hap inap long wanpla o tupela yia tasol inap olgeta gris insait long graun i pinis. Bihain ol i surik i go long wanpela nupela eria na mekim wankain samting na lusim hap ol i lusim bai graun i ken kamapim nupela renfores o diwai. Dispela nau bai i ken givim bek gris bilong graun.

Wankain olsem sifting kaltivesen em bus falo sistem bilong agrikalsa. Long dispela kain

wok agrikalsa, ol pipel i save sindaun na yusim ol nupela refores long givim bek gris long graun. Maski ol dispela kain setelmen bilong ol manmeri i liklik tasol, na taim bilong 'falo' em i longpela, i gat sans yet long strongim graun. Tasol sapos namba bilong ol manmeri long wanpela hap i gro, taim bilong 'falo' i go daun, graun i save lusim gris bilong em, na i save kamapim ol liklik eria we i gat gutpela graun. (olsem ol ples tais klostu long wara).

Long wok agrikalsa, ol dispela kain wok long graun i nogat strong long en bilong wanem graun i save sindaun nating inap longpela taim.

Mekim wok agrikalsa long longpela taim i mas bihainim sampela rot, olsem makim wok faming long hap graun we i gat planti gris, na graun we i save gat bikpela ren na we ren i ken karim ol hap graun antap bilong givim moa gris long en. Narapela rot em bilong yusim pekpek bilong kakaruk o ol arapela marasin bilong graun bilong groim gaden samting (olsem pinat) we i save givim bek gris long graun. (wankain olsem ol suga fam long Queensland, Australia na Ramu Sugar).

Ol gaden samting we i save givim gris long graun em ol dispela we i save makim ol netserel renfores we i gat planti diwai. Wanpela samting we i save stap long wok agrikalsa insait long ol tropikel kantri em bikpela namba bilong ol diwai krop olsem raba, kakao na wel pam. Long groim gut, ol dispela kain diwai inap long kamap gutpela sapos yu yusim marasin bilong graun long en. Tasol ol i no wankain olsem ol arapela gaden kaikai bilong wanem ol i ken gro na karim kaikai insait long renfores, maski graun i nogat inap gris long en. Olsem mipela i tok klia bipo, ol dispela kain krop em ol renfores plaua na ol i gat bikpela wok insait long ikonomi bilong planti kantri we i gat ol renfores.

MCCLINTY & ASSOCIATES (FORESTRY) PTY. LTD.

National & International Forest Consultants

mccal@datec.net.pg

"Long kisim tok stia long olgeta wok diwai"



PNG Kala...Long Epril 8 i go long 10, ol wok manmeri bilong Kokoda Trekking Adventure Tours na Papua New Guinea Business Directory i bin stap long Sunday Mail Escape Expo long Brisbane, Australia, long promotim PNG. Ol i bin guria long harim olsem ol i winim awod olsem nambawan liklik haus we i long dispela travel so, o so we i toksave long na promotim ol hap we ol manmeri i ken i go raun long en. Long poto, wanpela meri PNG (namel) husat i bin go raun long dispela so i bungim tupela wok manmeri husat i lukautim dispela liklik haus. Chris Suma (Iephan) na Alison Anis (rait). Poto: PNGBD.COM

Kampani strongim gut komyuniti

PLES Pari long Nesenel Kapitel Distrik (NCD) i redi long lukim bikpela senis long komyuniti bilong en bihain long Bod bilong PNG Sustainable Development Program Limited (PNG Sustainabol Developmen Progreim Limitet, PNGSDP) i bin tok orait long givim mani long ol komyuniti projek long go het long hap.

Dispela helpim mani i kam aninit long Komyuniti Sastenabol Developmen Progreim bilong kampani we ol i save wok bung wantaim ol komyuniti long sapotim ol komyuniti level projek. Ol komyuniti bes ogenaiesen i save bosim ol dispela projek.

Helpim bilong kampani i go long Pari i bilong stretim ol tripela elementeri skul bilding na mekim kamap wanpela malt-pepes trening senta o wanpela bilding we skul i ken yusim long kain kain wok; mekim bilding bilong risos senta bilong ol meri bikpela moa na putim ol samting ol i nidim insait; na stretim na mekim klinik na hap we ol sista i save slip bikpela moa. Ol dispela projek bai helpim moa long 4,000 manmeri husat i save stap long Pari na ol setelmen klostu.

Sief Eksekutiv Opisa bilong PNGSDP, Robert Igara, na ol mausman bilong Pari Viles Yunaitet Sios i bin sainim dispela agrimen o wanbel long pepa long Ples Pari long wok bung wantaim na givim ol risos ol i gat i go long ol dispela projek.

PNGSDP bai givim helpim mani long lukautim matiriel sait o ol samting olsem kapa, palang, na komyuniti bilong Pari bai givim graun, leba o ol wok manmeri, trenspot na ol tuls.

Mani mak bilong helpim bilong kampani em K240,000 na mani mak bilong helpim bilong

komyuniti bilong Pari em K150,000. Dispela ol mani mak em bilong konstraksen stes tasol.

Bikpela helpim we komyuniti i ken givim we i winim olgeta narapela helpim, em long lukautim ol dispela fasiliti (skul, senta, haus sik), na sapotim ol ogenaiesen na manmeri husat i wok insait long komyuniti long ol progreim bilong helt, edukesen na ol meri. Dispela sapot i mas kamap olgeta taim na stap longtaim, Mista Igara i tok.

Em i tok olsem long wankain taim ol yangpela manmeri husat i kisim helpim long ol dispela fasiliti i mas, olsem long soim amamas na tok tenkyu bilong ol, sapotim ol dispela fasiliti taim ol i bikpela bai ol pikinini na famili bilong ol i ken kisim helpim long bihain taim tu.

Dispela em i as tingting bilong sustenabol developmen, Mista Igara i tok.


Kampani i luksave olsem wok bung wantaim Pari Viles Yunaitet Sios em i bikpela samting bikos ol projek bai senisim gut laip bilong ol manmeri kwiktait, na givim ol sans long ol meri na yangpela manmeri.

Dispela ol projek bai helpim literesi o save long rit na rait, strongim gutpela pasin insait long ol wan wan manmeri, strongim ol meri wantaim ol nupela save na we bilong mekim samting, na kamapim gut moa ol helt sevis.

Mista Igara i tok tenkyu long Kaunsel bilong ol Sief bilong Pari, Komiti bilong Sios, na lokel memba bilong Nesenel Palamen, Dame Carol Kidu, long askim kampani long wok bung wantaim ol long dispela komyuniti wok na long larim ol helpim tu.

Cat D3G, D4G, D5G, Track-Type Tractors

Rugged construction, outstanding reliability - everything you expect from Caterpillar and more!



Outmanoeuvre every job you tackle.

A single lever joystick controls speed, direction and steering on Cat "G" Series III Hystat Track-Type Tractors. Full powerturn capability is made possible by maintaining power to both tracks at any ground speed or turning radius.

- **Power Train** - Offering powerful six-cylinder Cat® 3046 engine that provides the power you expect from Cat tractors, and the productivity you need to increase your profitability.
- **Undercarriages** - Undercarriages are rugged with strong, durable components for long wear life and lower costs.
- **Operator Stations** - Excellent visibility down to the cutting edge, ergonomically designed controls and fully adjustable armrests for optimum comfort and productivity.

Hastings Deering



PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155

RABAUL
Phone: 982 1244
Fax: 982 1129



Radio Australia Tok Pisin News

Radio Australia
101.9FM Port Moresby

Tok Pisin Service
6am - 7am : 6080, 7240 (KH2)
7pm - 8pm : 5985, 6020, 8710, 1280 (KH2)

RADIO TOK PISIN PROGRAM TUNE IN: 101.9 FM

Radio Australia Tok Pisin Program - stat long mun
Mas 2005

MANDE Moring
6AM Stesen Op - Nius na Karen Afeas
6.30AM Oi Heltain - Musik na Chat
6.55AM Heltain na Musik
7AM Stesen Pas
Nait
7PM Stesen Op
7.01PM Oi Heltain na Program Priviu
7.15PM Musik na Chit-Chat
7.30PM Nius na Karen Afeas
8PM Helt
8.15PM Musik
8.30PM NIUS
8.40PM Spots Riplei
8.55PM Musik
9PM Stesen Pas

TUNDE Moring
6AM Stesen Op - Nius na Karen Afeas
6.30AM Nius Heltain - Musik na Chat
6.55AM Heltain na Musik
7AM Stesen Pas
Nait
7PM Stesen Op
7.01PM Oi Heltain na Program Priviu
7.15PM Musik na Chit-Chat
7.30PM Nius na Karen Afeas
8PM Mama Graun
8.15PM Musik/Spots
8.30PM NIUS
8.40PM Helt Riplei
8.55PM Musik
9PM Stesen Pas

TRINDE Moring
6AM Stesen Op - Nius na Karen Afeas
6.30AM Oi Heltain - Musik na Chat
6.55AM Heltain na Musik
7AM Stesen Pas
Nait
7PM Stesen Op
7.01PM Oi Heltain na Program Priviu
7.15PM Musik na Chit-Chat
7.30PM Nius na Karen Afeas
8PM Focus
8.15PM Musik/Spots
8.30PM NIUS
8.40PM Mama Graun Riplei
8.55PM Musik
9PM Stesen Pas

FONDE Moring
6AM Stesen Op - Nius na Karen Afeas
6.30AM Oi Heltain - Musik na Chat
6.55AM Heltain na Musik
7AM Stesen Pas
Nait
7PM Stesen Op
7.01PM Oi Heltain na Program Priviu
7.15PM Musik na Chit-Chat
7.30PM Nius na Karen Afeas
8PM Youth
8.15PM Musik/Spots
8.30PM NIUS
8.40PM Focus Riplei
8.55PM Musik
9PM Stesen Pas

FRAIDE Moring
6AM Stesen Op - Nius na Karen Afeas
6.30AM Oi Heltain - Musik na Chat
6.55AM Heltain na Musik
7AM Stesen Pas
Nait
7PM Stesen Op
7.01PM Oi Heltain na Program Priviu
7.15PM Musik na Chit-Chat
7.30PM Nius na Karen Afeas
8PM Wantok
8.15PM Musik
8.30PM NIUS
8.40PM Youth Riplei
8.55PM Musik
9PM Stesen Pas

SARERE Moring
Sotwev i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na lusim FM siknel.
Nait
7PM Stesen Op
7.01PM Oi Heltain na Program Priviu
7.15PM Musik na Chit-Chat
7.30PM Nius / Wantok Riplei
8PM Serah (Famili bilong Serah)
8.15PM Musik
8.30PM NIUS
8.40PM Musik na Chit-Chat
8.55PM Musik
9PM Stesen Pas

SANDE Moring
Sotwev i pas long san na long nait i save kamap 2 minit pastaim long wanwan aua. Bihain i gat musik na promo i go inap long olgeta aua na lusim FM siknel.
Nait
7PM Stesen Op
7.01PM Oi Heltain na Program Priviu
7.15PM Musik na Chit-Chat
7.30PM Nius / Serah Riplei
8PM Riviu
8.30PM NIUS
8.40PM Musik na Chit-Chat
8.55PM Musik
9PM Stesen Pas

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK

PASIFIK BEAT

Oi Vanuatu sief i rausim kes mani long baim meri

NESENEL Kaunsol bilong ol Sief long Vanuatu i brukim lewa bilong ol yangpela man long Melanesia taim ol i putim bikpela tambu long yusim kes mani long baim ol meri.

Dispela i kamap long taim we pasin tumbuna bilong Melanesia we famili bilong man i save baim famili bilong meri long askim long maritim em.

Dispela kain pasin bilong baim meri i wok long go bagarap nau insait long Pasifik.

Long Papua Niugini, sampela prais bilong ol meri nabaut long Pot Mosbi i save go inap long sampela tausen dola na i save gat ol kar tu.

Man i askim: Sean Dorney

Man i bekim: Selwyn Garu, Jenerel Seketeri bilong Vanuatu Kaunsol bilong ol Sief

DORNEY: Mista Garu i tok olsem kesmani i wok long bagarapim kastom o pasin tumbuna bilong Melanesia long baim meri, na ol sief bilong Vanuatu i putim tambu long yusim kesmani long dispela wok bilong baim meri.

GARU: Long PNG taim yu wok wantaim Kina, sampela taim em i save kranki liklik.

Em i save go antap tumas. Em bikos ol i baim meri long Kina. Em i wankain nau long Vanuatu.

Sampela taim ol manmeri i save makim prais bilong meri long Vatu, yu save, em i save go bikpela tru na em i save hat tru long ol man long peim dispela mani bilong baim meri.

Maski ol Kaunsol bilong ol Sief i makim 80,000 Vatu olsem mak bilong baim meri, i bin i gat wanpela i no long taim i go pinis we wanpela man i kam tokim Nesenel Kaunsol bilong ol Sief olsem mak i bin abrusim pinis 500,000 Vatu na i wok long go painim 1 milien Vatu. Dispela em i antap tumas.

DORNEY: Dispela mak bilong 80,000 Vatu i nogat nau. Nau olgeta wok baim meri i mas yusim mani bilong ol tumbuna.

GARU: Wanpela long ol bikpela wok bilong Nesenel Kaunsol bilong ol Sief em olsem ol wasman bilong kalsa, na lukautim ol pasin kastom. Wanpela rot bilong mekim dispela em long yusim ol tumbuna pasin bilong yusim mani bilong tumbuna na i no Vatu.

Olsem na ol i kamapim dispela polisi we olgeta wok kastom olsem marit, dai, kilim pik na ol arapela wok em ol i

mas yusim ol tumbuna mani na i no Vatu.

Long dispela rot em bai helpim long lukautim ol tumbuna mani.

DORNEY: Mista Garu i tok dispela lo nau bai salim pawa i go bek long ol rurel eria.

GARU: Long pasin tumbuna, mani em ol samting olsem ol mat, pik, sel mani na ol arapela samting i gat pawa. Mipela i save mekim ol dispela samting.

Ol manmeri long ples yet i save mekim. Olsem na ol i ken makim hamas ol i ken i gat.

Wantaim Vatu, em i no stap long han bilong ol. Ol i no mekim dispela Vatu.

Ol i no wok hat long kisim Vatu na sapos i nogat wok bilong kisim Vatu, em nau em i kamap hevi.

Wantaim ol mani bilong tumbuna, dispela pawa i stap long mekim yu yet. Yu ken lukautim planti pik, yu ken samapim planti mat na yu ken mekim planti sel mani.

Em bai stap wantaim yu yet long makim hamas yu ken holim na mipela i mas go bek long lus tingting long Vatu.

Yu ken kisim samting long laik bilong yu taim yu holim tumbuna mani bikos mipela i holim prodaksen na mipela i ken mekim long mak bilong mipela.

Mipela i bilip olsem em bai stretim bek sindaun bilong ol manmeri bai olgeta manmeri yet i ken i gat inap kaikai na olgeta arapela samting.

DORNEY: Nesenel Kaunsol bilong ol Sief i bilip olsem dispela bai lukim moa mani i kamaut long ol taun na siti na i go bek insait long ol ples.

GARU: Ol pipel i stap long tupela bikpela taun Vila na Santo i mas baim ol tumbuna mani long ol pipel i stap long ol ples sapos ol i laik mekim wok marit o wok bilong dai long Vila na Santo.

Long dispela rot tasol bai em i helpim long skelim Vatu i go bek long ol ples na ol ailan. Em nau ol manmeri long ol ples i ken yusim long baim skul fi na ol arapela samting.

DORNEY: Selwyn, taim yupela paitim toktok long dispela long Kaunsol bilong ol Sief, i bin i gat ol sief i no wanbel?

GARU: I nogat wanpela man i no wanbel. Olgeta, 22 memba yet i wanbel tasol. Em i opim rot bilong helpim ol yangpela pipel bilong wanem taim Vatu i go aut na i gat tumbuna mani tasol, bai i gat bikpela sans bilong ol bisnis long yusim kastom mani. Na tru tumas, ol Sief i amamas long dispela lo.

PASIFIK NA WOL NIUS

PM i tok ol pasin bilong sindaun long graun bilong arapela i kamap bikpela hevi

PRAIM Minista bilong Fiji, Lasenia Qarase i tok, ol pipel i go sidaun nating long ol hap graun raun long ol bikpela siti em i wanpela bikpela hetpen samting kantri bilong en i wok long bungim nau.

Mista Qarase i tok ol pipel bilong ol rural eria i muv i go na sidaun long ol bikpela siti olsem Suva na Nausori i wok long kamap wanpela bikpela hevi tru.

Em i kamapim tingting olsem - gutpela we bilong daunim dispela hevi em gavman i mas kisim planti moa graun em i ken tilim namel long ol famili i sidaun insait long ol setelmen.

Wanpela wokpainim nau tasol i soim olsem - samting olsem 10 pesen bilong Fiji manmeri, or moa long 83,000 pipel i wok long sidaun insait long 183 skwota setelmen roun long kantri.

Pipel long Christmas Island tok ailan bai kamap olsem Guantanamo Bay

OL PIPEL long Christmas Ailan long Australia i tok ol i pret dispela Indian Ocean teritori bai nap kamap olsem "Guantanamo Bay" stail kalabus ailan, sapos Federal Gavman i go het wantaim senis bilong imigresen polisi em ol bin ripot long en. Christmas Island Shire Presiden Gordon Thomson i tok, ol i bin tokim em olsem, gavman i laik putim ol refuji husat i i kam long ol bot i go long nupela Ditensen Senta antap long ailan, na dispela i em askim sapos ol i go kamap long maigresen son bilong Australia or nogat.

Nau yet, ol refuji husat i go kamap long eria bihain long 2001 Tampa Refugees problem i go kamap long ailan. Tasol Mista Thomson i tok, Immigration Detention Advisory Group i tokim em long mun February olsem olgeta pipel i kam long bot bai i go stap long Christmas Island.

Want a place in the global village?

In the Loop

Hosted by Isabelle Genoux & Heather Jarvis

Fresh sounds, phat beats

Inspiring, informing & plugged in

Open up YOUR mind

New moves, new grooves

Sharing views and creating smiles

Radio Australia
101.9FM
Port Moresby
Daily 11.30am
radioaustralia.net.au/intheloop



• Brothers winga Leroy Muriki i kisim takol long Magani pilaia long Mosbi A gret ragbi lig. Magani i kam bihain na autim tiket bilong Brothers we ol i lukim namba wan lus bilong ol 24-20. *Poto: ANDREW MOLEN*



• Julie Hulama (10) bilong Chariots i no laik bai Louisa Wallace bilong Saints i kisim bal. Tasol Saints i strong tumas na winim pilai 45-14 long CBL kompetisen long Hohola Kot, Mosbi. *Poto: ANDREW MOLEN*



• Ol Airways Bears i amamas taim ol i difenim gut taitel long winim Gazelle 9-2 long Mosbi Sofbol meri A gret gren fainel long Sarere. Hia ol i holim memorila sil bilong Dame Rose Kekedo. *Poto: PAUL ZUVANI*



• Paul Vela bilong Scorions (12) i kalap na traim blokim bal bilong Ulamagi pilaia long NCD_volibol kompetisen long Taurama Lesa Senta, Mosbi. Dispela em i namba gem bilong propa sisen. *Poto: ANDREW MOLEN*



• Titus Yawat bilong Markham Wara i lukluk long pasim bal i go long poroman bilong em. Em i banisim gut bal long Benson Frank bilong Cellnet long noken kisim bal long Mosbi soka. *Poto: ANDREW MOLEN*



• Dianne Mathew bilong Rapatona i suvim stik long kisim bal long Kwapena Tapo bilong United long Mosbi hoki pilai long Sir John Guise Stadium. Dispela em i prisisen. *Poto: ANDREW MOLEN*

RAGBI LIG
POM Lig

Fraide 30/04/05
PRL 1
4:30 Waliya vs Kone Tigers R

Sarere 30/04/05
PRL 1
09:00 Dobo Warriors vs West R
10:30 Waliya vs Kone Tigers A
12:00 Dobo Warriors vs West A
1:30 Royals vs DCA A
3:00 Brothers vs Tarangau A

PRL 2
09:00 Brothers vs Tarangau U17
10:00 Royals vs DCA U17
11:00 Dobo Warriors vs West U17
12:00 Brothers vs Tarangau U19
1:00 Royals vs DCA U19

PRL 3
09:00 Waliya vs Kone Tigers U17
10:00 Dobo Warriors vs West U19
11:00 Waliya vs Kone Tigers U19
12:00 Royals vs DCA R
1:30 Brothers vs Tarangau R

Sande 01/04/05
PRL 1
09:00 Defence vs Paga U17
10:00 Defence vs Paga A
11:30 Puma vs Hawks A
1:00 SSRG K Gogea vs Kaugere Seagulls
2:00 Souths vs Magani A
3:30 SSAG Bomai Eagles vs Mix Warriors

PRL 2
9:30 Puma vs Hawks U17
10:30 Defence vs Paga U19
11:30 Souths vs Magani U19
12:30 Defence vs Paga R

PRI 3
9:30 Souths vs Magani U17
10:30 Puma vs Hawks U19
11:30 Souths vs Magani R
1:00 Puma vs Hawks R

SOKA
PMSA soka

Sarere 30/04/05
Bisini Wan
08:00 Mirel Momase vs Sunset PR
09:20 Jaha vs Souths Utd W1
10:30 Tarangau vs Verave D2
11:50 Blue Kumuls vs University U21
13:10 University vs PNG Gardener WP
14:10 Cellnet vs Los Negros D1
16:00 Blue Kumuls vs University P

Bisini Tu
08:00 PS Rutz vs Souths Utd PR
09:20 Kurti Andra vs LBC Defence U21

10:30 Naniu vs Badili Utd D1
11:50 Los Negros vs Mopi Soweto W1
13:10 PS Rutz vs Souths Utd U21
14:10 Telikom vs Lamana GFN WP
16:00 PS Rutz vs Souths Utd P

Sir John Guise Stadium - Oval 1
08:00 Maset vs KG Utd D3
09:20 Yawata vs Raitman D3
10:30 Guria vs POM Business Coll U21
11:50 Cosmos vs Rapatona PR
13:05 Kurti Andra vs LBC Defence PR
14:15 Badili Utd vs Bavaroko U21
15:30 Sobou vs Mopi Soweto D3
16:45 Bomana PC vs KB Utd D3

Sande 01/05/05
Bisini Wan
08:00 Mungkas vs Tawala W1
09:20 Mirel Momase vs Sunset U21
10:30 Manambu vs Mungkas D1
11:50 Guria vs Murat WP
13:10 Guria vs Bavaroko D1
14:10 PS Rutz vs WMI Momads WP
16:00 Kurti Andra vs LBC Defence P

Bisini Tu
08:00 Sunset vs Naniu W1
09:20 LBC Defence vs Sobou W1
10:30 Cosmos vs Rapatona U21
11:50 Cosmos vs Rapatona WP
13:10 Pacifica Utd vs Murat D1
14:10 Mirel Momase vs Sunset P
16:00 Cosmos vs Rapatona P

Sir John Guise Stadium - Oval 1
08:00 Femor vs PNG Gardener D2
09:20 Telikom vs Jaha D2
10:30 Orogen vs UBOG D2
11:50 Lus Prutz vs Tawala D2
13:05 Los Negros vs Markham Yarangs U21
14:15 Blue Kumuls vs LBC Defence PR
15:30 Nomads vs Raitman D3
16:45 Markham Yarangs vs Yawata D3

Namel long wik Mande 02/05 /05
Bisini Tu
16:30 Cellnet vs Manambu U21

Trinde 04th May, 2005
16:30 Sobou vs Mungkas U21

LAHI Soka Asosiesen
Prisisen fainol
Sarere 30/04/05
SIK Stadium - Mens Quarter Finals
09:00 TTC vs Unitech G1
10:30 Buko vs Sobou II G2
11:45 Sobou I vs Bismark G3
13:00 Bumayong vs Balob TC G4
Semi-fainol
14:15 G5 Winner G1 vs Winner G2
15:30 G6 Winner G3 vs Winner G4

TTC Oval 1 - Womens Quarter Finals
09:00 Rapatona vs Murat G7
10:30 Mungkas vs Namaemo G8
11:45 Sambure vs Balob TC G9
13:00 PNG Power vs Guria G10
Semi-fainol
14:15 G11 Winner G7 vs Winner G8
15:30 G12 Winner G9 vs Winner G10

Sande 01/05/05
SIK Stadium Men & Women - Grand Final
09:00 3rd/4th Women Looser G11 vs Looser G12
11:00 3rd/4th Men Looser G5 vs Looser G6
13:00 G/Final Women Winner G11 vs Winner G12
15:00 G/Final Men Winner G5 vs Winner G6
17:00 Presentation of Prizes & Launching of 2005 Soccer Season

ORO Viles Soka Asosiesen

Sarere 30/04/05
08:00 Warrors vs Hillside meri
08:40 Diwune vs Kubos M2
09:10 Tamata vs Sapex meri
09:45 Bokoro vs Ome M2
10:10 Ottas vs Last Block meri
10:45 Papas vs Simbos M2
11:10 Warriors vs Hillside M2
11:40 Diwune vs Kubos meri
12:10 Tamata vs Saipex M2
12:40 Bokoro vs Ome meri
1:10 Ottas vs L/Block M2
1:40 Papas vs Simbos meri
2:10 Warriors vs Hillside Man A
2:40 Diwune vs Kubos Man A
3:10 Tamata vs Saipex Man A
3:40 Bokoro vs Ome Man A
4:10 Ottas vs L/Block Man A
4:45 Papas vs Simbos Man A

Sande 01/05/05
08:00 Asum vs Beda meri
08:40 Kumusi vs Ehe Kombu M2
09:10 Mambus s Joro meri
09:45 Musa vs Zandas M2
10:10 Ameia vs Naiyes meri
10:45 Asum vs Beda M2
11:10 Kumusi vs Ehe Kombu meri
11:45 Mambus vs Joro M2
12:10 Musa vs Zandas meri
12:45 Ameia vs Naiyes M2
1:10 Asum vs Beda man A
1:45 Kumusi vs Ehe Kombu man A
2:10 Mambus vs Joros man A
2:45 Musa vs Zandas man A
3:10 Men A
Ameia vs Naiyes

Venue: Sir John Guise Indoor Stadium
Kot 1 (meri)
08:30 Yonkies vs Trans Hi Way WAR
09:30 Telikom vs 14 Mixers WAR
10:30 Arnotts vs Wet WAR
11:30 Dolphins vs Telikom WA
12:30 Badili Hides vs 14 Mixers WA
1:30 Arnotts vs Yonkies WA
2:30 Seeto Kui POM vs Trans Hi Way WA

Kot 2 (meri)
08:30 Badili Hides vs Freeway Hox WAR
09:30 Dolphins 1 vs Dolphins 2 WAR
10:30 Fire Fox vs Ti Doria WAR
11:30 Lagoons vs Freeway Hox WAR
12:30 Frenz vs Ti Doria WA
1:30 Fire Fox vs Esi Loan Neibas WA

Kot 3 (man)
08:30 Lagoons vs Esi Loan Neibas MAR
09:30 Moukele vs Telikom MAR
10:30 Wet vs Ti Doria MAR
11:30 Seeto Kui POM vs Yonkies MA
12:30 Lagoons vs Esi Loan Neibas MA
1:30 Moukele vs 14 Mixers MA
2:30 Wet vs Ti Doria MA

Kot 4 (man)
08:30 Frenz vs 14 Mixers MAR
09:30 Fire Fox vs Badili Hides MAR
10:30 Arnotts vs Kakidos MAR
11:30 Dolphins vs Freeway Hox MAR
12:30 Arnotts vs Kakidos MA
1:30 Dolphins vs Freeway Hox MA
2:30 Frenz vs Telikom MA

NCD Volibol Asosiesen
Season Proper - Wik 3
Venue: Taurama Leisure Centre

Sarere 30/04/05
Kot 1 (man)
08:30 Kijo-cs vs Scorpions D1
09:50 Gaba Crusaders vs Grass Hoppers P
11:10 U-Mi Yet vs Ulamagi P
12:30 Pole Vavine vs Marawaone P

1:50 Scorpions vs Vailima P
3:10 IPA Arnotts vs Blacks P

Kot 2 (meri)
08:30 Vailima vs Grass Hoppers D2
09:50 Defence vs U-Mi Yet D1
11:10 Heturanamo vs Grass Hoppers P

12:30 U-Mi Yet vs Kijo-cs P
1:50 Gaba Crusaders vs Pole Vavine P
3:10 Scorpions vs IPA Arnotts P

Kot 3 (man)
08:30 Grass Hoppers vs Blacks D2
09:50 Kijo-cs vs Moukele D2
11:10 Lavender vs Pole Vavine D2
12:30 Ulamagi vs U-Mi Yet D1
1:50 Slickers vs Gaba Crusaders D1
3:10 Lavender vs Indies Magpies D2
4:30 Pidia Bullets vs Defence D1

Kot 4 (meri)
08:30 Heturanamo vs IPA Arnotts D1
09:50 Marewaone vs Airlines PNG D2
11:10 Lavender vs Indies Magpies D2
12:30 Ulamagi vs Gaba Crusaders D1
1:50 NFA Dolphins vs Pole Vavine D2
3:10 Moukele vs Blacks D1
4:30 Airlines PNG vs Heturanamo Men D2

BASKETBOL
CBL
Hohola Kot
Sarere 30.04.05
Kot Wan
8:30 Birdwing vs Titans U19
9:30 Girls Birdwing Vs Titans U19
10:30 Birdwing vs Titans RW
12:00 Birdwing vs Titans RM
1:30 Birdwing vs Titans AW
3:00 Birdwing vs Titans AM

Kot Tu
8:30 Boys Tamaraws vs Muruks U19
9:30 Girls Tamaraws vs Muruks U19
10:30 Tamaraws vs Muruks RW
12:00 Tamaraws vs Muruks RM
1:30 Tamaraws vs Muruks AW
3:00 Tamaraws vs Muruks AM

Sande 01/05/05
Kot Wan
8:30 Boys Jazz vs Saints U19
9:30 Girls Jazz vs Saints U19
10:30 Jazz vs Saints RW
12:00 Jazz vs Saints RM
1:30 Jazz vs Saints AW
3:00 Jazz vs Saints AM

Kot Tu
8:30 Boys Exodus vs Chariots U19
9:30 Girls Exodus vs Chariots U19
10:30 Exodus vs Chariots RW
12:00 Exodus vs Chariots RM
1:30 Exodus vs Chariots AW
3:00 Exodus vs Chariots AM
Bye: Souths



Amamas...Wina bilong 2005 British America Tobacco PNG Golf Open Eddie Bar (namel) i holim tropi wantaim POM Golf Asosiesen presiden Stan Walker. Sanap lukluk em BAT maus-man. Foto: ANDREW MOLEN

Pot Mosbi rot rana kamap bikpela

LAS wik Sarere 81 rana bilong Pot Mosbi Rot Rana i traim nupela kos stat long Ela Bis na go long Paga Hill.

Sotpela kos (2.4km) i go long Ela Bis tasol. I gat tupela kos i go long Paga Hill 3.8km na 6.7km. Longpela kos i bih hat tru i go antap long ai bilong Paga Hill. Dispela kos i traim gut tru ol rana.

I gat rana krismas bilong em i stat long foapela yia i go antap long 70 yia. Planti nupela rekot i kamap tu long dispela ol resis.

Romie Sanata i winim sotpela resi, rekot bilong em 8.42. Rekot bilong ol yangpela man stap wantaim Mathias Andrew (9.31km) na rekot bilong ol yangpela meri i stap wantaim Madeline Mauai (10.43).

Long 3.8km resis Milton Iakosi i mekim spit tru na em i kisim Mel Open rekot (13.37). Bihainim em em Jude Ronayne-Ford husat i mekim rekot bilong ol lapun man (20.20), Jamie Michael i mekim rekot bilong ol yangpela we i kamap 20.37 na Rachel Wilson i mekim open rekot bilong ol meri na kamap 24.03.

Strongpela resis i kamap long longpela resis. Scott Bisop na Kesa Nathan i resis we tupela wantaim inap long 100 mita. Stat long tauni go bek long Ela Bis Scott i mekim spit tru na winim resis 25.56, na seken em Kesa long 25.58. Long ol man i lapun liklik we ol i kolim dispela mak supaveteran em Roger Hollis husat i win na kamap 29.51 minit.

Susi pin em i namba wan meri long pinis long taim 38.55 minit na Hugh Davies i kisim namba wan ples long Ekstrim Veteran we em i kamap long tam 49.15 minit.

I gat bikpela resis namel long Paul CrouchChivers, Dickson Mitaharo na Velena Vera ol i bin spit tur klostu klostu long Ela Bis na givim bikpela amamas long ol lain husat i lukluk long ol.

Dickson i mekim rekod long ol yangpela man we em i kamap long taim 48.14 minit.

Planti nupela man, meri na pikinini i wok long kamap long ol resis. Kam joinim ol mekim yu i stap strong long laip.

Peni laik kamap sempion pilaia

PAUL ZUVANI i stori long yangpela golf pilaia Gus Peni husat wampela de i laik kamap sempion pilaia na go pilai long U.S (Amerika) PGA. Nau long dispela taim em i stap handikap 9.



Profail bilong Gus Peni

Nem: Gus Peni (Nepiu bilong PNG biknem golf pilaia Augustine Peni).

Krismas: 13

Bilong we: Hap kas Is Nu Briten na Morobe (papa Is Nu Briten).

Skul: Gret 6, Vunapope Intanesenel Skul, Is Nu Briten Provins.

Pilai: Golf

Pilai olsem wanem: Amata

Husat lainim long pilai: Papa David Peni i lainim mi long pilai taim mi gat 8-pela krismas long Kimbe Golf Kos. Papa i stap menesa bilong Kimbe Golf Kos. Nau em i menesa bilong Rabaul Golf Kos.

Yia i kamap long pilai tru: 2000 Kimbe Klasik

Bikpela pilai bin kamap long ol: 2000 Kimbe Klasik, 2002 Wes Nu Briten Open, 2003 Is Nu Briten Open na 2005 PNG Open, Mosbi.

Samting bin bungim long 2005 PNG Open: Pilai gut na pilai wantaim wina bilong 2005 PNG Open Eddie Barr. Kos i hat long wanem i hat long ti ov na pet tu. Graun i malumalum. Kisim planti save na tingting long pilai. Bungim tupela ankel husat i PNG profesenel pilaia - Augustine Peni na Lukas Bimbo.

Bikpela pilai bin winim: Winim net prais long 2000 Kimbe Klasik Open long amata divisen.

Gat hamas handikap: 9

Laik bihainim husat: Ankel Augustine Peni

Fevoret pilaia: Tiger Woods

Tingting bilong bihainim: Go pilai long US (Amerika) PGA.

Save pilaim narapela pilai: Nogat

Kaikai laikim: Saina Nudel

Dring laikim: Diet Coke



Brown amamas

LONG taim tupela tim Dragons i go daun long namba bilong ol pilaia bilong em long las minit bilong pilai Dragons hap-bek Head i kisim tupela poin long konvesion we dispela i lukim ol i abrusim Roosters 26-24.

Na las minit trai i kam long Matt Cooper husat i kisim sip kik bilong Head long ron na putim trai.

Dispela Dragons namba 7 i rausim sampela wari long het bilong kosa Nathan Brown husat i no bin amamas taim klab i no stat gut long stat bilong sisen.

"Em wanpela bilong ol samting we i save kamap taim yu pilai aninit long Brownie. Em i save givim mipela planti strong na tokim mipela long mekim samting na dispela i karim kaikai bihain long ol hatwok," Head i tok.

"Mipela i traim long olgeta long dispeal wik (Roosters fuibek Anthony) Minichiello we mipela i save em bai stap long baksait stret na olsem mi traim tasol na em i wok.

"Mi ting em wanpela samting we yu save driman long mekim tasol tru tu



• Dragons Matt Cooper i skoaim win trai bilong Dragons we ol i kam bihain na nekim Roosters 26-24 long win.

mipela i nidim dispela tupela poin na olsem nau mipela i ken lukluk tasol long narapela wik.

Kosa Brown tu i amamas. "Las tripela wik bilong mipela i bin gutpela na nogut

long em wantaim. Nau mipela i painim wei bilong mipela long pilai tasol inap long mipela i win na dispela em i bikpela samting long helpim mipela. Mipela i mas senisim wei mipela i save tingting.

Sea Eagles bai kamapim strongpela pilai

MANLY Sea Eagles husat i save gat nem long kamap long primiasip gren fainol i wok long wok isi isi long dispela taim nau ol i redi long bungim Brisbane Broncos long dispela Fraide nait.

Win long NRL fevaret Brisbane husat las wik i kamapim wanpela strongpela pilai long winim Cronulla las wik, bai givim sampela tingting long tim long wanem hap nau ol bai go long en.

Nau long dispela taim Manly i winim faipela long ol sikpela pilaia ol i kamap long ol. Ol i nogat ol biknem pilaia olsem

ol narapela klab. Ol i nupela na i gat nupela ol pilaia tasol. Brisbane intansenel Brad Thorn i tok Manly i painim nupela amamas bihain long ol i kisim nupela ol jesi.

"Ol i gat amamas na olsem ol i difen gut sapos yu lukluk i go bek long pilai bilong ol," Thorn i tok. "Ol i save tingtingim arapela narapela pilaia bilong ol yet long taim bilong pilai na olsem dispela em i trupela tim spirit.

"Na maski ol i gat kain gutpela tingting ol i daunim ol yet na dispela bai i bikpela

salens bilong mipela long Fraide nait.

"Planti lain i wok long lukluk na ting olsem ol bai bruk daun long kain spirit bilong pilai bilong ol tasol nogat. Ol i go yet. "Ol i wok long go yet na olsem ol bai amamas taim ol i painim form bilong ol," Thorn i husat i bin pilai ragbi yunion wantaim All Blacks long foapela yia i tok. Em i tok Brisbane i wok long mekim wan kain long fas ol pilai biong ol we ol i save kam bihain na win.

"Yu lukluk long tim we i wok long go gut wantaim na bai pilai gut.

Faipela pilaia kisim mekimsave long NRL

FAIVPELA pilaia insait long pilai bilong St George Illawara na Sydney Roosters i kisim mekimsave bihain long pilai bilong ol long Anzac De.

Long kem bilong ol Roosters husat i kisim bikpela mekimsave em fulbek Brett Finch i kisim gret wan sas long em i kros pait bihain long pait.

Long dispela sas ol jas i skelim Finch i namba tri man long go insait na kamapim pait. Em i kisim sas long stap nating long wanpela wik.

Na wanpilaia bilong em Jason Cayles

kisim gret wan sas long mekim wanpela takol nogut long hapbek bilong Dragons Mathew Head tasol bai inap abrusim sapos em i tokaut stret long wanem samting em i mekim na olsem em i tok sori long wanem samting em i mekim.

Dragon prop Jason Ryles na Justin Poore i kisim gret wan sas long mekim wanpela takol nogut long Roosters Michael Crocker long 72 minute. Bihain long dispela takol tupela pilaia wantaim em referi i askim ol long go long 10 minit sin bin.

Winger Wes Naiqama i namba tri man

bilong Dragon long lukim em i yet i stap long trabel long em i kisim sas bilong gret tu takol long fulbek bilong ol Rooster Anthony Minichiello. Sapos judisari i painim olsem em i mekim asua em bai kisim sas long stap malolo long tupela wik na sapos nogat em bai go fri.

Long ol wiken pilai 9-pela pilaia olgeta long NRL kompetisen i sas long dispela taim- sampela em Canberra Senta Adam Mogg husat i sapos judisari i skelim asua bilong em bai sasim em long stap nating long mekim gret wan takol long Melbourne Storm pilaia.

Nogat ol nupela pilaia long Kwinslen kem

MELBOURNE Fowet Dallas Johnson, North Queensland skram yutiliti Jonathan Thurston na 2-taim intansenel pilaia Brad Thorn em nem bilong ol i stap long

Queensland 22-man Orijin priiminari skwat pilai we bai kamap long Mei 25. Na gut-taim pilaia Jason Smith husat i stap baksait long ol gutpela pilai bilong Canberra i stap

long skwat tu. Ol narapela em Matt Bowen (North Queensland Cowboys), Billy Slater (Melbourne), Rhys Wesser (Penrith) na Carl Webb na Paul Bowman

bilong North Queensland. Bikos long dispela ol bukme-ka hariap tru mekim maket bilong ol Orijin tim olsem Maroons i fevaret AUD\$1.85 na Blues em AUD\$1.95.

Elliot gat bilip long Raiders pilaia

CANBERRA Raiders kosa Matt Elliot i bilip olsem klab bilong em bai mekim gut yet maski em i gat planti ol pilaia bilong em husat i kisim bagarap na i no inap long pilai.

Inap olsem 11-pela pilaia olgeta long Raiders skwat i kisim bagarap na olsem ol bai i no inap pilai wantaim Newcastle Knights long dispela Sande. Ol lain

husat bai i no inap pilai em huka Simon Woolford (kisim sas), Clinton Schifcofske (sait bun-rib) na Jason Smith (kisim sas).

Ol pilaia husat bai go long operesen long dispela wik em prop Ryan O'Hara, prop Michael Weyman, senta Craig Frawley, lok/senta Damon Alley, seken row Michael Hodgson, lok Terry Martin,

seken row Alan Rothery na winga Nathan Smith. "I nogat samting bilong tingting planti taim ol pilaia bilong mipela i no stap," Elliot i tok. "Dispela em i gutpela sans long mipela i yusim pilaia bilong mipela husat i stap nating.

"Sampela bilong dispela ol pilaia i gat sans long A Gret pilai long dispela wiken.

Raun 8

Fraide, Epril 29 -
Brisbane Broncos vs Manly Sea Eagles. Yu ken lukim long EMTV long 8.30 long nait.

Sarere, Epril 30 -
Melbourne Storm vs Sharks
Canterbury Bulldogs vs Paramatta Eels
North QLD Cowboys vs City Roosters

Sande, Mei 1-
N/Z Warriors vs Penrith Panthers. Yu ken lukim dispela long EM TV long 4:00-6:00 apinun

Newcastle Knights vs Canberra Raiders
West Tigers vs St George Illawara Dragons

Bai: Rabbitohs

NRL Poin Lata

Klab	P	W	D	L	B	P/D	Pts
1 Sea Eagles	6	5	0	1	1	69	12
2 Cowboys	7	5	0	2	0	49	10
3 Sharks	6	4	0	2	1	30	10
4 Broncos	7	5	0	2	0	27	10
5 Raiders	6	4	0	2	1	2	10
6 Storm	7	4	0	3	0	115	8
7 Warriors	6	3	0	3	1	14	8
8 Eels	7	4	0	3	0	-23	8
9 Wests Tigers	6	3	0	3	1	-25	8
10 Panthers	7	3	0	4	0	22	6
11 Roosters	7	3	0	4	0	-1	6
12 Bulldogs	6	2	0	4	1	-18	6
13 Dragons	7	2	0	5	0	-64	4
14 Rabbitohs	7	2	0	5	0	-67	4
15 Knights	6	0	0	6	1	-130	2

* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Top 10 poin skora

Pilaia	Tim	Poin
1. Clinton Schifcofske	Raiders	74
2. Preston Campbell	Rabbitohs	62
3. Luke Covell	Sharks	58
4. Stacey Jones	Warriors	56
5. Matt Orford	Storms	54
6. Hazen El Masri	Bulldogs	54
7. Michael Witt	Manly	54
8. Mathew Head	Dragons	52
9. Daren Lockyer	Broncos	52
10. Bred Hodgson	Sharks	46



• Namba bilong ol sapota long lukim pilai i wok long kamap gut. Hia Dragons pilaim Roosters.

POM hoki helpim Frens Faundesen

POT Mosbi Hoki Asosiesen i luksave long bikpela wok ol lain long "Friends Foundation" i save mekim long lukautim ol lain husait i gat sik AIDS na nau ol i laik mekim sampela samting long helpim ol.

Planti ol narapela praivet grup na grup bilong gavman i save traim long helpim long daunim hevi bilong sik AIDS insait long Papua Niugini na tu long helpim ol manmeri long save moa long dispela sik na tu long helpim husat ol i gat sik long stap strong na nau PMHA i joinim dispela gupela wok.

Dispela wiken long Sarere na Sande bai ol i holim wanpela seriti 6's kompetisen long Ela Beach intanesenel skul long Pot Mosbi. Seketeri bilong

Asosiesen Trevor Birney i tok as bilong dispela em long bungim moni long helpim ol lain long 'Friends Foundation'.

"Tessie na ol lain bilong em i save mekim bikpela wok olsem na mipela i laik long helpim ol," Birney i tok.

Em i tok ol i save lukautim ol lain husait i gat dispela sik na em bai gupela tu long helpim wok bilong ol.

Intanesenel Edukesen Ejensi (IEA) na NauFM i sponsaim dispela kompetisen.

PMHA nau i singaut long ol bisnis haus, ol hoki pilaia na ol narapela lainmanmeri husait i gat laik long helpim long makim ol tim bilong ol long i kam pilai.

Long nominesen fi bilong wan wan tim em K100.

Olgeta tim husait i win bai kisim trofi na prais moni olsem; nambawan ples K500, seken ples K300 na namba tri ples em K200.

PMHA i husait ol i ogenaisim dispela i tok ol i laikim bai planti tim i kamap bai ol inap long bungim planti moni long helpim ol lain long Friends Foundation.

Husat manmeri i laik painimaut moa o i laik putim wanpela tim long dispela kompetisen i ken ringim seketeri bilong PMHA long telepon namba 321 4720 ext. 221, Fax 3214668 o e-mel: tbirney@iea.ac.pg.

Long wankain taim PMHA i stap namel long pri-sisen 7's salens bilong ol na bihain long dispela kompetisen bai ol i go insait long propa sisen bilong ol.

SP Brewery sponsaim Mosbi skwas

SEA Eagles tas ragbi klab bilong Hohola1 long Mosbi i bin amamas long las wiken taim ol i kisim nupela yunifom. Wanpela lokel kampani Teosi

Invesmen i helpim long sponsarim ol wantaim karamap 't' snot na trau-sis bilong pilai wantaim ol bal, wara eski na ol maka o samting bilong trening na tu kampani i baim afliiesen bilong klab i go long NCD Tas Asosiesen.

Kampani Teosi Invesmen husat papa bilong kampani i kam long Bogenvil na i stap tu long sponsosip de na i tok amamas long kam insait long helpim ol yut long pilai spot na tu long kamapim gupela sindaun insait long komyuniti.

Papa bilong kampani i tok tu olsem wantaim dispela sapot long dispela yia bai i traim long lukluk gen long helpim klab i go moa long narapela yia sapos klab i mas pilai gut na traim long stap insait long ol fainols.

Mausman bilong klab Aisi Aisi na kepten bilong tim David Avosa i tok bikpela amamas na tenk yu i go long kampani Teosi

Invesmen we ol i tokaut olsem ol bai traim long kamapim gupela nem bilong sponsa long olgeta pilai bilong ol.

Tupela i tok tu olsem tas yia 2004 taim ol i bin stap aninit long sponsa bilong Kopytek ol tim bilong man i bin kamap sempion long open divison na tim bilong ol meri i bin lus long semi fainols.

"Wantaim dispela helpim bilong kampani Teosi Invesmen bai mipela i traim hat long stap insait long fainols bilong wanwan divison bilong mipela", Aisi na Avosa i tok.

Aisi i tokim "Wantok Spots" olsem long dispela sisen Sea Eagles klab i putim ol tim insait long olgeta divisen em long; open divisen bilong man na meri, open mix bilong man na meri, mastas na ol junia u16 divisen bilong ol man na meri tu.

Long nau yet ol tim i wok long mekim gut long divisen bilong ol we olgeta gems i save kamap long Sir John Guise Stadium long Sande apinun we Aisi na Avosa i askim ol sapota bilong ol long kamap na givim sapot.

Magani soim strong

Andrew Molen i raitim

OL TIM insait long Pot Mosbi ragbi lig kompetisen i gat narapela wari nau we em i no moa Souths, Puma o Brothers.

Tim nau we i givim het pen long ol em Magani.

Magani i save pilaia narapela kain stail bilong ragbi lig we i no planti narapela tim insait ong kompetisen i save pilaim.

Ol i save stat isi tasol na pilai wankain olsem inap long pinis bilong gem, ol i no save hariap long mekim ol samting tasol ol i save strong banis bilong ol taim ol i narpael tim i kam klostu long trai bilong ol.

Planti taim ol i save kam bek bihain long ol i stap daunblo na winim gem.

Ol i bin mekim dispela long Dobo Warriors long raun faiv we ol i kam long bihain long winim gem na ol i bin stap long namba foa ples long poinis leda dispela taim.

Las wiken ol i mekim wankain long Brothers husait ol i stap pas tru long poinis leda.

Magani i kam long baksait long winim Brothers 24-20.

Brothers i pilai wantaim strongpela tingting bilong win na ol i pilai gut tasol Magani i isi isi na mekim save long Brothers long ol liklik asua bilong ol na taim wanpela pilaia bilong Brothers i go long sin bin klostu long hap taim, banis bilong Brothers i bruk olgeta.

Huka bilong Magani, Oala Frank i pilai strong tru long dami hap we i lukim em i kisim planti spes taim em i ron i go aut long dami hap.

Winga Jared Haoda tu i putim han i go antap na helpim ol fowet log karim bai i go antap.

Tasol lok, Emmanuel Palme na seken ro, Charlie Pombo bilong Magani i brukim difens bilong Brothers klostu klostu na helpim ol spit man bilong ol.

Long narapela sait traipela winga bilong Brothers, Leroy Muriki i pilai strong we i



• Brothers winga Leroy Muriki painim we long go taim ol birua bilong em long Magani i holim em long Pom lig. Magani i kam bihain na win 24-20. Foto: ANDREW MOLEN

lukim em i helpim gut ol fowet tu. Senta Wilfred Henry na hap bek Richard Sinamoi i givim hat taim long Magani tasol ol liklik asua i bagarapim win bilong ol.

Laspela sans bilong Brothers i bin kamap long las tupela minit bilong gem taim Henry i kik, ron i go kikim ken long han bilong Magani ful bek Paul Nou na tupela pilaia bilong em alois McKiwa wantaim Solomon Hui i ron i go long putim trai

tasol tupela wantiam i resis na ol i pudau-nim bal. Dispela wiken Brothers bai lukluk long bekim dispela dinau bilong ol tasol Magani sapos ol i pilai wantaim kain strongpela tingting ol i gat na harim tok bilong kosa bilong ol, Ivan Ravu, ol bai pusim ol narapel atim i go long sait tasol.

Tasol maski em namba wan lus biong Brothers ol i go pas yet long kompetisen long ol poin.

SP Brewery helpim POM skwas

Andrew Molen i raitim

SP BREWERY long dispela wik i givim sapot bilong ol long narapela spot ken insait long kantri.

Dispela taim ol i givim K3 000 i go long Pot Mosbi skwas klab long ol i holim Pot Mosbi skwas open dispela wiken we bai ron long Fraide Epril 29 i go inap Sande Mei 1.

Dispela em i namba tu yia bilong SP Brewery long sapotim dispela tonamen na rijinol operesenol meneja, Reg Monagi i tok ol i amamas ol stap olsem wanpela sponsa bilong dispela spot.

"Skwas em i wanpela spot insait long PNG we i putim mak pinis long intanesenel level we sampela bilong ol pilaia

bilong skwas i kisim pinis SP awod bilong PNG olsem Natuge Guy," Monagi i tok.

"Mipela i save wok bung wantaim planti spot insait long kantri bilong wanem mipela i lukim spot olsem wanpela gupela samting long salim na soim ol samting bilong mipela na tu spot em i gupela long laip bilong olgeta manmeri.

"Em i save bungim ol pipot, komyuniti, provins na ol rijen tu," Monagi i tok.

Em i tok spot i save kamapim tu planti gupela poroman na i gupela long laip.

Long wankain taim vais-presiden bilong POM skwas klab, David Whitehead i tok ol i amamas tru long SP long kam long helpim ol long dispela tonamen na ol bai yusim moni long ronim dispela tonamen.

"Dispela sponsaip em i bikpela samting

tru long klab bilong mipela na em bai helpim mipela gut," Whitehead i tok.

Em i tok tok olgeta pilaia i redi tasol na moa long 100 pilaia bai i kamap long dispela tonamen.

"5-pela bai kam long Cairns, 15pela long Lae na sampela long Goroka, inap olsem 100 pilaia bai kamap," em i tok.

Ol bai pilai long ol junia divison stat long anda 15, 19 na ol sinia divison, A, B na C gret. Whitehead i tok PNG skwas na reket federesen i kirapim bek PNG skwas na reket federesen Federesen kap kompetisen na long dispela Mosbi open tonamen bai ol i yusim olsem seleksen long makim ol gupela tim long pilai insait long PNGSRF kap salens we bai i kamap bihain long yia.

NCD dart pilai kamap strong

OL PILAIA i wok long tu hat insait long namba 5 gem bilong NCD Darts Asosiesen we pilai i kamap long Sports Inn olgeta Sarere apinun.

Long ol gems bilong wiken ol top tims olsem Ganimix, Taliu, Tairox, Pulee na Hamamas i wok long kamap gupela win long ol gems bilong ol.

Mausman na ekting presiden bilong asosiesen Phil Tabogani i tokim Wantok Spots olsem long kompetisen bilong ol i gat tupela divison em i Primia na Fes divisen we i gat 8-pela tim insait long wanwan divison.

"Long nau bihainim dispela gem namba 5 em bai i lukim pinis bilong raun 1 narapela wik na bai mipela i go insait long namba tu raun tasol i gat sampela hevi we mi mas tokaut long en pastaim," Tabogani i tok.

"Namba wan em mi singautim olgeta klab i mas baim hariap ol afliiesen fi wantaim ol pilaia registresen fi tu. Foapela klab tasol i baim pinis ol afliiesen fi

bilong ol. "Dispela ol klab em Tairox, Taliu, Hamamas na Uncles Laurabada. Tabogani i tok olsem kos bilong ol fi em K200 long klab o tim afliiesen na K25 bilong pilaia registresen.

Dispela ol i mas baim olgeta fi pinis bipo long pinis bilong neks mun we dei ol eksekutiv i makim em Mei 28.

"Sapos ol tim o klab wantaim ol pilaia i no baim ol fi bai mipela i rausim ol long kompetisen.


"Mipela i les long kamapim wankain mistek bilong las yia we planti ol tim na pilaia i no bin rejista tasol ol i bin pilai yet.

"Nau bai mipela i mas strongim lo na ol klab na pilaia i mas bihainim", Tabogani i tok.

Ekting presiden i tok long lukluk long sait bilong kompetisen em klotu long pinis bilong fes raun na olgeta pilaia na tims o klab i wok long pilai strong i stap na raun tu bai i stat neks wiken olsem na mipela i lukluk tu long wanpela gupela sisen dispela yia.



WANTOK SPOTS



PNG Kriket Bod statim trenning bilong wol kap

TINGTING bilong stap insait long 2008 Wol Kap Kriket Sempionsip long Wes Indies i wok long kamap bikpela nau long kem bilong PNG Kriket Bod.

Tasol bipo long dispela em i gat narapela hevi em i mas winim- em i mas pilai gut long ICC Kap long Ireland long dispela Julai.

Long go het long lukim dispela tingting i karim kaikai Bod i statim pinis sampela trenning kem bilong ol pilaia bilong em.

Long dispela wik em i tokaut tu long 32-man trenning skwat bilong em we tupela pilaia i bilong Lae na otgeta arapela i bilong Pot Mosbi.

Dispela trenning kem bai kamap long Murray Intanesenel Skul. Kem bai i stat long tumoro Fraide 29 Epril na pinis long Sande. Otgeta pilaia husat i stap insait long dispela nesanel trenning skwat i mas kamap long 7.00 kilok monin.

Long progrem bilong em Bod i tok kem bai i stat wantaim fitness tes o (beep test) we ol trena na instrakta bai i sekim fitness o strong bilong wanwan ol pilaia.

Bihain long fitness tes bai ol pilaia i go insait long klasrum long lukluk long ol fitness risal bilong ol na statim wok plen bilong ol long lukluk i go insait long wanem samting ol i mas toktok long ol pilaia long mekim.

Ol i laik bai ol pilaia i mas redi long tingting na bodi wantaim bipo long ol i kamap long dispela pilai long Ireland.

Ol pilaia tu bai i no inap long stap insait long klasrum tasol.

Bai ol i mekim sampela trenning long fil we ol bai i karamapim ol teknik long filding, boling na long paitim bal wantaim bat.

Dispela trenning long fil bai i kamap long STC ovol we bai i lukim ol opisel i makim tupela tim PNG Red na PNG Black husat bai i pilai wanpela 50 ovas gem aninit long fui intanesenel kriket rul bilong pilai.

Dispela gem bai i kamap long STC ovol long 9.30am long Sande moning.



Kisim Taim...
Monda...
Lub...

"Bikpela laik bilong PNG Kriket Bod long kamapim dispela kain trenning kem em long makim wanpela strongpela tim long go pilai long ICC tonamen we mipela i mas traim na apim mak bilong mipela long dispela tonamen", nesanel kosa Api Leka i tok.

"Bihain long dispela trenning kem bai mipela i makim fainol tim husat bai makim

kantri na go long pilai. Mipela i laik soim olsem PNG i save pilai kriket na olsem em i inap long winim pilai long ol bikpela tonamen.

Ol memba bilong trenning skwat em Alois Nori, Assad Vala, Arua Uda, Chris Amini, Daniel Alu, Gimapau Keimelo, Hitolo Areni, Inoa Baeau, Ipi Morea, Jamie Brazier,

Jamie Iga, Jimmy Maha, John Ovia, Joseph Moses, Kauna Vagi, Mahuru Dai, Mahuta Kivung, Maru Hobart, Navu Maha, Noel Kariko, Peter Arua, Peter Moide, Piki Ravusiro, Rabura Harry, Rarua Dikana, Rarua Ipi, Richard Leka, Toka Gaudi, Vani Vagi Morea, Wala Wala (POM), Ravu Vuivagi na Tupou Amini (Lae).

30% OFF

ALL 2005 DIARIES

Only While Stocks Last!

THEODIST LTD
THE STATIONERY SUPERMARKET

Port Moresby - Waigani Drive
Tel: 325 6500. Fax: 325 0302

Lae - Millfordhaven Rd
Tel: 472 5488. Fax: 472 7838